

श्री रायपसेणीय सूत्र

॥ श्री आगम-गुण-मञ्जूषा ॥

॥ श्री आगम-गुण-मंजूषा ॥

॥ Sri Agama Guna Manjusa ॥

(सचित्र)

प्रेरक-संपादक

अचलगच्छाधिपति प.पू.आ.भ.स्व. श्री गुणसागर सूरीश्वरजी म.सा.

४५ आगमो का संक्षिप्त परिचय

११ अंगसूत्र

- १) **श्री आचारांग सूत्र :-** इस सूत्र में साधु और श्रावक के उत्तम आचारों का सुंदर वर्णन है। इनके दो श्रुतस्कंध और कुल २५ अध्याय हैं। द्रव्यानुयोग, गणितानुयोग, धर्मकथानुयोग और चरणकरणानुयोगों में से मुख्य चौथा अनुयोग है। उपलब्ध श्लोकों की संख्या २५०० एवं दो चुलिका विद्यमान हैं।
- २) **श्री सूत्रकृतांग सूत्र :-** श्री सुयगडांग नाम से भी प्रसिद्ध इस सूत्र में दो श्रुतस्कंध और २३ अध्याय के साथ कुलमिला के २००० श्लोक वर्तमान में विद्यमान हैं। १८० क्रियावादी, ८४ अक्रियावादी, ६७ अज्ञानवादी अपरंच द्रव्यानुयोग इस आगम का मुख्य विषय रहा है।
- ३) **श्री स्थानांग सूत्र :-** इस सूत्र ने मुख्य गणितानुयोग से लेकर चारों अनुयोगों की बातें आती हैं। एक अंक से लेकर दस अंकों तक में कितनी वस्तुओं हैं इनका रोचक वर्णन है, ऐसे देखा जाय तो यह आगम की शैली विशिष्ट है और लगभग ७६०० श्लोक हैं।
- ४) **श्री समवायांग सूत्र :-** यह सूत्र भी ठाणांगसूत्र की भांति कराता है। यह भी संग्रहग्रंथ है। एक से सो तक कौन कौन सी चीजें हैं उनका उल्लेख है। सो के बाद देढसो, दोसो, तीसो, चारसो, पांचसो और दोहजार से लेकर कोटाकोटी तक कौनसे कौनसे पदार्थ हैं उनका वर्णन है। यह आगमग्रंथ लगभग १६०० श्लोक प्रमाण में उपलब्ध है।
- ५) **श्री व्याख्याप्रज्ञप्ति सूत्र (भगवती सूत्र) :-** यह सबसे बड़ा सूत्र है, इसमें ४२ शतक हैं, इनमें भी उपविभाग हैं, १९२५ उद्देश हैं। इस आगमग्रंथ में प्रभु महावीर के प्रथम शिष्य श्री गौतमस्वामी गणधरादि ने पुछे हुए प्रश्नों का प्रभु वीर ने समाधान किया है। प्रश्नोत्तर संकलन से इस ग्रंथ की रचना हुई है। चारों अनुयोगों की बातें अलग अलग शतकों में वर्णित हैं। अगर संक्षेप में कहना हो तो श्री भगवतीसूत्र रत्नो का खजाना है। यह आगम १५००० से भी अधिक संकलित श्लोकों में उपलब्ध है।
- ६) **ज्ञातार्थधर्मकथांग सूत्र :-** यह सूत्र धर्मकथानुयोग से है। पहले इसमें साठेतीन करोड़ कथाएं थी अब ६००० श्लोकों में उन्नीस कथाओं उपलब्ध हैं।
- ७) **श्री उपासकदशांग सूत्र :-** इसमें बाराह व्रतों का वर्णन आता है और १० महाश्रावकों

के जीवन चरित्र हैं, धर्मकथानुयोग के साथ चरणकरणानुयोग भी इस सूत्र में सामील है। इसमें ८०० से ज्यादा श्लोक हैं।

- ८) **श्री अन्तकृद्दशांग सूत्र :-** यह मुख्यतः धर्मकथानुयोग में रचित है। इस सूत्र में श्री शत्रुंजयतीर्थ के उपर अनशन की आराधना करके मोक्ष में जानेवाले उत्तम जीवों के छोटे छोटे चरित्र दिए हुए हैं। फिलाल ८०० श्लोकों में ही ग्रंथ की समाप्ति हो जाती है।
- ९) **श्री अनुत्तरोपपातिक दशांग सूत्र :-** अंत समय में चारित्र की आराधना करके अनुत्तर विमानवासी देव बनकर दूसरे भव में फीर से चारित्र लेकर मुक्तिपद को प्राप्त करने वाले महान् श्रावकों के जीवनचरित्र हैं इसलिये मुख्यतया धर्मकथानुयोगवाला यह ग्रंथ २०० श्लोक प्रमाणका है।
- १०) **श्री प्रश्नव्याकरण सूत्र :-** इस सूत्र में मुख्यविषय चरणकरणानुयोग है। इस आगम में देव-विद्याघर-साधु-साध्वी श्रावकादि ने पुछे हुए प्रश्नों का उत्तर प्रभु ने कैसे दिया इसका वर्णन है। जो नंदिसूत्र में आश्रव-संवरद्वार है ठीक उसी तरह का वर्णन इस सूत्र में भी है। कुलमिला के इसके २०० श्लोक हैं।
- ११) **श्री विपाक सूत्र :-** इस अंग में २ श्रुतस्कंध हैं पहला दुःखविपाक और दूसरा सुखविपाक, पहले में १० पापीओं के और दूसरे में १० धर्मीओं के द्रष्टांत हैं मुख्यतया धर्मकथानुयोग रहा है। १२०० श्लोक प्रमाण का यह अंगसूत्र है।

१२ उपांग सूत्र

- १) **श्री औपपातिक सूत्र :-** यह आगम आचारांग सूत्र का उपांग है। इस में चंपानगरी का वर्णन १२ प्रकार के तपों का विस्तार कोणिक का जुलुस अम्बडपरिव्राजक के ७०० शिष्यों की बातें हैं। १५०० श्लोक प्रमाण का यह ग्रंथ है।
- २) **श्री राजप्रश्रीय सूत्र :-** यह आगम सुयगडांगसूत्र का उपांग है। इसमें प्रदेशीराजा का अधिकार सूर्याभदेव के जरीए जिनप्रतिमाओं की पूजा का वर्णन है। २००० श्लोकों से भी अधिक प्रमाण का ग्रंथ है।

दश प्रकीर्णक सूत्र

- ३) श्री जीवाजीवाभिगम सूत्र :- यह ठाणांगसूत्र का उपांग है। जीव और अजीव के बारे में अच्छा विश्लेषण किया है। इसके अलावा जम्बुद्वीप की जगती एवं विजयदेव ने कि हुइ पूजा की विधि सविस्तर बताई है। फिलाल जिज्ञासु ४ प्रकरण, क्षेत्रसमासादि जो पढ़ते हैं वह सभी ग्रंथे जीवाभिगम अपरग्व पत्रवणासूत्र के ही पदार्थ हैं। यह आगम सूत्र ४७०० श्लोक प्रमाण का है।
- ४) श्री प्रज्ञापना सूत्र- यह आगम समवायांग सूत्र का उपांग है। इसमें ३६ पदों का वर्णन है। प्रायः ८००० श्लोक प्रमाण का यह सूत्र है।
- ५) श्री सूर्यप्रज्ञप्ति सूत्र :-
- ६) श्री चन्द्रप्रज्ञप्ति सूत्र :- इस दो आगमों में गणितानुयोग मुख्य विषय रहा है। सूर्य, चन्द्र, ग्रहादि की गति, दिनमान ऋतु अयनादि का वर्णन है, दोनों आगमों में २२००, २२०० श्लोक हैं।
- ७) श्री जम्बूद्वीप प्रज्ञप्ति सूत्र :- यह आगम भी अगले दो आगमों की तरह गणितानुयोग में है। यह ग्रंथ नाम के मुताबित जम्बूद्वीप का सविस्तर वर्णन है। ६ ओरों के स्वरूप बताया है। ४५०० श्लोक प्रमाण का यह ग्रंथ है।
- ८) श्री निरयावली सूत्र :- इन आगम ग्रंथों में हाथी और हारादि के कारण नानाजी का दोहित्र के साथ जो भयंकर युद्ध हुआ उस में श्रेणिक राजा के १० पुत्र मरकर नरक में गये उसका वर्णन है।
- ९) श्री कल्पावतंसक सूत्र :- इसमें पद्मकुमार और श्रेणिकपुत्र कालकुमार इत्यादि १० भाइयों के १० पुत्रों का जीवन चरित्र है।
- १०) श्री पुष्पिका उपांग सूत्र :- इसमें १० अध्ययन हैं। चन्द्र, सूर्य, शुक्र, बहुपुत्रिका देवी, पूर्णभद्र, माणिभद्र, दत्त, शील, जल, अणाढ्य श्रावक के अधिकार हैं।
- ११) श्री पुष्पचुलीका सूत्र :- इसमें श्रीदेवी आदि १० देवीओं का पूर्वभव का वर्णन है।
- १२) श्री वृष्णिदशा सूत्र :- यादववंश के राजा अंधकवृष्णि के समुद्रादि १० पुत्र, १० में पुत्र वासुदेव के पुत्र बलभद्रजी, निषधकुमार इत्यादि १२ कथाएं हैं। अंतके पांचों उपांगों को निरयावली पञ्चक भी कहते हैं।

- १) श्री चतुशरण प्रकीर्णक सूत्र :- इस पत्र में अरिहन्त, सिद्ध, साधु और गच्छधर्म के आचार के स्वरूप का वर्णन एवं चारों शरण की स्वीकृति है।
- २) श्री आतुर प्रत्याख्यान प्रकीर्णक सूत्र :- इस आगम का विषय है अंतिम आराधना और मृत्युसुधार
- ३) श्री भक्तपरिज्ञा प्रकीर्णक सूत्र :- इस पत्र में पंडित मृत्यु के तीन प्रकार (१) भक्त परिज्ञा मरण (२) इंगिनी मरण (३) पादोपगमन मरण इत्यादि का वर्णन है।
- ६) श्री संस्तारक प्रकीर्णक सूत्र :- नामानुसार इस पत्र में संधारा की महिमा का वर्णन है। इन चारों पत्रों में पठन के अधिकारी श्रावक भी हैं।
- ७) श्री तंदुल वैचारिक प्रकीर्णक सूत्र :- इस पत्र को पूर्वाचार्यगण वैराग्य रस के समुद्र के नाम से चीन्हित करते हैं। १०० वर्षों में जीवात्मा कितना खानपान करे इसकी विस्तृत जानकारी दी गई है। धर्म की आराधना ही मानव मन की सफलता है। ऐसी बातों से गुंफित यह वैराग्यमय कृति है।
- ८) श्री चन्दाविजय प्रकीर्णक सूत्र :- मृत्यु सुधार हेतु कैसी आराधना हो इसे इस पत्र में समजाया गया है।
- ९) श्री देवेन्द्र-स्तव प्रकीर्णक सूत्र :- इन्द्र द्वारा परमात्मा की स्तुति एवं इन्द्र संबंधित अन्य बातों का वर्णन है।
- १०A) श्री मरणसमाधि प्रकीर्णक सूत्र :- मृत्यु संबंधित आठ प्रकरणों के सार एवं अंतिम आराधना का विस्तृत वर्णन इस पत्र में है।
- १०B) श्री महाप्रत्याख्यान प्रकीर्णक सूत्र :- इस पत्र में साधु के अंतिम समय में किए जाने योग्य पयन्ना एवं विविध आत्महितकारी उपयोगी बातों का विस्तृत वर्णन है।

१०C) श्री गणिविद्या प्रकीर्णक सूत्र :- इस पयत्रे में ज्योतिष संबधित बड़े ग्रंथो का सार है।

उपरोक्त दसों पयन्नों का परिमाण लगभग २५०० श्लोकों में बध्य है। इसके अलावा २२ अन्य पयन्ना भी उपलब्ध हैं। और दस पयन्नों में चंदाविजय पयन्नो के स्थान पर गच्छाचार पयन्ना को गिनते हैं।

छह छेद सूत्र

(१) निशिथ सूत्र (२) महानिशिथ सूत्र (३) व्यवहार सूत्र (४) जीतकल्प सूत्र
(५) पंचकल्प सूत्र (६) दशा श्रुतस्कंध सूत्र

इन छेद सूत्र ग्रन्थों में उत्सर्ग, अपवाद और आलोचना की गंभीर चर्चा है। अति गंभीर केवल आत्मार्थ, भवभीरू, संयम में परिणत, जयणावंत, सूक्ष्म दष्टि से द्रव्यक्षेत्रादिक विचार धर्मदष्टि से करने वाले, प्रतिपल छहकाया के जीवों की रक्षा हेतु चिंतन करने वाले, गीतार्थ, परंपरागत उत्तम साधु, समाचारी पालक, सर्वजीवो के सच्चे हित की चिंता करने वाले ऐसे उत्तम मुनिवर जिन्होंने गुरु महाराज की निश्रा में योगद्वहन इत्यादि करके विशेष योग्यता अर्जित की हो ऐसे मुनिवरों को ही इन ग्रन्थों के अध्ययन पठन का अधिकार है।

चार मूल सूत्र

१) श्री दशवैकालिक सूत्र :- पंचम काल के साधु साध्वीओं के लिए यह आगमग्रन्थ अमृत सरोवर सरीखा है। इसमें दश अध्ययन हैं तथा अन्त में दो चूलिकाए रतिवाक्या व, विवित्त चरिया नाम से दी हैं। इन चूलिकाओं के बारे में कहा जाता है कि श्री स्थूलभद्रस्वामी की बहन यक्षासाध्वीजी महाविदेहक्षेत्र में से श्री सीमंधर स्वामी से चार चूलिकाए लाइ थी। उनमें से दो चूलिकाएं इस ग्रंथ में दी हैं। यह आगम ७०० श्लोक प्रमाण का है।

२) श्री उत्तराध्ययन सूत्र :- परम कृपालु श्री महावीरभगवान के अंतिम समय के उपदेश इस सूत्र में हैं। वैराग्य की बातें और मुनिवरों के उच्च आचारों का वर्णन इस आगम ग्रंथ में ३६ अध्ययनों में लगभग २००० श्लोकों द्वारा प्रस्तुत हैं।

३) श्री निर्युक्ति सूत्र :- चरण सत्तरी-करण सत्तरी इत्यादि का वर्णन इस आगम ग्रन्थ में है। पिंडनिर्युक्ति भी कई लोग ओध निर्युक्ति के साथ मानते हैं अन्य कई लोग इसे अलग आगम की मान्यता देते हैं। पिंडनिर्युक्ति में आहार प्राप्ति की रीत बताइ हैं। ४२ दोष कैसे दूर हों और आहार करने के छह कारण और आहार न करने के छह कारण इत्यादि बातें हैं।

४) श्री आवश्यक सूत्र :- छह अध्ययन के इस सूत्र का उपयोग चतुर्विध संघ में छोट बड़े सभी को है। प्रत्येक साधु साध्वी, श्रावक-श्राविका के द्वारा अवश्य प्रतिदिन प्रातः एवं सायं करने योग्य क्रिया (प्रतिक्रमण आवश्यक) इस प्रकार हैं :-

(१) सामायिक (२) चतुर्विंशति (३) वंदन (४) प्रतिक्रमण
(५) कार्योत्सर्ग (६) पच्चक्खाण

दो चूलिकाए

१) श्री नंदी सूत्र :- ७०० श्लोक के इस आगम ग्रन्थ में परमात्मा महावीर की स्तुति, संघ की अनेक उपमाए, २४ तीर्थकरों के नाम ग्यारह गणधरों के नाम, स्थविरावली और पांच ज्ञान का विस्तृत वर्णन है।

२) श्री अनुयोगद्वार सूत्र :- २००० श्लोकों के इस ग्रन्थ में निश्चय एवं व्यवहार के आलंबन द्वारा आराधना के मार्ग पर चलने की शिक्षा दी गई है। अनुयोग-याने शास्त्र की व्याख्या जिसके चार द्वार हैं (१) उत्क्रम (२) निक्षेप (३) अनुगम (४) नय

यह आगम सब आगमों की चावी है। आगम पढने वाले को प्रथम इस आगम से शुरुआत करनी पडती है। यह आगम मुखपाठ करने जैसा है।

॥ इति शम् ॥

Introduction

45 Āgamas, a short sketch

I Eleven Āngas :

- (1) **Ācārāṅga-sūtra** : It deals with the religious conduct of the monks and the Jain householders. It consists of 02 Parts of learning, 25 lessons and among the four teachings on entity, calculation, religious discourse and the ways of conduct, the teaching of the ways of conduct is the main topic here. The Āgama is of the size of 2500 *Ślokas*.
- (2) **Sūyagaḍāṅga-sūtra** : It is also known as Sūtra-Kṛtāṅga. It's two parts of learning consist of 23 lessons. It discusses at length views of 363 doctrine-holders. Among them are 180 ritualists, 84 non-ritualists, 67 agnostics and 32 restraint-propounders, though it's main area of discussion is the teaching of entity. It is available in the size of 2000 *Ślokas*.
- (3) **Thāpāṅga-sūtra** : It begins with the teaching of calculation mainly and discusses other three teachings subordinately. It introduces the topic of one dealing with the single objects and ends with the topic of eight objects. It is of the size of 7600 *Ślokas*.
- (4) **Samavāyāṅga-sūtra** : This is an encompendium, introducing 01 to 100 objects, then 150, 200 to 500 and 2000 to crores and crores of objects. It contains the text of size of 1600 *Ślokas*.
- (5) **Vyākhyā-prajñapti-sūtra** : It is also known as Bhagavati-sūtra. It is the largest of all the Āngas. It contains 41 centuries with subsections. It consists of 1925 topics. It depicts the questions of Gautama *Gapadhara* and answers of Lord Mahāvira. It discusses the four teachings in the centuries. This Āgama is really a treasure of gems. It is of the size of more than 15000 *Ślokas*.
- (6) **Jñātādharma-Kathāṅga-sūtra** : It is of the form of the teaching of the religious discourses. Previously it contained three and a half crores of discourses, but at present there are 19 religious discourses. It is of the size of 6000 *Ślokas*.
- (7) **Upāsaka-daśāṅga-sūtra** : It deals with 12 vows, life-sketches of 10 great Jain householders and of Lord Mahāvira, too. This deals with the teaching of the religious discourses and the ways of conduct.

It is of the size of around 800 *Ślokas*.

- (8) **Antagaḍa-daśāṅga-sūtra** : It deals mainly with the teaching of the religious discourses. It contains brief life-sketches of the highly spiritual souls who are born to liberate and those who are liberating ones : they are Andhaka Vṛṣṇi, Gautama and other 9 sons of queen Dhārīnī, 8 princes like Akṣobhakumāra, 6 sons of Devaki, Gajasukumāra, Yādava princes like Jāli, Mayālī, Vasudeva Kṛṣṇa, 8 queens like Rukmiṇī. It is available of the size of 800 *Ślokas*.
- (9) **Anuttarovavāyi-daśāṅga-sūtra** : It deals with the teaching of the religious discourses. It contains the life-sketches of those who practise the path of religious conduct, reach the *Anuttara Vimāna*, from there they drop in this world and attain Liberation in the next birth. Such souls are Abhayakumāra and other 9 princes of king Śrenika, Dīrghasena and other 11 sons, Dhannā *Aṇagāra*, etc. It is of the size of 200 *Ślokas*.
- (10) **Praśna-vyākaraṇa-sūtra** : It deals mainly with the teaching of the ways of conduct. As per the remark of the Nandī-sūtra, it contained previously Lord Mahāvira's answers to the questions put by gods, Vidyādhara, monks, nuns and the Jain householders. At present it contains the description of the ways leading to transgression and the self-control. It is of the size of 200 *Ślokas*.
- (11) **Vipāka-sūtrāṅga-sūtra** : It consists of 2 parts of learning. The first part is called the Fruition of miseries and depicts the life of 10 sinful souls, while the second part called the Fruition of happiness narrates illustrations of 10 meritorious souls. It is available of the size of 1200 *Ślokas*.

II Twelve Upāṅgas

- (1) **Uvavāyi-sūtra** : It is a subservient text to the *Ācārāṅga-sūtra*. It deals with the description of Campā city, 12 types of austerity, procession-arrival of Koṛīka's marriage, 700 disciples of the monk Ambaḍa. It is of the size of 1000 *Ślokas*.
- (2) **Rayapasenī-sūtra** : It is a subservient text to *Sūyagaḍāṅga-sūtra*. It depicts king Pradesī's jurisdiction, god Sūryabha worshipping the Jina idols, etc. It is of the size of 2000 *Ślokas*.

- (3) **Jivābhigama-sūtra** : It is a subservient text to Tṭhāṇāṅga-sūtra. It deals with the wisdom regarding the self and the non-self, the Jambū continent and its areas, etc. and the detailed description of the veneration offered by god Vijaya. The four chapters on areas, society, etc. published recently are composed on the line of the topics of this Sūtra and of the Pannāvaṇā-sūtra. It is of the size of 4700 Ślokas.
- (4) **Pannāvaṇā-sūtra** : It is a subservient text to the Samavāyāṅga-sūtra. It describes 36 steps or topics and it is of the size of 8000 Ślokas.
- (5) **Sūrya-prajñapti-sūtra** and
- (6) **Candra-prajñapti-sūtra** : These two falls under the teaching of the calculation. They depict the solar and the lunar transit, the movement of planets, the variations in the length of a day, seasons, northward and the southward solstices, etc. Each one of these Āgamas are of the size of 2200 Ślokas.
- (7) **Jambūdīpa-prajñapti-sūtra** : It mainly deals with the teaching of the calculations. As it's name indicates, it describes at length the objects of the Jambū continent, the form and nature of 06 corners (āra). It is available in the size of 4500 Ślokas.
- Nirayāvali-pañcaka** :
- (8) **Nirayāvali-sūtra** : It depicts the war between the grandfather and the daughter's son, caused of a necklace and the elephant, the death of king Śreṇika's 10 sons who attained hell after death. This war is designated as the most dreadful war of the Downward (avasarpinī) age.
- (9) **Kalpāvatamsaka-sūtra** : It deals with the life-sketches of Kālakumara and other 09 princes of king Śreṇika, the life-sketch of Padamakumra and others.
- (10) **Pupphiya-upāṅga-sūtra** : It consists of 10 lessons that covers the topics of the Moon-god, Sun-god, Venus, queen Bahuputrīkā, Pūrṇabhadra, Maṇibhadra, Datta, Śīla, Bala and Anāḍḍhiya.
- (11) **Pupphacūliya-upāṅga-sūtra** : It depicts previous births of the 10 queens like Śrīdevī and others.
- (12) **Vahnidaśa-upāṅga sūtra** : It contains 10 stories of Yadu king Andhakavṛṣṇi, his 10 princes named Samudra and others, the tenth

one Vāsudeva, his son Balabhadra and his son Niṣaḍha.

III Ten Payannā-sūtras :

- (1) **Aurapaccakhāṇa-sūtra** : It deals with the final religious practice and the way of improving (the life so that the) death (may be improved).
- (2) **Bhattacharinnā-sūtra** : It describes (1) three types of Paṇḍita death, (2) knowledge, (3) Inḡini devotee (4) Pādapopagamāṇa, etc.
- (4) **Santhāraga-payannā-sūtra** : It extols the Samstāraka.

**** These four payannās can also be learnt and recited by the Jain householders. ****

- (5) **Tandula-viyāliya-payannā-sūtra** : The ancient preceptors call this Payannā-sūtra as an ocean of the sentiment of detachment. It describes what amount of food an individual soul will eat in his life of 100 years, the human life can be justified by way of practising a religious life.
- (6) **Candāvijaya-payannā-sūtra** : It mainly deals with the religious practice that improves one's death.
- (7) **Devendrathui-payannā-sūtra** : It presents the hymns to the Lord sung by Indras and also furnishes important details on those Indras.
- (8) **Maraṇasamādhī-payannā-sūtra** : It describes at length the final religious practice and gives the summary of the 08 chapters dealing with death.
- (9) **Mahāpaccakhāṇa-payannā-sūtra** : It deals specially with what a monk should practise at the time of death and gives various beneficial informations.
- (10) **Gaṇivijaya-payannā-sūtra** : It gives the summary of some treatise on astrology.

These 10 Payannās are of the size of 2500 Ślokas.

Besides about 22 Payannās are known and even for these above 10 also there is a difference of opinion about their names. The Gacchācāra is taken, by some, in place of the Candāvijaya of the 10 Payannās.

IV Six Cheda-sūtras

- (1) Vyavahāra-sūtra, (2) Nisītha-sūtra,
- (3) Mahānisītha-sūtra, (4) Pancakalpa-sūtra,
- (5) Daśāsruta-skandha-sūtra and (6) Brhatkalpa-sūtra.

These Chedasūtras deal with the rules, exceptions and vows.

The study of these is restricted only to those best monks who are

- (1) serene, (2) introvert, (3) fearing from the worldly existence, (4) exalted in restraint, (5) self-controlled, (6) rightfully discerning the subtlety of entity, territories, etc. (7) pondering over continuously the protection of the six-limbed souls, (8) praiseworthy, (9) exalted in keeping the tradition, (10) observing good religious conduct, (11) beneficial to all the beings and (12) Who have paved the path of Yoga under the guidance of their master.

V Four Mūlasūtras

- (1) **Daśavaikalika-sūtra** : It is compared with a lake of nectar for the monks and nuns established in the fifth stage. It consists of 10 lessons and ends with 02 Cūlikās called Rativākya and Vivittacariya. It is said that monk Sthūlabhadra's sister nun Yakṣā approached Simandhara Svāmī in the Mahāvīdeha region and received four Cūlikās. Here are incorporated two of them.
- (2) **Uttarādhyayana-sūtra** : It incorporates the last sermons of Lord Mahāvira. In 36 lessons it describes detachment, the conduct of monks and so on. It is available in the size of 2000 Ślokas.
- (3) **Anuyogadvāra-sūtra** : It discusses 17 topics on conduct, behaviour, etc. Some combine Piṇḍaniryukti with it, while others take it as a separate Āgama. Piṇḍaniryukti deals with the method of receiving food (*bhikṣā* or *gocari*), avoidance of 42 faults and to receive food, 06 reasons of taking food, 06 reasons for avoiding food, etc.
- (4) **Āvaśyaka-sūtra** : It is the most useful Āgama for all the four groups of the Jain religious constituency. It consists of 06 lessons. It describes 06 obligatory duties of monks, nuns, house-holders and housewives. They are : (1) *Sāmāyika*, (2) *Caturvimsatistava*, (3) *Vandanā*, (4) *Pratikramaṇa*, (5) *Kāyotsarga* and (6) *Paccakhāṇa*.

VI Two Cūlikās

- (1) **Nandi-sūtra** : It contains hymn to Lord Mahāvira, numerous similes for the religious constituency, name-list of 24 *Tirthaṅkaras* and 11 *Gaṇadharas*, list of *Sthaviras* and the fivefold knowledge. It is available in the size of around 700 Ślokas.
- (2) **Anuyogadvāra-sūtra** : Though it comes last in the serial order of the 45 Āgamas, the learner needs it first. It is designated as the key to all the Āgamas. The term *Anuyoga* means explanatory device which is of four types : (1) Statement of proposition to be proved, (2) logical argument, (3) statement of accordance and (4) conclusion.

It teaches to pave the righteous path with the support of firm resolve and wordly involvements.

It is of the size of 2000 Ślokas.

આગમ ૧૩

દ્રવ્યાનુયોગ પ્રધાન રાજપ્રશ્રીય ઉપાંગ સૂત્ર - ૧૩

અન્ય નામ :- રાયપસેણિય, રાયપસેણઈઅ, રાયપ્પસેણઈય, રાયપ્પસેણિય,
રાયપ્પસેણઈજજ, રાજપ્રસેનકીય, રાજપ્રસેનજિત, રાજપ્રશ્રુત.

અધ્યયન ----- ૧

ઉદ્દેશક ----- ૧

ઉપલબ્ધ પાઠ ----- ૨૧૦૦ શ્લોક પ્રમાણ

ગદ્યસૂત્ર ----- ૬૫

પદ્યસૂત્ર ----- XXX

આ ઉપાંગ આગમ ગ્રંથમાં આમલકલ્પા નગરી, આમ્રશાલ ઉદ્યાનમાં આમ્રશાલ
ચૈત્ય, અશોકવૃક્ષ અને શિલાપટ્ટના વર્ણન પછી ભગવાન મહાવીરનું સમવસરણ અને
ધર્મપરિષદ વગેરે વાતો જણાવીને સૂર્યાભદેવનું સુંદર વર્ણન છે.

આભિયોગિક દેવના વૈક્રિય સમુદ્ધાત, ૧૬ પ્રકારના રત્નોનાં નામ,
જ્ઞાનવિમાનરચનાનો આદેશ, વિવિધ રંગના મણિઓની તુલના વગેરે વર્ણન પછી સિંહાસન
અને તેની ચોતરફ ૫૩,૦૦૦ ભદ્રાસનોનું વર્ણન છે.

તે પછી સૂર્યાભદેવ ગૌતમ વગેરે શ્રમણનિર્ગથો સમક્ષ ૩૨ પ્રકારના દિવ્યનૃત્ય
દર્શાવવા માટે ભગવાન મહાવીર પાસે આજ્ઞા પ્રાપ્ત કરવા વારંવાર પ્રયાસ, ભગવાન
મહાવીરનું મૌન, અંતે અનુમતિ પછી ૫૭ પ્રકારના વાદ્ય, ૧૮ પ્રકારના નૃત્ય, ચાર પ્રકારના
ગાન, ચાર પ્રકારના અભિનયનું પ્રદર્શન વગેરેનું વિસ્તૃત વર્ણન છે.

તે પછી સૂર્યાભ વિમાનના દ્વાર ઉપરના ૧૦૮ પ્રકારની ધજા, ચારેય દિશાઓના
વનખંડો, દેવછંદક ઉપર ૧૦૮ પ્રતિમાઓ, ચૈત્ય સ્તંભનું પ્રમાર્જન, જિનઅસ્થિઓનું
અર્ચન, બલિવિસર્જન વગેરે વર્ણન છે. તથા ભગવાન મહાવીર દ્વારા સૂર્યાભદેવના રાજ
પ્રદેશીના પૂર્વભવનું વર્ણન, તેમાં કરેલી આત્મા વિષે વિસ્તૃત ચર્ચાને અંતે જિનેશ્વર ભગવાન,
શ્રુતદેવતા, ભગવતી પ્રજ્ઞપ્તિ તેમજ ભગવાન પાર્શ્વનાથને નમસ્કાર કરીને ઉપસંહાર કરવામાં
આવ્યો છે.

सिरि उसहदेवसामिस्स णमो । सिरि गोडी - जिराउला - सव्वोदयपासणाहाणं णमो । नमोऽत्थुणं समणस्स भगवओ महावीरवद्धमाणसामिस्स । सिरि गोयम - सोहम्माइ सव्व गणहराणं णमो । सिरि सुगुरु - देवाणं णमो । ॥ श्रीराजप्रश्रीयोपांगम् ॥ ॥ तेणं कालेणं तेणं समणं आमलकप्पा नामं नयरी होत्था रिद्धत्थिमियसमिद्धा जाव पासादीया दरिसणिज्जा अभिरूवा पडिरूवा । १। तीसे णं आमलकप्पाए नयरीए बहिया उत्तरपुच्छिमे दिसीभाए अंबसालवणे नामं चेइए होत्था, पोरणे जाव पडिरूवे । २। असोयवरपायवपुढवीसिलावद्वयवत्त्वया उववातियगमेणं नेया । ३। सेओ राया धारिणी देवी सामी समोसढे परिसा निग्गया जाव राया पज्जुवासइ । ४। तेणं कालेणं० सूरियाभे देवे सोहम्मे कप्पे सूरियाभे विमाणे सभाए सुहम्माए सूरियाभंसि सिंहासणंसि चउहिं सामाणियसाहस्सीहिं चउहिं अग्गमहिंसीहिं चउहिं अग्गमहिंसीहिं सपरिवाराहिं तीहिं परिसाहिं सत्तहिं अणियेहिं सत्तहिं अणियाहिं वईहिं सोलसहिं आयरक्खदेवसाहस्सीहिं अन्नेहि य बहूहिं सूरियाभविमाणवासीहिं वेमाणिएहिं देवेहिं देवीहिं य सद्धिं संपरिवुडे महयाऽऽहयनदृगरयवाइयतंतीतलतालतुडियघणमुइंगपडुप्पवादियरवेणं दिव्वाइं भोगभोगां भुंजमाणे विहरति, इमं च णं केवलकप्पं जंबूदीवं दीवं विउलेणं ओहिणा आभोएमाणे २ पासति, तत्थ समणं भगवं महावीरं जंबूदीवे दीवे भारहे वासे आमलकप्पाए नयरीए बहिया अंबसालवणे चेइए अहापडिरूवं उग्गहं उग्गिण्हित्ता संजमेणं तवसा अप्पाणं भावेमाणे पासति ता हट्टतुट्टचित्तमाणंदिए णंदिए पीइमणे परमसोमणस्सिए हरिसवसविसप्पमाणहियए विकसियवरकमलणयणे पयलियवरकडगतुडियकेउरमउडकुंडलहारविरायंतरइयवच्छे पालंबपलंपमाणघोलंतभूसणधरे ससंभमं तुरियं चवलं सुरवरे जाव सीहासणाओ अम्भुट्टेइ ता पायपीडाओ पच्चोरूहति ता एगसाडियं उत्तरासंगं करेति ता सत्तट्ट पयाइं तित्थयरामिमुहं अणुगच्छति ता वामं जाणुं अचेति ता दाहिणं जाणं धरणतलं वि णिहट्टु तिक्खुत्तो मुद्धारं धरणितलंसि णिवेसेइ ता ईसिं पच्चुन्नमइ ता करतलपरिग्हियं दसणहं सिरसावत्तं मत्थए अंजलि कट्टु एवं व०-णमोऽत्थु णं अरिहंताणं भगवंताणं आदिगराणं तित्थगराणं सयंसंबुद्धाणं पुरिसोत्तमाणं पुरिससीहाणं पुरिसवरपुंडरीयाणं पुरिसवरगंधहत्थीणं लोगुत्तमाणं लोगनाहाणं लोगहिआणं लोगपईवाणं लोगपज्जोयगराणं अभयदयाणं चक्खुदयाणं मग्गदयाणं जीवदयाणं सरणदयाणं बोहिदयाणं धम्मदयाणं धम्मदेसयाणं धम्मनायगाणं धम्मसारहीणं धम्मवरचाउरंतचक्कवट्टीणं अप्पडियवरनाणंदसणधराणं वियट्टच्छउमाणं जिणाणं जावयाणं तिण्णाणं तारयाणं बुद्धाणं बोहयाणं मुत्ताणं मोयगाणं सव्वन्नूणं सव्वदरसीणं सिवमयलमरूयमणंतमक्खयमव्वाबाहमपुणरावत्तिं सिद्धिगइनामधेयं ठाणं संपत्ताणं, नमोऽत्थु णं समणस्स भगवओ महावीरस्स जाव संपाविउकामस्स, वंदामि णं भगवन्तं तत्थ गयं इह गते पासइ (प्र० उ) मे भगवं तत्थ गते इह गतंतिकट्टु वंदति णमंसति ता सीहासणवरगाए पुव्वाभिमुहं सण्णिसण्णे । ५। तए णं तस्स सूरियाभस्स इमे एतारूवे अम्भत्थिते चितिते पत्थिते मणोगते संकप्पे समुप्पज्जित्था. एवं खलु समणे भगवं महावीरे जंबुदीवे दीवे भारहे वासे आमलकप्पाणयरीए बहिया अंबसालवणे चेइए अहापडिरूवं उग्गहं उग्गिण्हित्ता संजमेणं तवसा अप्पाणं भावेमाणे विहरति तं महाफलं खलु तहारूवाणं अरहंताणं भगवंताणं णामगोस्सवि सवणयाए किमंग पुण अहिगमणवंदणमंसणपडिपुच्छणपज्जुवासणयाए ?, एगस्सवि आयरियस्स धम्मियस्स सुवणयस्स सवणयाए ?, किमंग पुण विउलस्स अट्टस्स गहणयाए ?, तं गच्छामि णं समणं भगवं महावीरं वंदामि णमंसामि सक्कारेमि सम्माणेमि कल्लाणं मंगलं चेतियं देवयं पज्जुवासामि, एयं मे पेच्चा हियाए सुहाए खमाए णिस्सयसाए आणुगामियत्ताए भविस्सति (प्र० तं सेयं खलु मे समणं भगवं महावीरं वंदित्तए नमंसित्तए सक्कारित्तए सम्माणित्तए पज्जुवासित्तए) तिकट्टु एवं संपेहेइ ता आभिओगिये देवे सद्दावेइ ता एवं व०-।६। एवं खलु देवाणुप्पिया ! समणे भगवं महावीरे जंबुदीवे दीवे भारहे वासे आमलकप्पाए नयरीए बहिया अंबसालवणे चेइए अहापडिरूवं उग्गहं उग्गिण्हित्ता संजमेणं तवसा अप्पाणं भावेमाणे विहरइ, तं गच्छह णं तुमे देवाणुप्पिया ! जंबुदीवे दीवे भारहे वासे आमलकप्प णयरि अंबसालवणं चेइयं समणं भगवं महावीरं तिक्खुत्तो आयाहिणपयाहिणं तरेह ता वंदह णमंसह ता साइ

सौजन्य :- मातुश्री लिलबाई हंसराज परिवार गाम नवापांस प्रेरणा :- जीदेशकुमार (रायला)

साइं नामगोयाइं साहेह ता समणस्स भगवओ महावीरस्स सव्वओ समंता जोयणपरिमंडलं जंकिंचि तणं वा पत्तं वा कट्ठं वा सक्करं वा कयवरं वा असुइं अचोक्खं वा पूइअं दुब्भिगंधं तं सव्वं आहुणिय आहुणिय एगंते एडेइ ता णच्चोदगं णाइमट्ठियं पविरलपप्फुसियं रयरेणुविणासणं दिव्वं सुरभिगंधोदयवासं वासइ ता णिहयरयं णट्ठरयं भट्ठरयं उवसंतरयं पसंतरयं करेह ता जलथरयभासुरप्पभूयस्स बिट्ठाइस्स दसद्धवणस्स कुसुमस्स जाणु (प्र० जण्णु) स्सेहपमाणमित्तं ओहिं वासं वासह ता कालागुरुपवरकुंदुरुक्कतुरुक्कधूवमधमघंतगंधुद्धूयाभिरामं सुगंधवरगंधियं दिव्वं सुरवराभिगमणजोग्गं करेह कारवेह ता य खिप्पामेव एयमाणत्तियं पच्चप्पिणह ।७। तए णं ते आभियागिया देवा सूरियाभेणं देवेणं एवं वुत्ता समाणा हट्ठतुट्ठजावहियया करयलपरिग्गहियं सिरसावत्तं मत्थए अंजलिं कट्ठु एवं देवो तट्ठन्ति आणाए विणएणं वयणं पडिसुणंति ता उत्तरपुरच्छिमं दिसिभागं अवक्कमंति ता वेउव्वियसमुग्घाएणं समोहणंति ता संखेज्जाइं जोयणाइं दंडं निस्सरन्ति, तं०-रयणाणं वयराणं वेरूलियाणं लोहियक्खाणं मसारगल्लाणं हंसगब्भाणं पुलगाणं (प्र० पुग्गलाणं) सोगंधियाणं जोइरसाणं अंजणपुलगाणं अंजणाणं रयणाणं जायरूवाणं अंकाणं फलिहाणं रिट्ठाणं० अहाबायरे पुग्गले परिसाडंति ता अहासुहुमे पुग्गले परियायंति ता दोच्चंपि वेउव्वियसमुग्घाएणं समोहणंति ता उत्तरवेउव्वियाइं रूवाइं विउव्वंति ता ताए उक्किट्ठाए तुरियाए चवलाए चंडाए जयणाए सिग्घाए उद्धुयाए दिव्वाए देवगईए तिरियमसंखेज्जाणं दीवसमुद्दाणं मज्झिमज्झेणं वीइवयमाणे २ जेणेव जंबुद्धीवे दीवे जेणेव भारहे वासे जेणेव आमलकप्पा णयरी जेणेव अंबसालवणे चेतिए जेणेव समणे भगवं महावीरे तेणेव उवागच्छन्ति ता समणं भगवं तिक्खुत्तो आयाहिणपयाहिणं करेति ता वंदति नमंसंति ता एवं व०-अम्हे णं भंते ! सूरियाभस्स देवस्स आभियोगिया देवा देवाणुप्पियं वंदामो णमंसामो सक्कारेमो सम्माणेमो कल्लाणं मंगलं देवयं चेइयं पज्जुवासामो ।८। देवाइ ! समणे भगवं महावीरे ते देवा एवं व०-पोराणमेयं देवा ! जीयमेयं देवा ! किच्चमेयं देवा ! करणिज्जमेयं देवा ! आइन्नमेयं देवा ! अब्भणुण्णायमेयं देवा ! जण्णं भवणवइवाणमंतरजोइसियवेमाणिया देवा अरहंते भगवंते वंदंति नमंसति ता तओ साइं २ णामगोयाइं साधिति तं पोराणमेयं देवा ! जाव अब्भणुण्णायमेयं देवा ! ।९। तए णं ते आभियोगिया देवा समणेणं भगवया महावीरेणं एवं वुत्ता समाणा हट्ठजावहियया समणं भगवं० वंदंति णमंसंति ता उत्तरपुरच्छिमं दिसिभागं अवक्कमंति ता वेउव्वियसमुग्घाएणं समोहणंति ता संखेज्जाइं जोयणाइं दंडं निस्सरंति तं०-रयणाणं जाव रिट्ठाणं० अहाबायरे पुग्गले परिसाडंति ता दोच्चंपि वेउव्वियसमुग्घाएणं समोहणंति ता संवट्ठवाए विउव्वंति, से जहानामए भइयदारए सिया तरूणे जुगवं बलवं (जुवाणे प्र०) अप्पायंके थिरसंधयणे थिरग्गहत्थे पडिपुण्णपाणिपायपिट्ठंतरोरूपरिणए घणनिचियवट्ठवलियखंधे चम्मेट्ठगदुघणमुट्ठियसमाहयगत्ते उरस्सबलसमन्नागए तलजमलजुयल (फलिहनिभ पा०) बाहू लंघणपवणजइणपमद्दणसमत्थे छेए दक्खे पट्ठे कुसले मेहावी णिउणसिप्पोवगए एगं महं दंडसंपुच्छणिं वा सलागाहत्थगं वा वेणुसलाइयं वा गहाय रायंगणं वा रायंतेपुरं वा देवकुलं वा सभं वा पवं वा आरामं वा उज्जाणं वा अतुरियमचवलमसंभंते निरंतरं सुनिउणं सव्वतो समंता संपमज्जेज्जा एवामेव तेऽवि सूरियाभस्स देवस्स आभियोगिया देवा संवट्ठवाए विउव्वंति ता समणस्स भगवओ महावीरस्स सव्वतो समंता जोयणपरिमंडलं जं किंचि तणं वा पत्तं वा तहेव सव्वं आहुणिय २ एगंते एडेइ ता खिप्पामेव उवसमंति ता दोच्चंपि वेउव्वियसमुग्घाएणं समोहणन्ति ता अब्भवद्दलए विउव्वन्ति से जहानामए भइयदारगे सिया तरूणे जाव सिप्पोवगए एगं महं दगवारणं वा दगथालगं वा दगकलसगं वा दगकुंभगं वा आरामं वा जाव पवं वा अतुरियं जाव सव्वतो समंता आवरिसेज्जा एवामेव तेऽवि सूरियाभस्स देवस्स आभियोगिया देवा अब्भवद्दलए विउव्वंति ता खिप्पामेव पयणुतणायन्ति ता खिप्पामेव विज्जुयायंति ता समणस्स भगवओ महावीरस्स सव्वओ समंता जोयणपरिमंडलं णच्चोदगं णातिमट्ठियं तं पविरलपप्फुसियं रयरेणुविणासणं दिव्वं सुरभिगंधोदगं वासं वासंति ता णिहयरयं णट्ठरयं भट्ठरयं उवसंतरयं पसंतरयं करेति ता खिप्पामेव उवसमंति ता तच्चंपि वेउव्वियसमुग्घाएणं समोहणंति ता पुप्फवद्दलए विउव्वंति, से जहानामए मालागारदारए सिया तरूणे जाव सिप्पोवगए एगं महं पुप्फ-(१४३) पडलगं वा पुप्फचंगेरियं वा पुप्फछज्जियं वा गहाय रायंगणं वा जाव सव्वतो समंता कयग्गाहगहियकरयलपब्भट्ठविप्पमुक्केणं दसद्धवन्नेणं कुसुमेणं मुक्कपुप्फपुंजोवयारकलितं करेज्जा एवामेव ते सूरियाभस्स देवस्स आभियोगिया देवा पुप्फवद्दलए

विउव्वन्ति ता खिप्पामेव पयणुतणायन्ति ता जाव जोयणपरिमण्डलं जलथलयभासुरप्पभूयस्स बिट्ठ्ठाइस्स दसद्धवन्नकुसुमस्स जाणुस्सेहपमाणमेत्तं ओहिवासं वासन्ति ता कालागुरूपवरकुंदुरुक्कतुरुक्कधूवमघमंतगंधुद्धुयाभिरामं सुगंधवरगंधियं गंधवट्ठिभूतं दिव्वं सुरवराभिगमणजोगं करन्ति कारयन्ति खिप्पामेव उवसामन्ति ता जेणेव समणे भगवं महावीरे तेणेव उवागच्छन्ति ता समणं भगवं महावीरं तिक्खुत्तो जाव वंदित्ता नमंसित्ता समणस्स भगवओ महावीरस्स अंतियातो अंबसालवणातो चेइयाओ पडिनिक्खमन्ति ता ताए उक्किट्ठाए जाव वीइवयमाणे २ जेणेव सोहम्मे कप्पे जेणेव सूरियाभे विमाणे जेणेव सभा सुहम्मा जेणेव सूरियाभे देवे तेणेव उवागच्छन्ति ता सूरियाभं देवं करयलपरिग्गहियं सिरसावत्तं मत्थए अंजलिं कट्ठु जएणं विजएणं वद्धावेति ता तमाणत्तियं पच्चप्पिणन्ति । १०। तए णं से सूरियाभे देवे तेसिं आभियोगियाणं देवाणं अंतिए एयमट्ठं सोच्चा निसम्म हट्ठतुट्ठजावहियए पायत्ताणियाहिवइं देवं सद्धावेति ता एवं व०-खिप्पामेव भो देवाणुप्पिया ! सूरियाभे विमाणे सभाए सुहम्माए मेघोघरसियगंभीरमहुरसद्धं जोयणपरिमण्डलं सुसरघटं तिक्खुत्तो उल्लालेमाणे २ महया २ सद्धेणं उग्घोसेमाणे २ एवं व०-आणवेति णं भो सूरियाभे देवे गच्छति णं भो सूरियाभे देवे जंबुद्दीवे दीवे भारहे वासे आमलकप्पाए णयरीए अंबसालवणे चेतिते समणं भगवं महावीरं अभिवंदए तुब्भेऽवि णं भो देवाणुप्पिया ! सव्विड्ढीए जाव णातियरवेणं णियगपरिवाल सद्धिं संपरिवुडा सातिं सातिं जाणविमाणाइं दुरुद्धा समाणा अकालपरिहीणं चेव सूरियाभस्स देवस्स अंतियं पाउब्भवह । ११। तए णं से पायत्ताणियाहिवती देवे सूरियाभेणं देवेणं एवं वुत्ते समाणे हट्ठतुट्ठजावहियए एवं देवा ! तहत्ति आणाए विणएणं वयणं पडिसुणेति ता जेणेव सूरियाभे विमाणे सभा सुहम्मा जेणेव मेघोघरसियगंभीरमहुरसद्धा जोयणपरिमण्डला सुस्सरा घंटा तेणेव उवागच्छति ता तं मेघोघरसितगंभीरमहुरसद्धं जोयणपरिमण्डलं सुसर घटं तिक्खुत्तो उल्लालेति, तए णं तीसे मेघोघरसितगंभीरमहुरसद्धाते जोयणपरिमण्डलाते सुसराते घंटाए तिक्खुत्तो उल्लालियाए समाणीए से सूरियाभे विमाणे पासायविमाणणिकखुडाडियसद्धं घंटापडिंसुयासयसहस्ससंकुले जाए यावि होत्था, तए णं तेसिं सूरियाभविमाणवासिणं बहूणं वेमाणियाणं देवाण य देवीण य एगंतरइपसत्तनिच्चप्पमत्तविसयसुहमुच्छियाणं सुसरघंटारवविउलबोलपडिबोहणे कए समाणे घोसणकोउहलदिन्नकन्नएगग्गचित्तउवउत्तमाण साणं से पायत्ताणीयाहिवई देवे तंसि घंटारवंसि णिसंतपसंतंसि महया २ सद्धेणं उग्घोसेमाणे २ एवं वदासी हंत सुणंतु भवंतो सूरियाभविमाणवासिणो बहवे वेमाणिया देवा य देवीओ य ! सूरियाभविमाणवइणो वयणं हियसुहत्थं आणावणियं (प्र० आणवेइ णं) भो ! सूरियाभे देवे गच्छइ णं भो सूरियाभे देवे जंबुद्दीवं दीवं भारहं वासं आमलकप्पं नयरिं अंबसालवणं चेइयं समणं भगवं महावीरं अभिवंदए तं तुब्भेऽवि णं देवाणुप्पिया ! सव्विड्ढीए० अकालपरिहीणा चेव सूरियाभस्स देवस्स अंतियं पाउब्भवह । १२। तए णं ते सूरियाभविमाणवासिणो बहवे वेमाणिया देवा देवीओ य पायत्ताणियाहिवइस्स देवस्स अंतिए एयमट्ठं सोच्चा णिसम्म हट्ठतुट्ठजावहियया अप्पेगइया वंदणवत्तियाए अप्पेगइया पूयणवत्तियाए अप्पेगइया सक्कारवत्तियाए एवं संमाणवत्तियाए कोउहल्लवत्तियाए अप्पे० असुयाइं सुणिस्सामो सुयाइं अट्ठाइं हेऊइं पसिणाइं कारणाइं वागरणाइं पुच्छिस्सामो अप्पे० सूरियाभस्स देवस्स वयणमणुयत्तमाणा अप्पे० अन्नमन्नमणुयत्तमाणा अप्पे० जिणभत्तिरागेणं अप्पे० धम्मोत्ति अप्प० जीयमेयंतिकट्ठु सव्विड्ढीए जाव अकालपरिहीणा चेव सूरियाभस्स देवस्स अंतियं पाउब्भवन्ति । १३। तए णं से सूरियाभे देवे ते सूरियाभविमाणसिणो बहवे वेमाणिया देवा य देवीओ य अकालपरिहीणं चेव अंतियं पाउब्भवमाणे पासति ता हट्ठतुट्ठजावहियए आभिओगियं देवं सद्धावेति ता एवं वयासी-खिप्पामेव भो देवाणुप्पिया ! अणेगखंभसयसंनिविट्ठं लीलट्ठियसालभंजियागं ईहामियउसभतुरगनरमगरविहगवालगकिं न-ररूसरभचमरकुंजरवणलयपउमलयभत्तिचित्तं खंभुग्गयवरवइरवेइयापरिगयाभिरामं विज्जाहरजमलजुयलजंतजुत्तंपिव अच्चीसहस्समालियं रूवगसहस्सकलियं भिसमाणं भिब्भिसमाणं चक्खुल्लोयणलेसं सुहफासं सस्सिरीयरूवं घंटावलिचलियमहुरमणहरसरं सुहं कंतं दरिसणिज्जं णिउणाचियमिसिमिसिंतमणिरयणघंटियाजालपरिक्खित्तं जोयणसयसहस्सविच्छिण्णं दिव्वं गमणसज्जं सिग्घगमणं णामं दिव्वं जाणविमाणं विउव्वाहि ता खिप्पामेव एयमाणत्तियं पच्चप्पिणाहि । १४। तए णं से आभिओगिए देवे सूरियाभेणं देवेणं एवं वुत्ते समाणे हट्ठजावहियए करयलपरिग्गहियं जाव पडिसुणेइ ता उत्तरपुरच्छिमं

दिसीभागं अवक्कमति ता वेउव्वियसमुग्घाएणं समोहणंति ता संखेज्जाइं जोयणाइं जाव अहाबायरे पोग्गले० ता अहासुहुमे पोग्गले परियाएइ त दोच्चं पि वेउव्वियसमुग्घाएणं समोहणित्ता अणेगखंभसयसन्निविट्ठं जाव दिव्वं जाणविमाणं विउव्विउं पवत्ते यावि होत्था, तए णं से आभिओगिए देवे तस्स दिव्वस्स जाणविमाणस्स तिदिसिं तओ तिसोवाणपडिरूवए विउव्वति, तं०-पुरच्छिमेणं दाहिणेणं उत्तरेणं, तेसिं तिसोवाणपडिरूवगाणं इमे एयारूवे वण्णावासे पं० तं०-वइरामया णिम्मा रिट्ठामया पतिट्ठाणा वेरूलियामया खंभा सुवण्णरूपमया फलगा लोहितक्खमइयाओ सूईओ वयरामया संधी णाणामणिमया अवलंबणा अवलंबणबाहाओ य पासादीया जाव पडिरूवा, तेसिं णं तिसोवाणपडिरूवगाणं पुरओ तोरणा णाणामणिमएसु थंभेसु उवनिविट्ठसण्णिविट्ठविविहमुत्तरोवचिया विविहतारारूवोवचिया जाव पडिरूवा, तेसिं णं तोरणाणं उप्पि अट्ठमंगलगा पं० तं०-सोत्थियसिरिवच्छणंदियावत्तवद्धमाणगभद्दासणकलसमच्छदप्पणा (प्र० जाव पडिरूवा) तेसिं च णं तोरणाणं उप्पिं बहवे किण्हचामरज्झए जाव सुक्किलचामरज्झए अच्छे सण्हे रूपपट्टे वइरामयदंडे जलयामलगंधिए सुरम्मे पासादीए दरिसणिज्जे अभिरूवे पडिरूवे विउव्वति, तेसिं णं तोरणाणं उप्पिं बहवे छत्तातिच्छत्ते घंटाजुगले पडागाइपडागे उप्पलहत्यए कुमुदणलिणसुभग सोगंधियपोंडरीयमहापोंडरीयसतपत्तसहस्सपत्तहत्यए सव्वरयणामए अच्छे जाव पडिरूवे विउव्वति, तए णं से आभिओगिए देवे तस्स दिवस्स जाणविमाणस्स अंतो बहुसमरमणिज्जं भूमिभागं विउव्वति, से जहाणामए आलिंगपुक्खरेति वा मुइंगपुक्खरेइ वा सरतलेइ वा करतलेइ वा चंदमंडलेइ वा सूरमंडलेइ वा आयंसमंडलेइ वा उरब्भचम्मेइ वा (प्र० वसहचम्मेइ वा) वराहचम्मेइ वा सीहचम्मेइ वा वग्घचम्मेइ वा मिगचम्मेइ वा छगलचम्मेइ वा दीवियचम्मेइ वा अणेगसंकुकीलकसहस्सवितए आवडपच्चावडसे ढिपसेढिसोत्थिय (सोवत्थि) पूसमाणग (वद्धमाणग) मच्छंडगमगरंडगजारामाराफुल्लावलिपउम-पत्तसागरतरंगवसंतलयपउमलयभत्तिचित्तेहिं सच्छाएहिं सप्पभेहिं समरीइएहिं सउज्जोएहिं णाणाविहपंचवण्णेहिं मणीहिं उवसोभिए तं०-किण्हेहिं णीलेहिं लोहिएहिं हालिदेहिं सुक्किल्लेहिं, तत्थ णं जे ते किण्हा मणी तेसिं णं मणीणं इमे एतारूवे वण्णावासे पं०, से जहानामए जीमूतएइ वा अंजणेइ वा खंजणेइ वा कज्जलेइ वा गवलेइ वा गवलगुलियाइ वा भमरेइ वा भमरावलियाइ वा भमरपतंगसारेति वा जंबूफलेति वा अट्ठारिट्ठेइ वा परहुतेइ वा गणइ वा गयकलभेइ वा किण्हसप्पेइ वा किण्हकेसरेइ वा आगासथिग्गलेइ वा किण्हासोएइ वा किण्हकणवीरेइ वा किण्हबंधुजीवेइ वा, भवे एयारूवे सिया ?, णो इणट्ठे समट्ठे (प्र० ओवम्मं समणाउसो !) ते णं किण्हा मणी इत्तो इट्ठतराए चेव कंततराए चेव पिअतराए चेव मणामतराए चेव मणुण्णतराए चेव वण्णेणं पं०, तत्थ णं जे ते नीला मणी तेसिं णं मणीणं इमे एयारूवे वण्णावासे पं०, से जहानामए भिगेइ वा भिंगपत्तेइ वा सुएइ वा सुयपिच्छेइ वा चासेइ वा चासपिच्छेइ वा णीलीइ वा णीलीभेदेइ वा णीलीगुलियाइ वा सामाइ वा उच्चन्तेइ वा वणरातीइ वा हलघरवसणे वा मोरग्गीवाइ वा अयसिकुसुमेइ वा बाणकुसुमेइ वा अंजणकेसियाकुसुमेइ वा नीलुप्पलेइ वा णीलबंधुजीवेइ वा णीलकणवीरेइ वा, भवेयारूवे सिया ?, णो इणट्ठे समट्ठे, ते णं णीला मणी एत्तो इट्ठतराए चेव जाव वण्णेणं पं०, तत्थ णं जे ते लोहियगा मणी तेसिं णं मणीणं इमेयारूवे वण्णावासे पं०, से जहाणामए उरब्भरूहिरेइ वा ससरूहिरेइ वा नररूहिरेइ वा वराहरूहिरेइ वा महिसरूहिरेइ वा बालिंदगोवेइ वा बालदिवाकरेइ वा संघब्भरागेइ वा गुंजद्धरागेइ वा जासुअणकुसुमेइ वा किंसुयकुसुमेइ वा पालियायकुसुमेइ वा जाइहिंगुलएति वा सिलप्पवालेति वा पवालअंकुरेइ वा लोहिंयक्खमणीइ वा लक्खारसगेति वा किमिरागकंबलेति वा चीणपिट्ठरासीति वा रत्तुप्पलेइ वा रत्तासोगेति वा रत्तकणवीरेति वा रत्तुबंधुजीवेति वा, भवे एयारूवे सिया ?, णो इणट्ठे समट्ठे, ते णं लोहिया मणी इत्तो इट्ठतराए चेव जाव वण्णेणं पं०, तत्थ णं जे ते हालिद्दा मणी तेसिं रठ मणीणं इमेयारूवे वण्णावासे पं०, से जहाणामए चंपेति वा चंपगउल्लीति वा चंपगभेएइ वा हलिद्दाइ वा हलिद्दाभेदेति वा हलिद्दगुलियाति वा हरियालियाति वा हरियालभेदेति वा हरियालगुलियाति वा चिउरेइ वा चिउरंगरातेति वा वरकणगेइ वा वरकणनिघसेइ वा सुवण्णसिप्पाएति वा वरपुरिसवसणेति वा अल्लकीकुसुमेति वा चंपाकुसुमेइ वा कुहंडियाकुसुमेइ वा तडवडाकुसुमेइ वा घोसेडियाकुसुमेइ वा सुवण्णजूहियाकुसुमेइ वा सुहिरणकुसुमेति वा कोरंटवरमल्लदामेति वा बीयकुसुमेइ वा पीयासोगेति वा पीयकणवीरेति वा पीयबंधुजीवेति वा, भवे एयारूवे सिया ?, णो इणट्ठे समट्ठे, ते

णं हालिद्धा मणी एत्ता इट्टतराए चेव जाव वण्णेणं पं०, तत्थ णं जे ते सुक्किल्ला मणी तेसिं णं मणीणं इमेयारूवे वण्णावासे पं०, से जहानामए अंकेति वा संखेति वा चंदेति वा कुंदेति वा दंतेइ वा (प्र० कुमुदोदकदयरयदहिघणगोक्खीरपूर) हंसावलीइ वा कोंचावलीति वा हारावलीति वा चंदावलीति वा सारतियबलाहएति वा धंतधोरूपपट्टेइ वा सालिपिट्टरासीति वा कुंदपुप्फारासीति वा कुमुदरासीति वा कुक्कच्छिवाडीति वा पिहुणमितियाति वा भिसेति वा मुणालियाति वा गयदंतेति वा लवंगदलएति वा पोंडरीयदलएति वा सेयासोगेति वा सेयकणवीरेति वा सेयबन्धुजीवेति वा, भवे एयारूवे सिया ?, णो इणट्टे समट्टे, ते णं सुक्किल्ला मणी एत्तो इट्टतराए चेव जाव वन्नेणं पं०, तेसिं णं मणीणं इमेयारूवे गंधे पं०, से जहानामए कोट्टपुडाण वा तगरपुडाण वा एलापुडाण वा चोयपुडाण वा चंपापुडाण वा दमणापुडाण वा कुंकुमपुडाण वा चंदणपुडाण वा उसीरपुडाण वा मरूआपुडाण वा जातिपुडाण वा जूहियापुडाण वा मल्लियापुडाण वा ण्हाणमल्लियापुडाण वा केतगिपुडाण वा पाडलिपुडाण वा णोमालियापुडाण वा अगुरुपुडाण वा लवंगपुडाण वा कप्पूरपुडाण वा वासपुडाण वा अणुवायंसि वा ओभिज्जमाणाण वा कोट्टिज्जमाणाण वा भंजिज्जमाणाण वा उक्किरिज्जमाणाण वा विक्किरिज्जमाणाण वा परिभुज्जमाणाण वा परिभाइज्जमाणाण वा भंडाओ वा भंडं साहरिज्जमाणाण वा ओराला मणुण्णा मणहरा घाणमणनिव्वुतिकरा सव्वता समंता गंधा अभिनिस्सवंति, भवे एयारूवे सिया ?, णो इणट्टे समट्टे, ते णं मणी एत्तो इट्टतराए चेव गंधेणं पं०, तेसिं णं मणीणं इमेयारूवे फासे पण्णत्ते, से जहानामए आइणेति वा रूएति वा बूरेइ वा णवणीएइ वा हंसगब्भतूलियाइ वा सिरीसकुसुमनिचयेइ बालकुसुमपत्तरासीति वा, भवे एयारूवे सिया ?, णो इणट्टे समट्टे, ते णं मणी एत्तो इट्टतराए चेव जाव फासेणं पं०, तए णं से आभियोगिए देवे तस्स दिव्वस्स जाणविमाणस्स बहुमज्झदेसभागे एत्थ णं महं पिच्छाघरमंडवं विउव्वइ अणेगखंभसयसंनिविट्ठ अब्भुग्गयसुकयवरवेइयातोरणवररइयसालभंजियागं सुसिलिट्ठविसिट्ठलट्ठसंठियपसत्थवेरूलियविमलखंभं णाणामणिखचियउज्जलबहुसमसुविभत्तदेसभायं ईहामियउसभतुरगनरमगरविहगवालगकिन्नररूसरभचमर कुंजर वणलयपउमल यभत्तिचित्तं (प्र० खंभुग्गयवइर वेइयपरिगया भिरामं विज्जाहरजमल जुगलजन्तजुत्तंपिव अच्चीसहस्स मालिणीयं रूवगसहस्सं कलितं भिसमाणं भिब्भि समाणं चक्खुल्लोयणलेसं सुहफासं सस्सिरीयरूवं) कंचणमणिरयणथूभियागं णाणाविहपंचवण्ण घंटापडागपरिमंडि यग्गसिहरं चवलं मरीतिकवयं विणिम्मयंतं लाउल्लोइयमहियं गोसीस (सरस) रत्तचंदणदद्वरदिन्नपंचंगुलितलं उवचियचंदणकलसं चंदणघडसुकयतोरणपडिदुवारदेसभागं आसत्तोसत्तविउलवट्टवग्घारियमल्लदामकलावं पंचवण्णसरससुरभिमुक्कपुप्फपुंजोवयारकलियं कालागुरुपवरकुंदुरुक्कधूवमघमघंतगंधुद्धुयाभिरामं सुगंधवरगंधियं गंधवट्ठिभूतं दिव्वं तुडियसद्वसंपणाइयं अच्छरगणसंघविप्पकिण्णं पासाइयं दरिसणिज्जं जाव पडिरूवं, तस्स णं पिच्छाघरमंडवस्स बहुसमरमणिज्जभूमिभागं विउव्वति जाव मणीणं फासो, तस्स णं पेच्छाघरमंडवस्स उल्लोयं विउव्वति पउमलयभत्तिचित्तं जाव पडिरूवं, तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महं वइरामयं अक्खाडगं विउव्वति, तस्स णं अक्खाडयस्स बहुमज्झदेसभागे एत्थ णं महेगं मणिपेढियं विउव्वति अट्ठ जोयणाइं आयामविकखंभेणं चत्तारि जोयणाइं बाहल्लेणं सव्वमणिमयं अच्छं सण्हं जाव पडिरूवं, तीसे णं मणिणिपेडियाए उवरि एत्थ णं महेगं सिंहासणं विउव्वइ, तस्स णं सीहासणस्स इमेयारूवे वण्णावासे पं०-तवरिज्जमया चक्कला रययामया सीहा सोवणिया पाया णाणामणि मयाइं पायसीसगाइं जंबूणयमयाइं गत्ताइं वइरामया संधी णाणामणिमयं वेच्चं, से णं सीहासणे इहामिय उसभतुरगनरमगर विहगवालगकिन्नररूसरभचमरक चंजरवणलयपउमलयभत्तिचित्ते सारसारोवचियमणिरयणपायवीढे अच्छरगमिउमसूरगणवतयकुसंतलिम्बकेसरपच्चत्थुयाभिरामे सुविरइयरयत्ताणे उवचियखोमदुगुल्लपट्टपडिच्छायणे रत्तंसुअसंवुए सुरम्मे आइणगरूयबूरणवणीयतूलफासे मउउए पासाईए०, तस्स णं सिंहासणस्स उवरि एत्थ णं महेगं विजयदूसं विउव्वंति संखंककुंददगरयअमयमहियफेणपुंजसंनिगासं सव्वरयणामयं अच्छं सण्हं पासादीयं दरिसणिज्जं अभिरूवं पडिरूवं, तस्स णं सीहासणस्स उवरिं विजयदूसस्स य बहुमज्झदेसभागे एत्थ णं वयरामयं अंकुसं विउव्वंति, तस्सिं च णं वयरामयंसि अंकुसंसि कुंभिकं मुत्तादामं विउव्वंति, से णं कुंभिके मुत्तादामे अन्नेहिं चउहिं

अद्धकुं भिक्खे हिं मुत्तादामेहिं तदद्धुच्चत्तपमाणेहिं सव्वओ समंता संपरिक्खित्ते, ते णं दामा तवणिज्जलंबूसगा सुवण्णपयरगमंडियग्गा
 णाणामणिरयणविविहहारद्धहारउवसोभियसमुदाया ईसिं अण्णमण्णमसंपत्ता वाएहिं पुव्वावरदाहिणुत्तरागएहिं मंदायं २ एइज्जमाणा २ पलंबमाणा २ पेज्जंज (पज्जंझ)
 माणा २ उरालेणं मणुत्तेणं मणहरेणं कण्णमणणिवुतिकरेणं सद्धेणं ते पएसे सव्वओ समंता आपूरेमाणा सिरीए अतीव २ उवसोभेमाण चिट्ठंति, तए णं से आभिओगिए
 देवे तस्स सिंहासणस्स अवरूत्तरेणं उत्तरेणं उत्तरपुरच्छिमेणं एत्थ णं सूरिआभस्स देवस्स चउण्हं सामाणियसाहस्सीणं चत्तारि भद्दासणसाहस्सीओ विउव्वइ,
 तस्स णं सीहासणस्स पुरच्छिमेणं एत्थ णं सूरियाभस्स देवस्स चउण्हं अग्गमहिसीणं सपरिवाराणं चत्तारि भद्दासणसाहस्सीओ विउव्वइ, तस्स णं सीहासणस्स
 दाहिणपुरच्छिमेणं एत्थ णं सूरियाभस्स देवस्स अब्भित्तरपरिसाए अट्ठण्हं देवसाहस्सीणं अट्ठं भद्दासणसाहस्सीओ विउव्वइ, एवं दाहिणेणं मज्झिमपरिसाए दसण्हं
 देवसाहस्सीणं दस भद्दासणसाहस्सीओ विउव्वति, दाहिणपच्चत्थिमेणं बाहिरपरिसाए बारसण्हं देवसाहस्सीणं बारस भद्दासणसाहस्सीओ विउव्वति, पच्चत्थिमेणं
 सत्तण्हं अणियाहिवतीणं सत्त भद्दासणे विउव्वति, तस्स णं सीहासणस्स चउदिसि एत्थ णं सूरियाभस्स देवस्स सोलसण्हं आयरक्खदेवसाहस्सीणं सोलस
 भद्दासणसाहस्सीओ विउव्वति, तं०-पुरच्छिमेणं चत्तारि साहस्सीओ दाहिणेणं चत्तारि साहस्सीओ पच्चत्थिमेणं चत्तारि साहस्सीओ उत्तरेणं चत्तारि साहस्सीओ,
 तस्स दिव्वस्स जाणविमाणस्स इमेयारूवे वण्णावासे पं० से जहानामए अइरूग्गयस्स वा हेमंतियबालसूरियस्स वा खयरिंगालाण वा रत्तिं पज्जलियाण वा
 जावाकुसुमवणस्स वा किंसुयवणस्स वा पारियायवणस्स वा सव्वतो समंता संकुसुमियस्स, भवे एयारूवे सिया ?, णो इणट्ठे समट्ठे, तस्स णं दिव्वस्स जाणविमाणस्स
 एत्तो इट्ठतराए चेव जाव वण्णेण पं०, गंधो य कासो य जहा मणीणं, तए णं से आभिओगिए देवे दिव्वं जाणविमाणं विउव्वइ ता जेणेव सूरियाभे देवे तेणेव उवागच्छइ
 ता सूरियाभं देवं करयलपरिग्गहियं जाव पच्चप्पिणंति । १५। तए णं से सूरिआभे देवे आभिओगस्स देवस्स अंतिए एयमट्ठं सोच्चा निसम्म हट्ठजावहियए दिव्वं
 जिणिंदाभिगमणजोग्गं उत्तरवेउव्वियरूवं विउव्वति ता चउहिं अग्गमहिसीहिं सपरिवाराहिं दोहिं अणीएहिं, तं०- गंधव्वाणीएण य णट्ठाणीएण य सद्धिं संपरिवुडे तं
 दिव्वं जाणविमाणं अणुपयाहिणीकरेमाणे २ पुरच्छिमिल्लेणं तिसोवाणपडिरूवएणं दुरूहती ता जेणेव सिंहासणे तेणेव उवागच्छइ ता सीहासणवरगए पुरत्थाभिमुहे
 सण्णिसण्णे, तए णं तस्स सूरिआभस्स देवस्स चत्तारि सामाणियसाहस्सीओ तं दिव्वं जाणविमाणं अणुपयाहिणीकरेमाणा उत्तरिल्लेणं तिसोवाणपडिरूवएणं
 दुरूहंति ता पत्तेयं २ पुव्वण्णत्थेहिं भद्दासणेहिं णिसीयंति अवसेसा देवा य देवीओ य तं दिव्वं जाण विमाणं जाव दाहिणिल्लेणं तिसोवाणपडिरूवएणं दुरूहंति ता
 पत्तेयं २ पुव्वण्णत्थेहिं भद्दासणेहिं निसीयंति, तए णं तस्स सूरियाभस्स देवस्स तं दिव्वं जाणविमाणं दुरूढस्स समाणस्स अट्ठमंगलगा पुरतो अहाणुपुव्वीए
 संपत्थिता तं०- सोत्थियसिरिवच्छजावदप्पणा, तयाणंतरं च णं पुण्णकलसभिंजार० दिव्वा य छत्तपडागा सचामरा दंसणरतिया आलोयदरिसणिज्जा
 वाउद्धयविजयवेजंती ऊसीया गगणतलमणुलिहंती पुरतो अणुपुव्वीए संपत्थिया, तयाणंतरं च णं वेरूलियभिसंतविमलदंडं पलंबकोरंटमल्लदामोवसोभितं
 चंदमंडलनिभं समुस्सियं विमलमायवत्तं पवरसीहासणं च मणिरयणभत्तिचित्तं सपायपीढं सपाउयाजोयसमाउत्तं बहुकिंकरामरपरिग्गहियं पुरतो अहाणुपुव्वीए
 संपत्थियं, तयाणंतरं च णं वइरामयवट्ठलट्ठसंठियसुसिलिट्ठपरिघट्ठमट्ठसुपतिट्ठिए विसिट्ठे अणेगवरपंचवण्णकुडभीसहस्सुस्सिए (प्र० स्सपरिमंडियाभिरामे)
 वाउद्धयविजयवेजंतीपडागच्छत्तातिच्छत्तकलिते तुंगे गगणतलमणुलिहंतसिहरे जोअणसहस्समूसिए महतिमहालए महिंदज्झए पुरतो अहाणुपुव्वीए संपत्थिए,
 तयाणंतरं च णं सुरूवणेवत्थपरिकच्छिया सुसज्जा सव्वालंकारभूसिया महया भडचडगरपहरेणं पंचअणीयाहिवइणो पुरतो अहाणुपुव्वीए संपत्थिया (प्र० तयाणंतरं
 च णं बहवे आभिओगिया देवा देवीओ य सएहिं २ रूवेहिं सएहिं २ विसेसेहिं सएहिं २ विदेहिं (प्र० विहवेहिं) सएहिं २ णिज्जोएहिं (प्र० णेज्जाएहिं) सएहिं २ णेवत्थेहिं
 पुरतो अहाणुपुव्वीए संपत्थिया,) तयाणंतरं च णं सूरियाभविमाणवासिणो बहवे वेमाणिया देवा य देवीओ य सव्विड्ढीए जाव रवेणं सूरियाभं देवं पुरतो पासतो य
 मग्गतो य समणुगच्छंति । १६। तए णं से सूरियाभे देवे तेणं पंचाणीयपरिक्खित्तेणं वइरामयवट्ठलट्ठसंठिएणं जाव जोयणसहस्समूसिएणं महतिमहालतेणं महिंदज्झएणं

पुरतो कट्ठिज्जमाणेणं चउहिं सामाणियसहस्सेहिं जाव सोलसहिं आयरक्खदेवसाहस्सीहिं अन्नेहिं य बहूहिं सूरियाभविमाणवासीहिं वेमाणिएहिं देवेहिं देवीहिं य सद्धिं संपरिवुडे सव्विड्ढीए जाव रवेणं सोधमस्स कप्पस्स मज्झमज्झेणं तं दिव्वं देविहिं दिव्वं देवजुतिं दिव्वं देवाणुभावं उवदंसेमाणे २ पडिजागरेमाणे जेणेव सोहम्मकप्पस्स उत्तरिल्ले णिज्जाणमग्गे तेणेव उवागच्छति ता जोयणसयसाहस्सितेहिं विग्गेहेहिं ओवयमाणे वीतीयमाणे ताए उक्किट्ठाए जाव तिरियमसंखिज्जाणं दीवसमुद्दाणं मज्झमज्झेणं वीइवयमाणे जेणेव नंदीसरवरदीवे जेणेव दाहिणपुरच्छिमिल्ले रतिकरपव्वते तेणेव उवागच्छति ता तं दिव्वं देविहिं जाव दिव्वं देवाणुभावं पडिसाहरेमाणे २ पडिसंखेवेमाणे २ जेणेव जंबुदीवे दीवे जेणेव भारहे वासे जेणेव आमलकप्पा नयरी जेणेव अंबसालवणे चेइए जेणेव समणे भगवं महावीरे तेणेव उवागच्छइ ता समणं भगवं महावीरं तेणं दिव्वेणं जाणविमाणेणं तिक्खुत्तो आयाहिणपयाहिणं करेइ ता समणस्स भगवतो महावीरस्स उत्तरपुरच्छिमे दिसिभागे तं दिव्वं जाणविमाणं ईसि चउरंगुलमसंपत्तं धरणितलंसि ठवेइ ता चउहिं अग्गमहिसीहिं सपरिवाराहिं दोहिं अणीयाहिं तं०-गंधव्वाणीएण य नट्टाणीएण य सद्धिं संपरिवुडे ताओ दिव्वाओ जाणविमाणाओ पुरच्छिमिल्लेणं तिसोवाणपडिरूवएणं पच्चोरूहति, तए णं तस्स सूरियाभस्स देवस्स चत्तारि सामाणियसाहस्सीओ ताओ दिव्वाओ जाणविमाणाओ उत्तरिल्लेणं तिसोवाणपडिरूवएणं पच्चोरूहति, अवसेसा देवा य देवीओ य ताओ दिव्वाओ जाणविमाणाओ दाहिणिल्लेणं तिसोवाणपडिरूवएणं पच्चोरूहंति, तए णं से सूरियाभे देवे चउहिय अग्गमहिसहिं जाव सोलसहिं आयरक्खदेवसाहस्सीहिं अण्णेहिं य बहूहिं सूरियाभविमाणवासीहिं वेमाणिएहिं देवेहिं देवीहिं य सद्धिं संपरिवुडे सव्विड्ढीए जाव णाइयरवेणं जेणेव समणे भगवं महावीरे तेणेव उवागच्छति ता समणं भगवं महावीरं तिक्खुत्तो आयाहिणपयाहिणं करेति ता वंदति नमंसति ता एवं व०-अहं णं भंते ! सूरियाभे देवे देवाणुप्पियं वंदामि णमंसामि जाव पज्जुवासामि । १७। सूरियाभाति ! समणे भगवं महावीरे सूरियाभं देवं एवं व०-पोराणमेयं सूरियाभा ! जीयमेयं सूरियाभा ! किच्चमेयं सूरियाभा ! वरणिज्जमेयं सूरियाभा ! आइण्णमेयं सूरियाभा ! अब्भणुण्णायमेयं सूरियाभा ! जण्णं भवणवइवाणमंतरजोइसवेमाणिया देवा अरहंते भगवंते वंदति नमंसति ता तओ पच्छा साइं २ नामगोत्ताइं साहित्ति, तं पोराणमेयं सूरियाभा ! जाव अब्भणुन्नायमेयं सूरियाभा ! । १८। तए णं से सूरियाभे देवे समणेणं भगवया महावीरेणं एवं वुत्ते समाणे हट्ठ जाव समणं भगवं महावीरं वंदति नमंसति ता णच्चासण्णे णातिदूरे सुस्सूसमाणे णमंसमाणे अभिमुहे विणएणं पंजलिउडे पज्जुवासति । १९। तए णं समणे भगवं महावीरे सूरियाभस्स देवस्स तीसे य महतिमहालियाए परिसाए जाव परिसा जामेव दिसिय पाउब्भूया तामेव दिसिं पडिगया । २०। तए णं से सूरियाभे देवे समणस्स भगवओ महावीरस्स अंतिए धम्मं सोच्चा निसम्म हट्ठतुट्ठजावहयहियए उट्ठाए, उट्ठेति ता समणं भगवं महावीरं वंदइ णमंसइ ता एवं व०-अहं णं भंते ! सूरियाभे देवे किं भवसिद्धिए अभवसिद्धिते सम्महिट्ठी मिच्छादिट्ठी परित्तसंसारिते अणंतसंसारिए सुलभबोहिए दुल्लभबोहिए आराहते विराहते चरिमे अचरिमे ?, सूरिया-(१४४) भाइ ! समणे भगवं महावीरे सूरियाभं देवं एवं व०-सूरियाभा ! तुमं णं भवसिद्धिए णो अभवसिद्धिते जाव चरिमे णो अचरिमे । २१। तए णं से सूरियाभे देवे समणेणं भगवया महावीरेणं एवं वुत्ते समाणे हट्ठतुट्ठ० चित्तमाणंदिए परमसोमणस्से समणं भगवं महावीरं वंदति नमंसति ता एवं व०-तुब्भे णं भंते ! सव्वं जाणह सव्वं पासह (प्र० सव्वओ जाणह सव्वओ पासह) सव्वं कालं जाणह सव्वं कालं पासह सव्वे भावे जाणह सव्वे भावे पासह जाणंति णं देवाणुप्पिया मम पुव्विं वा पच्छा वा इमेयारूवं दिव्वं देविहिं दिव्वं देवजुइं दिव्वं देवाणुभावं लद्धं पत्तय अभिसमण्णागयंति तं इच्छामि णं देवाणुप्पियाणं भत्तिपुव्वगं गोयमातियाणं समणाणं निगंथाणं दिव्वं देविहिं दिव्वं देवजुइं देवाणुभावं दिव्वं बत्तीसतिबद्धं नट्टविहिं उवदंसित्तए । २२। तए णं समणे भगवं महावीरे सूरियाभेणं देवेणं एवं वुत्ते समाणे सूरियाभस्स देवस्स एयमट्ठं णो आढाति णो परियाणति तुसिणीए संचिट्ठति, तए णं से सूरियाभे देवे समणं भगवं महावीरं दोच्चंपि एवं व०-तुब्भे णं भंते ! सव्वं जाणह जाव उवदंसित्तएत्तिकट्ठु समणं भगवं महावीरं तिक्खुत्तो आयाहिणपयाहिणं करेइ ता वंदति नमंसति ता उत्तरपुरच्छिमं दिसीभागं अवक्कमति ता वेउव्वियासमुग्धाएणं समोहणति ता संखिज्जाइं जोयणाइं दंडं निस्सरति ता अहाबायरे० अहासुंहुमे० दोच्चंपि वेउव्वियसमुग्धाएणं जाव बहुसमरमणिज्जं भूमिभागं विउव्वति से जहानामए आलिंगपुक्खरेइ

वा जाव मणीणं फासो, तस्स णं बहुसमरमणिज्जस्स भूमिभागस्स बहुमज्झदेसभागे पिच्छाघरमंडवं विउव्वति अणेगखंभसयसंनिविट्ठं वण्णतो अंतो बहुसमरमणिज्जभूमिभागं विउव्वइ उल्लोयं अक्खाडगं च मणिपेढियं च विउव्वति तीसे णं मणिपेढियाए उवरि सीहासणं सपरिवारं जाव दामा चिट्ठंति, तए णं से सूरियाभे देवे समणस्स भगवतो महावीरस्स आलोए पणामं करेति ता अणुजाणउ मे भगवंतिकट्ठु सीहासणवरगए तित्थयराभिमुहे सण्णिसण्णे, तए णं से सूरियाभे देवे तप्पढमयाए णाणामणिकणगरयणविमलमंहरिहनिउणोवचियमि-सिमिसिंतविरतियंमहाभरणकडगतुडियवरभूसणुज्जलं पीवरं पलंबं दाहिणं भुयं पसारेलि, तओ णं सरिसयाणं सरित्तयाणं सरिव्वयाणं सरिसलावण्णरूवजोव्वणगुणोववेयाणं एगाभरणवसणगहियणिज्जोआणं दुहतोसंवलियग्गणियत्थाणं आविद्धतिलयामेलाणं पिणिद्धगेविज्जकं चुयाणं उप्पीलियचित्तपट्टपरियरसफे णकावत्तरइयसंगयपलंबवत्थं तचित्तचिल्ललगनियंसणाणं एगावलिकंठरइयसोभंतवच्छपरिहत्थभूसाणाणं अट्टसयं णट्टसज्जाणं देवकुमाराणं णिग्गच्छति, तयाणंतरं च णं णाणामणि जाव पीवरं पलंब वामं भुयं पसारेलि, तओ णं सरिसयाणं सरित्तयाणं सरिव्वतीणं सरिसलावण्णरूवजोव्वणगुणोववेयाणं एगाभरणवसणगहियनिज्जोयाणं दुहतोसंवेल्लियग्गणियत्थीणं आविद्धतिलयामेलाणं पिणिद्धगेवेज्जकंचुईणं णाणामणिरयणभूसणविराइयंगमंगीणं चंदाणणाणं चंदद्धसमनिलाडाणं चंदाहियंसोमदंसणाणं उक्काइव उज्जोवेमाणीणं सिंगारागारचारूवेसाणं हसियभणियचिट्ठियविलासललियसंलावनिउणजुत्तोवयारकुसलाणं गहियाउज्जाणं अट्टसयं नट्टसज्जाणं देवकुमारियाणं णिग्गच्छइ, तए णं से सूरियाभे देवे अट्टसयं संखाणं विउव्वति अट्टसयं संखवायाणं विउव्वइ अट्टसयं सिंगाणं विउव्वइ अट्टसयं सिंगवायाणं विउव्वइ अट्टसयं संखियाणं विउव्वइ अट्टसयं संखियवायाणं विउव्वइ अट्टसयं खरमुहीणं विउव्वइ अट्टसयं खरमुहिवाइयाणं विउव्वइ अट्टसयं पेयाण विउव्वति अट्टसयं पेयावायगाणं० अट्टसयं पीरपीरियाणं विउव्वइ एवमाइयाइं एगूणपण्णं आउज्जविहाणाइं विउव्वइ ता तए णं ते बहवे देवकुमारा य देवकुमारियाओ य सद्दावेति, तए णं ते बहवे देवकुमारा य देवकुमारीयो य सूरियाभेणं देवेणं सद्दाविया समाणा हट्ट जाव जेणेव सूरियाभे देवे तेणेव उवागच्छन्ति ता सूरियाभं देवं करयलपरिग्गहियं जाव वद्धावित्ता एवं व०-संदिसंतु णं देवाणुप्पिया ! जं अम्हेहिं कायव्वं, तए णं से सूरियाभे ते बहवे देवकुमारा य देवकुमारीओ य एवं व०-गच्छह णं तुब्भे देवाणुप्पिया समणं भगवं महावीरं तिक्खुत्तो आयाहिणपयाहिणं करेह ता वंदह नमंसह ता गोयमाइयाणं समणाणं निग्गंथाणं तं दिव्वं देविट्ठं दिव्वं देवजुतिं दिव्वं देवाणुभावं दिव्वं बत्तीसइबद्धं णट्टविहिं उवदंसेह ता खिप्पामेव एयमाणत्तियं पच्चप्पिणह, तए णं ते बहवे देवकुमारा य देवकुमारीयो य सूरियाभेणं देवेणं एवं वुत्ता समाणा हट्टजाव करयल जाव पडिसुणंति ता जेणेव समणे भगवं महावीरे तेणेव उवागच्छंति ता समणं भगवं महावीरं जाव नमंसित्ता जेणेव गोयमादिया समणा निग्गंथा तेणेव उवागच्छंति, तए णं ते बहवे देवकुमारा देवकुमारीयो य सममेव समोसरणं करेति ता सममेव पंतिओ बंधति ता सममेव पंतिओ नमंसंति ता सममेव पंतीओ अवणमंति ता सममेव उन्नमंति ता एवं सहितामेव ओनमंति एवं सहितामेव उन्नमंति ता थिमियामेव ओणमंति थिमियामेव उन्नमन्ति संगयामेव ओनमंति संगयामेव उन्नमंति ता सममेव पसरंति ता सममेव आउज्जविहाणाइं गेण्हंति सम मेव पवाएसु पगाइंसु पणच्चिंसु, किं ते ?, उरेण मंदं सिरेण तारं कंठेण वितारं तिविहं तिसमयरेयगरयइयं गुंजावक्ककुहरोवगूढं रत्तं तिठाणकरणसुद्धं सकुहरगुंजतवंसतंतीतलताललयगहसुसंपउत्तं महुंरं समं सललियं मणोहरं मिउरिभियपयसंचारं सुरइ सुणइ वरचारूरूवं दिव्वं णट्टसज्जं गेयं पपगीया यावि होत्था, किं ते ?, उद्धमंताणं संखाणं सिंगाणं संखियाणं खरमुहीणं पेयाणं पिरिपिरियाणं आहंमंताणं पणवाणं पडहाणं अप्फालिज्जमाणाणं भंभाणं होरंभाणं (प्र० वीणाणं वियधी (पंची) णं) तालिज्जंताणं भेरीणं झल्लरीणं दुंदुहीणं आलवंताणं (प्र० मुरयाणं) मुइंगाणं नन्दीमुइंगाणं उत्तालिज्जंताणं आलिंगाण कुतुंबाणं गोमुहीणं मद्दलाणं मुच्छिज्जंताणं वीणाणं विपंचीणं वल्लकीणं कुट्टिज्जंताणं महंतीणं कच्छभीणं चित्तवीणाणं सारिज्जंताणं वद्धीसाणं सुघोसाणं गंदिघोसाणं फुट्टिज्जंतीणं भामरीणं छब्भामरीणं परिवायणीणं छिप्पंताणं तूणाणं तुंबवीणाणं आमोडिज्जंताणं आमोताणं कुंभाणं नउलाणं अच्छिज्जंतीणं मुगुंदाणं हुडुकीणं विचिक्कीणं वाइज्जंताणं करडाणं डिडिमाणं किणियाणं कडंभाणं ददरगाणं ददरिगाणं कुतुंबाणं कलसियाणं मड्डयाणं आवडिज्जंताणं

तलाणं तालाणं कंसतालाणं घट्टिज्जन्ताणं रिगिरिसियाणं लत्तियाणं मगरियाणं सुंसुमारियाणं फुमिज्जन्ताणं वंसाणं वेलूणं वालीणं परिल्लीणं बद्धगाणं, तए णं से दिव्वे गीए दिव्वे नट्टे दिव्वे वाइए एवं अब्भुए सिंगारे उराले मणुन्ने मणहरे गीते मणहरे नट्टे मणहरे वातिए उप्पिंजलभूते कहकहगभूते दिव्वे देवरमणे पवत्ते यावि होत्था, तए णं ते बहवे देवकुमारा य देवकुमारीओ य समणस्स भगवओ महावीरस्स सोत्थियसिरिवच्छणंदियावत्तवद्धमाणगभद्दासणकलसमच्छदप्पणमंगलभत्तिचित्तं णामं दिव्वं नट्टविधिं उवदंसेति १ । २३ । तए णं ते बहवे देवकुमारा य देवकुमारीओ य सममेव समोसरणं करेति ता तं चेव भाणियव्वं जाव दिव्वे देवरमणे पवत्ते यावि होत्था, तए णं ते बहवे देवकुमारा य देवकुमारीओ य समणस्स भगवओ महावीरस्स आवडपच्चावडसेढिपसेढिसोत्थियसोवत्थिअपूसमाणगमच्छंडमगरंडजारामारा-फुल्लावलिपउमपत्तसागरतरंगयसंतलतापउमलयभत्तिचित्तं० उवदंसेति २, एवं च एक्केक्कियाए णट्टविहीए समोसरणादीया एसा वत्तव्वया जाव दिव्वे देवरमणे पवत्ते यावि होत्था, तए णं ते बहवे देवकुमारा य देवकुमारियाओ य समणस्स भगवतो महावीरस्स इहामियउसभतुरगनरमग-रविहगवालगकिंनरूरूसरभचमर कुंजरवणलयपउमलयमभत्तिचित्तं० उवदंसेति ३, एगतोवक्कं दुहओवक्कं (एगतोखुहं दुहओखुहं) एगओचक्कवालं दुहओचक्कवालं चक्कद्धचक्कवालं उवदंसंति ४, चंदावलिपविभत्तिं च वलयावलिपविभत्तिं च हंसावलिपविभत्तिं च सूरावलिपविभत्तिं च एगावलिपविभत्तिं च तारावलिपविभत्तिं च मुत्तावलिपविभत्तिं च कणगावलिपविभत्तिं च रयणावलिपविभत्तिं च उवदंसंति ५, चंदुग्गमणपविभत्तिं च सूरूग्गमणपविभत्तिं च उग्गमणुग्गमणपविभत्तिं च उवदंसंति ६, चंदागमणपविभत्तिं च सूरागमणपविभत्तिं च आगमणागमणपविभत्तिं च उवदंसंति ७, चंदावरणपविभत्तिं च सूरावरणपविभत्तिं च आवरणाऽऽवरणपविभत्तिं च उवदंसंति ८, चंदत्थमणपविभत्तिं च सूरत्थमणपविभत्तिं च अत्थमणऽत्थमणपविभत्तिं च उवदंसंति ९, चंदमंडलपविभत्तिं च सूरमंडलपविभत्तिं च नागमंडलपविभत्तिं च जक्खमंडलपविभत्तिं भूतमंडलपविभत्तिं च (प्र० रक्खस० महोरग० गंधव्व० पिसायमंडलपविभत्तिं च) उवदंसंति १०, उसभललियवक्कंतं सीहललियवक्कंतं ह्यविलंबि (लसि) यं गयविलंबि (लसि) यं मत्तह्यविलसियं मत्तगयविलसियं दुयविलंबियं उवदंसंति ११, (प्र० सगडुद्धिपविभत्तिं च) सागरपविभत्तिं च नागरपविभत्तिं च सागरनागरपविभत्तिं च उवदंसंति १२, णंदापविभत्तिं च चंपापविभत्तिं च नन्दाचंपापविभत्तिं च १३, मच्छंडापविभत्तिं च मयरंडापविभत्तिं च जारापविभत्तिं च मारापविभत्तिं च मच्छंडामयरंडाजारामारापविभत्तिं च १४, कत्तिककारपविभत्तिं च खत्तिखकारपविभत्तिं च गत्तिगकारपविभत्तिं च घत्तिघकारपविभत्तिं च डत्तिडकारपविभत्तिं च ककारखकारगकारघकारघडकारपविभत्तिं च १५, एवं चवग्गोवि १६, टवग्गोवि १७, तवग्गोवि १८, पवग्गोवि १९, असोयपल्लवपविभत्तिं च अंबपल्लवपविभत्तिं च जंबूपल्लवपविभत्तिं च कोसंबपल्लवपविभत्तिं च पल्लवपल्लवपविभत्तिं च २०, पउमलयापविभत्तिं च जाव सामलयापविभत्तिं च लयालयापविभत्तिं च २१, दुयमाणं २२, विलंबियं० दुयविलंबियं० अंचियं० रिभियं० अंचिरिमियं० आरभडं० भसोलं० आरभडभसोलं० ३०, उप्पयानिवयपवत्तं संकुचियं पसारियं रयारइयभंतसंभंतं ३१, तए णं ते बहवे देवकुमारा य देवकुमारीओ य समामेव समोसरणं करेति जाव दिव्वे देवरमणे पवत्ते यावि होत्था, तए णं ते बहवे देवकुमारा य देवकुमारीओ य समणस्स भगवओ महावीरस्स पुव्वभवचरियणिबद्धं च देवलोयचरियनिबद्धं च चवणचरियणिबद्धं च संहरणचरियनिबद्धं च जम्मणचरियनिबद्धं च अभिसेयचरियानिबद्धं च बालभावचरियनिबद्धं च जोव्वणचरियनिबद्धं च कामभोगचरियनिबद्धं च निक्खमणचरियनिबद्धं च तवचरणचरियनिबद्धं च णाणुप्पायचरियनिबद्धं च तित्थपवत्तणचरियनि० परिनिव्वाणचरियनिबद्धं च चरिमचरियनिबद्धं च ३२, तए णं ते बहवे देवकुमारा य देवकुमारीयाओ य चउव्विह वाइत्तं वाएत्ति तं०-ततं विततं घणं झुसिरं, तए णं ते बहवे देवकुमारा य देवकुमारीओ य चउव्विहं गेयं गायंति तं०-उक्खित्तं पायत्तं मंदायं रोइयावसाणं च, तए णं ते बहवे देवकुमारा य देवकुमारियाओ य चउव्विहं णट्टविहिं उवदंसन्ति तं०-अंचियं रिभियं आरभडं भसोलं, तए णं ते बहवे देवकुमारा य देवकुमारीयाओ य चउव्विहं अभिणयं अभिणयेति तं०-दिट्ठितियं पाडंतियं सामन्तोवणिवाइयं अंतोमज्झावसाणियं, तए णं ते बहवे देवकुमारा य देवकुमारीयाओ य गोयमादियाणं समणाणं निगंथाणं दिव्वं देविट्ठिं दिव्वं देवजुत्तिं दिव्वं देवाणुभागं दिव्वं बत्तीसइबद्धं नट्टविहिं उवदंसित्ता समणं भगवं महावीरं

तिक्खुत्तो आयाहिणपयाहिणं करेइ ता वंदंति नमंसंति ता जेणेव सूरियाभे देवे तेणेव उवागच्छन्ति ता सूरियाभं देवं करयलपरिग्गहियं० सिरसावत्तं मत्थए अंजलि कट्टु जएणं विजएणं वद्धावेति ता एयमाणत्तियं पच्चप्पिणंति । २४। तए णं से सूरियाभे देवे तं दिव्वं देविडिंढ दिव्वं देवजुइं दिव्वं देवाणुभावं पडिसाहरइ ता खणेणं जाते एगे एगभूए, तए णं से सूरियाभे देवे समणं भगवं महावीरं तिक्खुत्तो आयाहिणपयाहिणं करेइ ता वंदंति णमंसंति ता नियगपरिवाल सद्धिं संपरिवुडे तमेव दिव्वं जाणविमाणं दुरुहति ता जामेव दिसिं पाउब्भूए तामेव दिसिं पडिगये । २५। भंतेति भयवं गोयमे समणं भगवं महावीरं वंदंति नमंसंति ता एवं व०-सूरियाभस्स णं भंते ! देवस्स एसा दिव्वा देविड्ढी दिव्वा देवजुत्ती दिव्वे देवाणुभावे कहिं गते कहिं अणुपविट्ठे ?, गोयमा ! सरीरं गते सरीरं अणुपविट्ठे, से केणट्ठेणं भंते ! एवं वुच्चइ-सरीरं गते सरीरं अणुपविट्ठे ?, गोयमा ! से जहानामए कूडागारसाला सिया दुहतो लित्ता दुहतो गुत्ता गुत्तदुवारा णिवाया णिवायगंभीरा, तीसे णं कूडागारसालाते अदूरसामंते एत्थ णं महेगे जणसमूहे चिट्ठंति, तए णं से जणसमूहे एगं महं अब्भवदलंगं व वासवदलंगं वा महावायं वं एज्जमाणं पासति ता तं कूडागारसालं अंतो अणुपविसित्ताणं चिट्ठइ, से तेणट्ठेणं गोयमा ! एवं वुच्चति-सरीरं अणुपविट्ठे । २६। कहिं णं भंते ! सूरियाभस्स देवस्स सूरियाभे णामं विमाणे पं० ?, गोयमा ! जंबुदीवे दीवे मंदरस्स पव्वयस्स दाहिणेणं इमीसे रयणप्पभाए पुढवीए बहुसमरमणिज्जातो भूमिभागातो उड्ढं चंदिमसूरियगहगणणक्खत्ततारारूवाणं बहूइं जोयणाइं बहूइं जोयणसयाइं बहूइं जोयणसहस्साइं बहूइं जोयणसयसहस्साइं बहुइंओ जोयणकोडीओ० बहुइंओ जोयणसयसहस्सकोडीओ उड्ढं दूरं वीतीवइत्ता एत्थ णं सोहम्मं कप्पे नामं कप्पे पं० पाईणपडीणआयते उदीणदाहिणविच्छिण्णे अब्धचंदसंठाणसंठिते अच्चिमालिभासरासिवण्णाभे असंखेज्जाओ जोयणकोडाकोडीओ आयामविक्रखंभेणं असंखेज्जाओ जोयणकोडाकोडीओ परिक्रखेवेणं इत्थ णं सोहम्माणं देवाणं बत्तीसं विमाणावाससयसहस्साइं भवंतीति मक्खायं, ते णं विमाणा सव्वरयणामया अच्छा जाव पडिरूवा, तेसिं णं विमाणाणं बहुमज्जदेसभाए पंच वडिंसया पं० तं०-असोगवडिंसते सत्तवन्नवडिंसते चंपकवडिंसते चूयगवडिंसते मज्झे सोहम्मवडिंसए, ते णं वडिंसगा सव्वरयणामया अच्छा जाव पडिरूवा, तस्स णं सोहम्मवडिंसगस्स महाविमाणस्स पुरच्छिमेणं तिरियमसंखेज्जाइं जोयणसयसहस्साइं वीइवइत्ता एत्थ णं सूरियाभस्स देवस्स सूरियाभे नामं विमाणे पं० अब्धतेरस जोयणसयसहस्साइं आयामविक्रखंभेणं गुणयालीसं च सयसहस्साइं बावन्नं च-सहस्साइं अब्ध य अडयाले जोयणसते परिक्रखेवेणं, से णं एगेणं पागारेणं सव्वओ समंता संपागिक्खत्ते, से णं पागारे तिन्नि जोयणसयाइं उड्ढंउच्चत्तेणं मूले एगं जोयणसयं विक्रखंभेणं मज्झे पन्नासं जोयणाइं विक्रखंभेणं उप्पिं परवीसं जोयणाइं विक्रखंभेणं मूलं विच्छिन्ने मज्झे संखित्ते उप्पिं तणुए गोपुच्छसंठाणसंठिए सव्वकणगामए अच्छे जाव पडिरूवे, से णं पागारे णाणाविहुपंचवन्नेहिं कविसीसएहिं उवसोभिते तं०-किण्हंदिं नीलेहिं लोहितेहिं हालिदेहिं सुक्किल्लेहिं कविसीसएहिं, ते णं कविसीसगा एगं जोयणं आयामेणं अब्धजोयणं विक्रखंभेणं देसूणं जोयणं उड्ढंउच्चत्तेणं सव्वमणि (रयणा) मया अच्छा जाव पडिरूवा, सूरियाभस्स णं विमाणस्स एगमेगाए बाहाए दारसहस्सं २ भवतीति मक्खायं, ते णं दारा पंचजोयणसयाइं उड्ढंउच्चत्तेणं अड्ढाइज्जाइं जोयणसयाइं विक्रखंभेणं तावइयं चेव पवेसेणं सेया वरकणगथूभियागा इहामियउसभतुरगणरमगरविहगवालगकिन्नररूरूसरभचमरकुंजरवणलयपउमलयभत्तिचित्ता खंभुग्गयवरवयरवेइयापरिगयाभिरामा विज्जाहरजमलजुयलजंतजुत्तंपिव अच्चिसहस्समालिणीया रूवगसहस्सकलिया भिसमाणा भिब्भिसमाणा चक्खुल्लोयणलेसा सुहफासा ससिरीयरूवा वण्णओ दाराणं तेसिं होइ, तं०-वइरामया णिम्मा रिट्ठामया पइट्ठाणा बेरूलियमया सूइखंभा जायरूवोवचियवरपंचवन्नमणिरयणकोट्टिमतला हंसगब्भमया एलुया गोमेज्जमया इंदकीला लोहियक्खमतीतो दारचेडीओ जोईरसमया उत्तरंगा लोहियक्खमईओ सूइओ वयरामया संधी नाणामणिमया समुग्गया वयरामया अग्गला अग्गलापासाया रययामयाओ आवत्तणपेढियाओ अंकुरत्तरपासगा निरंतरियघणकवाडा भित्तीसु चेव भित्तिगुलित्ता छप्पन्ना तिण्णि होति गोमाणसिया तत्तिया णाणामणिरयणवालरूवगलीलट्ठिअसालभंजियागा वयरामया कुइडा रयया (५० णा) मया उरसेहा सव्वतवणिज्जमया उल्लोया णाणामणिरयणजालपंजरमणिवंसगलोहियक्खपडिवंसगरययभोमा अंकामया पक्खा पक्खबाहाओ जोइरसामया वंसा वंसकवेल्लुयाओ रयणामईओ पट्ठियाओ

जायरूवमईओ ओहाडणीओ वइरामईओ उवरिपुच्छणीओ सव्वसेयरययामयाच्छायणे अंकामया कणगकूडतवणिज्जथूभियागा सेया संखदलविमलनिम्मलदधिघणगोखीरफेणरययणिगरप्पगासा तिलगरयणद्धचंदचित्ता नाणामणिदामालंकिया अंतो बहिं च सण्हा तवणिज्जवालुयापत्थडा सुहफासा सस्सिरीयरूवा पासाईया दरिसणिज्जा अभिरूवा पडिरूवा ।२७। तेसिं णं दाराणं उभओ पासे दुहओ निसीहियाए सोलस २ चंदणकलसपरिवाडीओ पं०, ते णं चंदणकलसा वरकमलपइट्ठाणा सुरभिवरवारिपडिपुण्णा चंदणकयचच्चगा आविद्धकंठेगुणा पउमुप्पलपिहाणा सव्वरयणामया अच्छा जाव पडिरूवा महया २ इंदकुं भसमाणा पं० समणाउसो !, तेसिं णं दाराणं उभओ पासे दुहओ णिसीहियाए सोलस २ णागदंतपरिवाडीओ पं०, ते णं णागदंता मुत्ताजालंतरूसियहेमजालगवक्खजालखिखिणी (घंटा) जालपरिक्खित्ता अब्भुग्गया अभिणिसिद्धा तिरियसुसंपग्गहिया अहेपन्नगद्धरूवा पन्नगद्धसंठाणसंठिया सव्ववरयामया अच्छा जाव पडिरूवा महया २ गयदंतसमाणा पं० समणाउसो !, तेसु णं णागदंतएसु बहवे किण्हसुत्तबद्धवट्ठवघारितमल्लदामकलावा नील० लोहित० हालिद्ध० सुक्किल्लसुत्तट्ठवघारितमल्लदामकलावा, ते णं दामा तवणिज्जलंबूसगा सुवन्नपयरमंडियगा जाव कन्नमणिव्वुतिकरेणं सद्देणं ते पदेसे सव्वओ समंता आपूरेमाणा सिरीए अईव उवसोभेमाणा चिट्ठंति, तेसिं णं णागदंताणं उवरिं अन्नाओ सोलस २ नागदंतपरिवाडीओ पं०, ते णं णागदंता तं चेव जाव महता २ गयदंतसमाणा पं० समणाउसो !, तेसु णं णागदंतएसु बहवे रययामया सिक्कगा पं०, तेसु णं रययामएसु सिक्कएसु बहवे वेरूलियामईओ धूवघडीओ पं०, ताओणं धूवघडीओ कालागुरूपवरकुंदुरूक्कतुरूक्कधूवमघमघंतगंधुद्धुयंभिरामाओ सुगंधवरगंधियातो गंधवट्ठिभूयाओ ओरालेणं मणुण्णेणं मणहरेणं घाणमणिव्वुइकरेणं गंधेणं ते पदेसे सव्वओ समंता जाव चिट्ठंति, तेसिं णं दाराणं उभओ पासे दुहओ णिसीहियाए सोलस २ सालभंजियापरिवाडीओ पं०, ताओ णं सालभंजियाओ लीलट्ठियाओ सुयइट्ठियाओ सुअलंकियाओ णाणाविहराग वसणाओ णाणामल्लपिणद्धाओ मुट्ठिगिज्झसुमज्झाओ आमेलगजमलजुयलवट्ठियअब्भुन्नयपीणरइयसंठियपीवरपओहराओ रत्तावंगाओ असियकेसाओ मिउविसय पसत्थ लक्खणसंवेल्लि यग्गसिरयाओ ईसिं असोगवर पायवसमुट्ठियाओ वामहत्यग्गहि यग्गसालाओ ईसिं अद्धच्छिकडक्ख चिट्ठिणं लूसमाणीओविव चक्खुल्लोयणलेसे अन्नमन्नं खेज्जमाणीओ (विव) पुढवीपरिणामाओ सासयभावमुवगयाओ चन्दाणणाओ चंदविलासिणीओ चंदद्धसमणिडालाओ चंदाहियसोमदंसणाओ उक्का (विव उज्जोवेमाणाओ) विज्जुघणमिरियसूरदिप्पंततेयअहिययरसन्निकासाओ सिंगारागारचारूवेसाओ पासा० दरसि० (अभि० पडि०) चिट्ठंति ।२८। तेसिं णं दाराणं उभओ पासे दुहओ णिसीहियाए सोलस २ जालकडगपरिवाडीओ पं०, ते णं जालकडगा सव्वरयणामया अच्छा जाव पहिरूवा, तेसिं णं दाराणं उभओ पासे दुहओ निसीहियाए सोलस २ घंटापरिवाडीओ पं०, तासिं णं घंटाणं इमेयरूवे वन्नावासे पं० तं०-जंबूणयामईओ घंटाओ वयरामयाओ लालाओ णाणामणिमया घंटापासा तवणिज्जमइयाओ संखलाओ रययामयाओ रज्जूतो, ताओ णं घंटाओ ओहस्सरआओ मेहस्सरआओ सीहस्सरआओ दुंदुहिस्सरआओ कुंचस्सरआओ णंदिस्सरआओ णंदिघोसाओ मंजुस्सरआओ मंजुघोसाओ सुस्सरआओ सुस्सरणिग्घोसाओ उरालेणं मणुत्तेणं मणहरेणं कन्नमणिव्वुइकरेणं सद्देणं ते पदेसे सव्वओ समंता आपूरेमाणीओ जाव चिट्ठंति, तेसिं णं दाराणं उभओ पासे दुहओ णिसीहियाए सोलस वणमालापरिवाडीओ पं०, ताओ णं वणमालाओ णाणामणिमयदुमलयकिसलयपल्लवसमाउलाओ छप्पयपरिभुज्जमाणा सोहंतसस्सिरीयाओ पासाईयाओ०, तेसिं णं दाराणं उभओ पासे दुहओ णिसीहियाए सोलस पगंठगा पं०, ते णं पगंठगा अइढाइज्जाइं जोयणसयाइं आयामविक्रवंभेणं पणवीसं जोयणसयं बाहल्लेणं सव्ववरयामया अच्छा जाव पडिरूवा, तेसिं णं पगंठगाणं उवरिं पत्तेयं पासायवडेसगा पं०, ते णं पासायवडेसगा अइढाइज्जाइं जोयणसयाइं उइढउच्चत्तेणं पणवीसं जोयणसयं विक्रवंभेणं अब्भुग्गयमूसिअपहसियाइव विविहमणिरयणभत्तिचित्ता वाउद्धुयविजयवेजयंतपडागच्छत्ताइच्छत्तकलिगा तुंगा गगणतलमणुलिहंतसिहरा जालंतररयणपंजरूमिलियव्व मणिकणगथूभियागा वियसियसयवत्तपोंडरीया तिलगरयरणद्धचंदचित्ता णाणामणिदामालंकिया अंतो बहिं च सण्हा तवणिज्जवालुयापत्थडा सुहफासा सस्सिरीयरूवा पासादीया दरिसणिज्जा जाव दामा उवरिं

www.jainelibrary.org

सीहासणां पउमासणां दिसासोवत्थियासणां सव्वरयणामयां अच्छां जाव पडिरूवाइं, तेसु णं वणसंडेसु तत्थ २ तहिं २ देसे २ बहवे आलियघरगा मालियघरगा कयलिघरगा लयाघरगा अच्छणघरगा पिच्छणघरगा मंडणघरगा पसाहणघरगा गभघरगा मोहणघरगा सालघरगा जालघरगा चित्तघरगा कुसुमघरगा गंधव्वघरगा आयंसघरगा सव्वरयणामया अच्छा जाव पडिरूवा, तेसु णं आलियघरगेसु जाव आयंसघरगेसु बहूइं हंसासणां जाव दिसासोवत्थियासणां सव्वरयणामयां जाव पडिरूवाइं, तेसु णं वणसंडेसु तत्थ २ देसे २ तहिं २ बहवे जातिमंडवगा जूहियमंडवगा णवमालियमंडवगा वासंतियमंडवगा सूरमल्लियमंडवगा दहिवासुयमंडवगा तंबोलिमंडवगा मुदियामंडवगा णागलयामंडवगा अतिमुत्तयलयामंडवगा आप्फोवगा, मालुयामंडवगा अच्छा सव्वरयणामया जाव पडिरूवा, तेसु णं जालिमंडवएसु जाव मालुयामंडवएसु बहवे पुढवीसिलापट्टगा हंसासणसंठिया जाव दिसासोवत्थियासणसंठिया अण्णे य बहवे मंसलघुट्टविसिट्टसंठाणसंठिया पुढवीसिलापट्टगा पं० समणाउओ ! आइणगरूयबूरणवणीयतूलफासा सव्वरयणामया अच्छा जाव पडिरूवा, तत्थ णं बहवे वेमाणिया देवा य देवीओ य आसयंति सयंति चिट्ठंति निसीयंति तुयट्ठंति हसंति रमंति ललंति कीलंति किट्ठंति मोहेति पुरा पोराणाणं सुचिण्णाणं सुपडि (२) कंताणं सुभाणं कडाणं कम्माणं कल्लाणाणं कल्लाणं फलविवागं पच्चणुब्भवमाणा विहरंति । ३२ । तेसिं णं वणसंडाणं बहुमज्झदेसभाए पत्तेयं २ पासायवडंसगा पं०, ते णं पासायवडंसगा पंचजोयणसयाइं उड्ढंउच्चत्तेणं अड्ढाज्जाइं जोयणसयाइं विक्खंभेणं अब्भुग्गयमूसियपहसियाइव तहेव बहुसमरमणिज्जभूमिभागो उल्लोओ सीहासणं सपरिवारं, तत्थ णं चत्तारि देवा महिडिढया जाव पलिओवमट्ठितीया परिवसंति, तं०-असोए सत्तपण्णे चंपए चूए, सूरियाभस्स णं देवविमाणस्स अंतो बहुसमरमणिज्जे भूमिभागे पं० तं०-वणसंडविहूणे जाव बहवे वेमाणिया देवा य देवीओ य आसयंति जाव विहरंति, तस्स णं बहुसमरमणिज्जस्स भूमिभागस्स बहुमज्झदेसे एत्थ णं महेगे उवगारियालयणे पं० एगं जोयणसयसहस्सं आयामविक्खंभेणं तिण्णि जोयणसयसहस्साइं सोलस सहस्साइं दोण्णि य सत्तावीसं जोयणसए तिन्नि य कोसे अट्ठावीसं च धणुसयं तेरस य अंगुलाइं अब्दंगुलं च किंचिविसेसूणं परिकखेवेणं जोयणं बाहल्लेणं सव्वजंबूणयामए अच्छे जाव पडिरूवे । ३३ । से णं एगाए पउमवरवेइयाए एगेण य वणसंडेण य सव्वतो समंता संपरिक्खित्ते, सा णं पउमवरवेइया अब्दजोयणं उड्ढंउच्चत्तेणं पंचधणुसयाइं विक्खंभेणं उवकारियलेणसमा परिकखेवेणं, तीसे णं पउमवरवेइयाए इमेयारूवे वण्णवासे बं० (तं०-वयरामया णिम्मा रिट्ठामया पतिट्ठाणा वेरूलियामया खंभा सुवण्णरूपमया फलगा लोहियक्खमईओ सूईओ नाणामणिमया कडेवरा णाणामणिमया कडेवरसंघाडगा णाणामणिमया रूवा णाणामणिमया रूवसंघाडगा अंकामया पक्खबाहाओ जोइरसामया वंसा वंसकवेल्लुगा रइयामईओ पट्टियाओ जातरूवमई ओहाडणी वइरामया उवरिपुच्छणी सव्वरयणामई अच्छायणे पा०), सा णं पउमवरवेइया एगमेगेणं हेमजालेणं गवक्खजालेणं खिखिणीजालेणं घंटाजालेणं मुत्ताजालेणं मणिजालेणं कणगजालेणं रयणजालेणं पउमजालेणं सव्वतो समंता संपरिक्खित्ता, ते णं (दामा पा०) तवणिज्जलंबूसगा जाव चिट्ठंति, तीसे णं पउमवरवेइयाए तत्थ २ देसे २ तहिं २ बहवे हयसंघाडा जाव उसभसंघाडा सव्वरयणामया अच्छा जाव पडिरूवा पासादीया जाव वीहीतो पंतीतो मिहुणाणि लयाओ, से केणट्ठेणं भंते ! एवं वुच्चति-पउमवरवेइया २ ?, गोयमा ! पउमवरवेइया णं तत्थ २ देसे २ तहिं २ वेइयासु वेइयाबाहासु य वेइयफलतेसु य वेइयपुडंतरेसु य खंभेसु खंभबाहासु खंभसीसेसु खंभपुडंतरेसु सुयीस सुयीमुखेसु सूईफलएसु सूइपुडंतरेसु पक्खेसु पक्खबाहासु पक्खपेरंतरेसु पक्खपुडंतरेसु बहुयाइं उप्पलाइं पउमाइं कुमुयाइं णलिणातिं सुभगाइं सोगंधियाइं पुंडरीयाइं महापुंडरीयाणि सयवत्ताइं सहस्सवत्ताइं सव्वरयणामयाइं अच्छां पडिरूवाइं महया वासिकच्छत्तसमाणां पं० समणाउसो ! से एणं अट्ठेणं गोयमा ! एवं वुच्चइ-पउमवरवेइया २, पउमवरवेइया णं भंते ! किं सासया असासया ?, गोयमा ! सिय सासया सिय असासया, से केणट्ठेणं भंते ! एवं वुच्चइ-सिय सासया सिय असासया ?, गोयमा ! दव्वट्टयाए सासया वन्नपज्जवेहिं गंधपज्जवेहिं रसपज्जवेहिं फासपज्जवेहिं असासया, से तेणट्ठेणं गोयमा ! एवं वुच्चति-सिय सासया सिय असासया, पउमवरवेइया णं भंते ! कालओ केवचिरं होइ ?, गोयमा ! ण कयावि णासी ण कयावि णत्थि न कयावि न भविस्सइ भुवि च हवइ य भविस्सइ य धुवा णिइया सासया अक्खया अव्वया अवट्टिया णिच्चा पउमवरवेइया, से णं वणसंडे देसूणाइं दो जोयणाइं चक्कवालविक्खंभेणं

उवयारिलेणसमे परिक्रवेणं, वणसंडवण्णतो भाणितव्वो जाव विहरंति, तस्स णं उवयारियालेणस्स चउदिसिं चत्तारि तिसोवाणपडिरूवगा पं० वण्णओ तोरणा झया छत्ताइच्छत्ता, तस्स णं उवयारियालयणस्स उवरिं बहुसमरमणिज्जे भूमिभागे पं० जाव मणीणं फासो ।३४। तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महेगे पासायवडेसए पं०, से णं पासायवडिंसते पंच जोयणसयाइं उडढंउच्चत्तेणं अडढाइज्जाइं जोयणसयाइं विक्रवंभेणं अब्भुग्गयमूसिय वण्णतो भूमिभागो उल्लोओ सीहासणं सपरिवारं भाणियव्वं, अट्ठमंगलगा झया छत्तातिच्छत्ता, ते णं मूलपासायवडेसगे अण्णेहिं चउहिं पासायवडेसएहिं तयद्धुच्चत्तप्पमाणमेत्तेहिं सव्वतो समंता संपरिक्रिखत्ते, ते णं पासायवडेसगा अडढाइज्जाइं जोयणसयाइं उडढंउच्चत्तेणं पणवीसं जोयणसयं विक्रवंभेणं जाव वण्णओ, ते णं पासायवडिंसया अण्णेहिं चउहिं पासायवडिंसएहिं तयद्धुच्चत्तप्पमाणमेत्तेहिं सव्वओ समंता संपरिक्रिखत्ता, ते णं पासायवडेसया पणवीसं जोयणसयं उडढंउच्चत्तेणं बावट्ठिं जोयणाइं अद्धजोयणं च विक्रवंभेणं अब्भुग्गयमूसिय वण्णओ भूमिभागे उल्लोओ सीहासणं सपरिवारं भाणियव्वं अट्ठमंगलगा झया छत्तातिच्छत्ता, ते णं पासायवडेसगा अण्णेहिं चउहिं पासायवडेसएहिं तदद्धुच्चत्तप्पमाणमेत्तहिं सव्वतो समंता संपरिक्रिखत्ता, ते णं पासायवडेसगा बावट्ठिं जोयणाइं अद्धजोयणं च उडढंउच्चत्तेणं एकतीसं जोयणाइं कोसं च विक्रवंभेणं वण्णओ उल्लोओ सीहासणं सपरिवारं पासायउवरिं अट्ठमंगलगा झया छत्तातिच्छत्ता ।३५। तस्स णं मूलपासायवडेसयस्स उत्तरपुरच्छिमेणं एत्थ णं सभा सुहम्मा पं० एगं जोयणासयं आयामेणं पण्णासं जोयणाइं विक्रवंभेणं बावत्तरिं जोयणाइं उडढंउच्चत्तेणं अण्णवण्णसयसंनिविट्ठा अब्भुग्गयसुकयवयरवेइयातोरणवररइयसालिभंजियागा जाव अच्छरणसंघविप्पकिण्णा पासादीया०, सभाए णं सुहम्माए तिदिसिं तओ दारा पं० तं०-पुरच्छिमेणं दाहिणेणं उत्तरेणं, ते णं दारा सोलस जोयणाइं उडढंउच्चत्तेणं अट्ठ जोयणाइं विक्रवंभेणं तावतियं चेव पवेसेणं सेया वरकणगथूभियागा जाव वणमालाओ, तेसिं णं दाराणं उवरिं अट्ठमंगलगा झया छत्ताइच्छत्ता, तेसिं णं दाराणं पुरओ पत्तेयं २ मुहमंडवा पं०, ते णं मुहमंडवा एगं जोयणसयं आयामेणं पण्णासं जोयणाइठ विक्रवंभेणं साइरेगाइं सोलस जोयणाइं उडढंउच्चत्तेणं वण्णओ सभाए सरिसो, तेसिं णं मुहमंडवाणं तिदिसिं ततो दारा पं० तं०-पुरच्छिमेणं दाहिणेणं उत्तरेणं, ते णं दारा सोलस जोयणाइं उडढंउच्चत्तेणं अट्ठजोयणाइं विक्रवंभेणं तावइयं चेव पवेसेणं सेया वरकणगथूभियागा जाव वणमालाओ, तेसिं णं मुहमंडवाणं भूमिभागा उल्लोया, तेसिं णं मुहमंडवाणं उवरिं अट्ठमंगलगा झया छत्ताइच्छत्ता, तेसिं णं मुहमंडवाणं पुरतो पत्तेयं २ पेच्छाघरमंडवे पं० मुहमंडववत्तव्वया जाव दारा भूमिभागा उल्लोया, तेसिं णं बहुसमरमणिज्जाणं भूमिभागाणं बहुमज्झदेसभाए पत्तेयं २ वइरामए अक्खाडए पं०, तेसिं णं वयरामयाणं अक्खाडगाणं बहुमज्झदेसभागे पत्तेयं २ मणिपेढिया पं०, ताओ णं मणिपेढियातो अट्ठ जोयणाइं आयामविक्रवंभेणं चत्तारि जोयणाइं बाहल्लेणं सव्वमणिमईओ अच्छाओ जाव पडिरूवाओ, तासिं णं मणिपेढियाणं उवरिं पत्तेयं २ सीहासणे पं० सीहासणवण्णओ सपरिवारो, तेसिं णं पेच्छाघरमंडवाणं उवरिं अट्ठमंगलगा झया छत्तातिच्छत्ता, तेसिं णं पेच्छाघरमंडवाणं पुरओ पत्तेयं २ मणिपेढियाओ पं० ताओ णं मणिपेढियातो सोलस जोयणाइं आयामविक्रवंभेणं अट्ठ जोयणाइं बाहल्लेणं सव्वमणिमईओ अच्छाओ पडिरूवाओ, तासिं णं उवरिं २ थूभे पं०, ते णं थूभा सोलस जोयणाइं आयामविक्रवंभेणं साइरेगाइं सोलस जोयणाइं उडढंउच्चत्तेणं सेया संखंककुंददगरयअमयमहियफेणपुंजसंनिगासा सव्वरयणामया अच्छा जाव पडिरूवा, तेसिं णं थूभाणं उवरिं अट्ठमंगलगा झया छत्तातिच्छत्ता, तेसिं णं थूभाणं चउदिसिं पत्तेयं २ मणिपेढियातो पं०, ताओ णं मणिपेढियातो अट्ठजोयणाइं आयामविक्रवंभेणं चत्तारि जोयणाइं बाहल्लेणं सव्वमणिमईओ अच्छाओ जाव पडिरूवातो तेसिं णं मणिपेढियाणं उवरिं चत्तारिं जिणपडिमातो जिणुस्सेहपमाणमेत्ताओ संपलियंकनिसन्नाओ थूभाभिमुहीओ सन्निक्खत्ताओ चिट्ठंति तं०-उसभा वद्धमाणा चंदाणणा वारिसेणा, तेसिं णं थूभाणं पुरतो पत्तेयं २ मणिपेढियातो पं०, ताओ णं मणिपेढियातो सोलस जोयणाइं आयामविक्रवंभेणं अट्ठ जोयणाइं बाहल्लेणं सव्वमणिमईओ जाव पडिरूवातो, तासिं णं मणिपेढियाणं उवरिं पत्तेयं २ चेइयरूक्खे पं०, ते णं चेइयरूक्खा अट्ठ जोयणाइं उडढंउच्चत्तेणं अद्धजोयणं उव्वेहेणं जोयणाइं खंधा अद्धजोयणं विक्रवंभेणं छ जोयणाइं विडिमा बहुमज्झदेसभाए अट्ठ जोयणाइं आयामविक्रवंभेणं साइरेगाइं अट्ठ जोयणाइं सव्वगेणं पं०,

तेसिं णं चेइयरूक्खाणं इमेयारूवे वण्णावासे पं० तं० - वयरामया मूला रययसुपइड्डिया सुविडिमा रिट्टामयविउला कंदा वेरूलिया रूइला खंधा सुजायवरजायरूवपढमगा विसालसाला नाणामणिमयरयणविविहसाहप्पसाहा वेरूलियपत्ततवणिज्जपत्तबिंटा जंबूणयरत्तमउयसुकु मालपवालसोभिया वरंकु रग्गसिहरा विचित्तमणिरयणसुरभिकुसुमफलभरनमियसाला अहियं मणनयणणिव्वइकरा अमयरससमरसफला सच्छाया सप्पभा सस्सिरीया सउज्जोया पासाईया०, तेसिं णं चेइयरूक्खाणं उवरिं अट्ठमंगलगा झया छत्ताइच्छत्ता, तेसिं णं चेइयरूक्खाणं पुरतो पत्तेयं २ मणिपेढियाओ पं०, ताओ णं मणिपेढियाओ अट्ठ जोयणाइं आयामविक्रखंभेणं चत्तारि जोयणाइं बाहल्लेणं सव्वमणिमईओ अच्छाओ जाव पडिरूवाओ, तासिं णं मणिपेढियाणं उवरिं पत्तेयं २ महिंदज्झया पं०, ते णं महिंदज्झया सट्ठिं जोयणाइं उड्ढंउच्चत्तेणं जोयणं उव्वेहेणं जोयणं विक्रखंभेणं वइरामया वट्टलट्टसुसिलिट्टपरिघट्टमट्टसुपत्तिट्टिया विसिट्टा अणेगवरपंचवण्णकुडभिसहस्सपरिमंडियाभिरामा वाउद्धयविजयवेजयंतीपडागा छत्ताइच्छत्तकलिया तुंगा गयणतलमभिलंधमाणसिहरा पासादीया० अट्ठमंगलगा झया छत्तातिच्छत्ता, तेसिं णं महिंदज्झयाणं पुरतो पत्तेयं २ नंदा पुक्खरिणीओ पं०, ताओ णं पुक्खरिणीओ एणं जोयणसयं आयामेणं पण्णासं जोयणाइं विक्रखंभेणं दस जोयणाइं उव्वेहेणं अच्छाओ जाव वण्णओ एगइयाओ उदगरसेणं पं०, पत्तेयं २ पउमवरवेइया परिकिखत्ताओ पत्तेयं २ वणसंडपरिकिखत्ताओ, तासिं णं णंदाणं पुक्खरिणीणं तिदिसिं तिसोवाणपडिरूवगा पं०, तिसोवाणपडिरूवगाणं वण्णओ तोरणा झया छत्तातिच्छत्ता, सभाए णं सुहम्माए अडयालीसं मणोगुलियासाहस्सीओ पं० तं० - पुरच्छिमेणं सोलस साहस्सीओ पच्चत्थिमेणं सोलस साहस्सीओ दाहिणेणं अट्ठसाहस्सीओ उत्तरेणं अट्ठ साहस्सीओ, तासु णं मणागुलियासु बहवे सुवण्णरूपमया फलगा पं०, तेसु णं सुवन्नरूपमएसु फलगेसु बहवे वइरामया णागदंतगा पं०, तेसु णं वइरामएसु णागदंतएसु किण्हसुत्तवट्टवघारियमल्लदामकलावा० चिट्ठंति, सभाए णं सुहम्माए अडयालीसं गोमाणसियासाहस्सीओ पं० जहा मणोगुलिया जाव णागदंतगा, तेसु णं णागदंतएसु बहवे रययामया सिक्कगा पं०, तेसु णं रययामएसु सिक्कगेसु बहवे वेरूलियामईओ धूवधडियाओ पं०, ताओ णं धूवधडियाओ कालागुरुपवर जाव चिट्ठंति, सभाए णं सुहम्माए अंतो बहुसमरमणिज्जे भूमिभागे पं० जाव मणीहिं उवसोभिए मणिफासो य उल्लोओ य, तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महेगा मणिपेढिया पं० सोलस जोयणाइं आयामविक्रखंभेणं अट्ठ जोयणाइं बाहल्लेणं सव्वमणिमयी जाव पडिरूवा, तीसे णं मणिपेढियाए उवरिं एत्थ णं माणवए चेइयरूक्खे पं० सट्ठिं जोयणाइं उड्ढंउच्चत्तेणं जोयणं उव्वेहेणं जोयणं विक्रखंभेणं अडयालीसं अंसिए अडयालीसं सइकोडीए अडयालीसं सइविग्गहिए सेसं जहा महिंदज्झयस्स, माणवगस्स णं चेइयरूक्खे उवरिं बारस जोयणाइं ओगाहेत्ता हेट्ठावि बारस जोयणाइं वज्जेत्ता मज्झे छत्तीसाए जोयणेसु एत्थ णं बहवे सुवण्णरूपमया फलगा पं०, तेसु णं सुवण्णरूपमएसु फलएसु बहवे वइरामया णागदंता पं०, तेसु णं वइरामएसु नागदंतेसु बहवे रययामया सिक्कगा पं०, तेसु णं रययामएसु सिक्कगेसु बहवे वइरामया गोलवट्टसमुग्गया पं०, तेसु णं वयरामएसु गोलवट्टसमुग्गाएसु बहवे (हूओ) जिणसकहातो संनिक्खत्ताओ चिट्ठंति तातो णं सूरियाभस्स देवस्स अन्नेसिं च बहूणं देवाण य देवीण य अच्चणिज्जाओ जाव पज्जुवासणिज्जातो, माणवगस्स णं चेइयरूक्खे उवरिं अट्ठमंगलगा झया छत्ताइच्छत्ता । ३६। तस्स माणवगस्स चेइयरूक्खे पुरच्छिमेणं एत्थ णं महेगा मणिपेढिया पं०, अट्ठ जोयणाइं आयामविक्रखंभेणं चत्तारि जोअणाइं बाहल्लेणं सव्वमणिमई अच्छा जाव पडिरूवा, तीसे णं मणिपेढियाए उवरिं एत्थ णं महेगे सीहासणे वण्णतो सपरिवारो, तस्स णं माणवगस्स चेइयरूक्खे पच्चत्थिमेणं एत्थ णं महेगा मणिपेढिया पं० अट्ठ जोयणाइं आयामविक्रखंभेणं चत्तारि जोयणाइं बाहल्लेणं सव्वमणिमई अच्छा जाव पडिरूवा, तीसे णं मणिपेढियाए उवरिं एत्थ णं महेगे देवसयणिज्जे पं०, तस्स णं देवसयणिज्जस्स इमेयारूवे वण्णावासे पं० तं० - णाणामणिमया पडिपाया सोवन्निया पाया णाणामणिमयाइं पायसीसगाइं जंबूणयामयाइं गत्तगाइं वयरामया संधी णाणामणिमए विच्चे रययामया तूली तवणिज्जमया गंडोवहाणया लोहियक्खमया बिब्बोयणा, से णं सयणिज्जे उभओ बिब्बोयणे दुहतो उण्णते मज्झे णयगंभीरे सालिंणवट्टिए गंगापुलिणवालुयाउदालसालिसए सुविरइयरयत्ताणे उवचियखोमदुगुल्लपट्टपडिच्छायणे रत्तंसुयसंवुए सुरम्मे

आइणंगरूयबूरणवणीयतूलफासे मउते ।३७। तस्स णं देवसयणिज्जस्स उत्तरपुरच्छिमेणं महेगा मणिपेढिया पं० अट्ट जोयणाइं आयामविकखंभेणं चत्तारि जोअणाइं बाहल्लेणं सव्वमणिमयी जाव पडिरूवा, तीसे णं मणिपेढियाए उवरिं एत्थ णं महेगे खुड्डए महिदज्झए पं० सट्ठिं जोयणाइं उड्ढंउच्चत्तेणं जोयणं विकखंभेणं वइरामया वट्टलट्टसंठियसुसिलिट्टजावपडिरूवा उवरिं अट्टट्टमंगलगा झया छत्तातिच्छत्ता, तस्स णं खुड्डागमहिंदज्झयस्स पच्चत्थिमेणं एत्थ णं सूरियाभस्स देवस्स चोप्पाले नाम पहरणकोसे पं० सव्ववइरामए अच्छे जाव पडिरूवे, तत्थ णं सूरियाभस्स देवस्स फलिहरणखग्गयाधणुप्पमुहा बहवे पहरणरयणा संनिक्खित्ता चिट्ठंति उज्जला निसिया सुतिक्खधारा पासादीया०, सभाए णं सुहम्माए उवरिं अट्टट्टमंगलगा झया छत्तातिच्छत्ता ।३८। सभाए णं सुहम्माए (१४६) उत्तरपुरच्छिमेणं एत्थ णं महेगे सिद्धायतणे पं० एगं जोयणसयं आयामेणं पन्नासं जोयणाइं विकखंभेणं बावत्तरिं जोयणाइं उड्ढंउच्चत्तेणं सभागमेणं जाव गोमाणसियाओ भूमिभागा उल्लोया तहेव, तस्स णं सिद्धायतणस्स बहुमज्झदेसभाए एत्थ णं महेगा मणिपेढिया पं० सोलस जोयणाइं आयामविकखंभेणं अट्ट जोयणाइं बाहल्लेणं, तीसे णं मणिपेढियाए उवरिं एत्थ णं महेगे देवच्छंदए पं० सोलस जोयणाइं आयामविकखंभेणं साइरेगाइं सोलस जोयणाइं उड्ढंउच्चत्तेणं सव्वरयणामए जाव पडिरूवे, एत्थ णं अट्टसयं जिणपडिमाणं जिणुस्सेहप्पमाणमित्ताणं संनिक्खित्तं संचिट्ठति, तासिं णं जिणपडिमाणं इमेयारूवे वण्णावासे पं० तं०-तवणिज्जमया हत्थतलपायतला अंकामयाइं नक्खाइं अंतोलोहियक्खपडिसेगाइं कणगामईओ जंघाओ कणगामया जाणू कणगामया ऊरूकणगामईओ गायलट्ठीओ तवणिज्जमयाओ नाभीओ रिट्टामईओ रोमराईओ तवणिज्जमया चुचूया तवणिज्जमया सिरिवच्छासिलप्पवालमया ओट्टा फालियामया दंता तवणिज्जमईओ जीहाओ तवणिज्जमया तालुया कणगामईओ नासिंगाओ अंतोलोहियक्खपडिसेगाओ अंकामयाणि अच्छीणि अंतोलोहियक्खपडिसेगाणि रिट्टामईओ ताराओ रिट्टामयाणि अच्छिपत्ताणि रिट्टामईओ भमुहाओ कणगामया कवोला कणगामया सवणा कणगामईओ णिडालपट्टियातो वइरामईओ सीसघडीओ तवणिज्जमईओ केसंतकेसभूमीओ रिट्टामया उवरिं मुद्धय तासिं णं जिणपडिमाणं पिट्ठतो पत्तेयं छत्तधारगपडिमाओ पं०, ताओ णं छत्तधारगपडिमाओ हिमरययकुंदेंदुप्पसाइं सकोरेंटमल्लदामाई धवलाइं आयवत्ताइं सलीलं धारेमाणीओ चिट्ठंति, तासिं णं जिणपडिमाणं उभओ पासे पत्तेयं चामरधारपडिमातो पं०, ताओ णं चामरधारपडिमातो णाणामणिकणगरयणविमलमहरिह जाव सलीलं धारेमाणीओ चिट्ठंति, तासिं णं जिणपडिमाणं पुरतो दो दो नागपडिमातो भूयपडिमातो जक्खपडिमाओ कुंडधारपडिमाओ सव्वरयणामईओ अच्छाओ जाव चिट्ठंति, तासिं णं जिणपडिमाणं पुरतो अट्टसयं घंटाणं अट्टसयं कलसाणं अट्टसयं भिंगाराणं एवं आयंसाणं थालाणं पाईणं सुपइट्ठाणं मणोगुलियाणं वायकरणं गाणं चित्ताणं रयणकरंडगाणं हंयकंठाणं जाव उसभकंठाणं पुप्फचंगेरीणं जाव लोमहत्थचंगेरीणं पुप्फपडलगाणं जाव लोमहत्थपडलगाणं तेल्लसमुग्गाणं जाव अंजणसमुग्गाणं अट्टसयं धूवकडूच्छुयाणं संनिक्खित्तं चिट्ठति, सिद्धायतणस्स णं उवरिं अट्टट्टमंगलगा झया छत्तातिच्छत्ता ।३९। तस्स णं सिद्धायतणस्स उत्तरपुरच्छिमेणं एत्थ णं महेगा उववायसभा पं० जहा सभाए सुहम्माए तहेव जाव मणिपेढिया अट्ट जोयणाइं देवसयणिज्जं तहेव सयणिज्जवण्णओ अट्टट्टमंगलगा झया छत्तातिच्छत्ता, तीसे णं उववायसभाए उत्तरपुरच्छिमेणं एत्थ णं महेगे हरए पं० एगं जोयणसयं आयामेणं पण्णासं जोयणाइं विकखंभेणं दस जोयणाइं उव्वेहेणं तहेव, तस्स णं हरयस्स उत्तरपुरच्छिमेणं एत्थ णं महेगा अभिसेगसभा पं० सुहम्मागमएणं जाव गोमाणसियाओ मणिपेढिया सीहासणं सपरिवारं जाव दामा चिट्ठंति, तत्थ णं सूरियाभस्स देवस्स बहुअभिसेयभंडे संनिक्खित्ते चिट्ठइ अट्टट्टमंगलगा तहेव, तीसे णं अभिसेगसभाए उत्तरपुरच्छिमेणं एत्थ णं महेगा अलंकारियसभा पं० जहा सभा सुधम्मा मणिपेढिया अट्ट जोयणाइं सीहासणं सपरिवारं, तत्थ णं सूरियाभस्स देवस्स सुबहुअलंकारियभंडे संनिक्खित्ते चिट्ठति सेसं तहेव, तीसे णं अलंकारियसभाए उत्तरपुरच्छिमेणं एत्थ णं महेगा ववसायसभा पं० जहा उववायसभा जाव सीहासणं सपरिवारं मणिपेढिया अट्टट्टमंगलगा, तत्थ णं सूरियाभस्स देवस्स महेगे पोत्थयरयणे सन्निक्खित्ते चिट्ठइ, तस्स णं पोत्थयरयणस्स इमेयारूवे वण्णावासे पं० तं०-रयणामयाइं पत्तगाइं रिट्टामइयो कंबिआओ तवणिज्जमए दोरे नाणामणिमए गंठी वेरूलियमए लिप्पासणे रिट्टमए छंदणे तवणिज्जमई संकला रिट्टामई मसी वइरामई लेहणी रिट्टामयाइं अक्खराइं धम्मिए सत्थे, ववसायसभाए

णं उवरिं अट्टमंगलगा, तीसे णं ववसायसभाए उत्तरपुरच्छिमेणं एत्थ णं नंदापुक्खरिणी पं० हरयसरिसा, तीसे णं णंदाए पुक्खरिणीए उत्तरपुरच्छिमेणं महेगे बलिपीढे पं० सव्वरयणामए अच्छे जाव पडिरूवे ।४०। तेणं कालेणं० सूरियाभे देवे अहुणोववण्णमित्तए चेव समाणे पंचविहाए पज्जतीए पज्जतीभावं गच्छइ तं०-आहारपज्जतीए सरीर० इंदिय० आणपाण० भासामणपज्जतीए, तए णं तस्स सूरियाभस्स देवस्स पंचविहाए पज्जतीए पज्जतीभावं गयस्स समाणस्स इमेयारूवे अब्भत्थिए चितिए पत्थिए मणोगए संकप्पे समुप्पज्जित्था-किं मे पुब्बिं करणिज्जं किं मे पच्छा करणिज्जं किं पुब्बिं सेयं किं मे पच्छा से यं किं मे पुब्बिं पच्छावि हियाए सुहाए खमाए णिस्सेयसाए आणुगामियत्ताए भविस्सइ ?, तए णं तस्स सूरियाभस्स देवस्स सामाणियपरिसोववन्नगा देवा सूरियाभस्स देवस्स इमेयारूवमब्भत्थियं जाव समुप्पन्नं समभिजाणित्ता जेणेव सूरियाभे देवे तेणेव उवागच्छंति सूरियाभं देवं करयलपरिग्गहियं० सिरसावत्तं मत्थए अंजलिं कट्टु जएणं विजएणं वद्धाविन्ति ता एवं व०-एवं खलु देवाणुप्पियाणं सूरियाभे विमाणे सिद्धायतणंसि जिणपडिमाणं जिणुस्सेहपमाणमित्ताणं अट्टसयं संनिक्खित्तं चिट्ठंति, सभाए णं सुहम्माए माणवए चेइए खंभे वइरामएसु गोलवट्टसमुग्गएसु बहुइओ जिणसकहाओ संनिक्खित्ताओ चिट्ठंति, ताओ णं देवाणुप्पियाणं देवाण य देवीण य अच्चणिज्जाओ जाव पज्जुवासणिज्जाओ, तं एयं णं देवाणुप्पियाणं पुब्बिं करणिज्जं तं एयं णं देवाणुप्पियाणं पच्छा करणिज्जं तं एयं णं देवाणुप्पियाणं पुब्बिं सेयं तं एयं णं देवाणुप्पियाणं पच्छा सेयं तं एयं णं देवाणुप्पियाणं पुब्बिं पच्छावि हियाए सुहाए खमाए निस्सेयसाए आणुगामियत्ताए भविस्सति ।४१। तए णं से सूरियाभे देवे तेसिं सामाणियपरिसोववन्नगाणं देवाणं अंतिए एयमट्ठं सोच्चा निसम्म हट्टतुट्टजावहयहियए सयणिज्जाओ अब्भुट्ठेति ता उववायसभाओ पुरच्छिमिल्लेणं दारेणं निग्गच्छइ जेणेव हरए तेणेव उवागच्छति ता हरयं अणुपयाहिणीकरेमाणे पुरच्छिमिल्लेणं तोरणेणं अणुपविसइ ता पुरच्छिमिल्लेणं तिसोवाणपडिरूवएणं पच्चोरूहइ ता जलावगाहं० जलमज्जणं० जलकिड्डं० जलाभिसेयं करेइ ता आयंते चोक्खे परमसुईभूए हरयाओ पच्चोत्तरइ ता जेणेव अभिसेयसभा तेणेव उवागच्छति ता अभिसेयसभं अणुपयाहिणीकरेमाणे पुरच्छिमिल्लेणं दारेणं अणुपविसइ ता जेणेव सीहासणे तेणेव उवागच्छइ ता सीहासणवरगए पुरत्थाभिमुहे सन्निसन्ने, तए णं सूरियाभस्स देवस्स सामाणियपरिसोववन्नगा देवा आभिओगिए देवे सद्दावेति ता एवं व०-खिप्पामेव भो ! देवाणुप्पदां सूरियाभस्स देवस्स महत्थं महग्गं महरिहं विउलं इंदाभिसेयं उवट्टवेह, तए णं ते आभिओगिआ देवा सामाणियपरिसोववन्नेहिं देवेहिं एवं वुत्ता समाणा हट्टा जाव हियया करंयलपरिग्गहियं० सिरसावत्तं मत्थए अंजलिं कट्टु एवं देवो ! तहत्ति आणाए विणएणं वयणं पडिसुणंति ता उत्तरपुरच्छिमं दिसीभागं अवक्कमंति ता वेउव्वियसमुग्घाएणं समोहणंति ता संखेज्जाइ जाव दोच्चं पि वेउव्वियं समुग्घाएणं समोहणित्ता अट्टसहस्सं सावन्नियाणं कलसाणं अट्टसहस्सं रूप्पमयाणं कलसाणं अट्टसहस्सं मणिमयाणं कलसाणं अट्टसहस्सं सुवण्णरूप्पमयाणं कलसाणं अट्टसहस्सं सुवन्नमणिमयाणं कलसाणं अट्टसहस्सं रूप्पमणिमयाणं कलसाणं अट्टसहस्सं सुवण्णरूप्पमणिमयाणं कलसाणं अट्टसहस्सं भोमिज्जाणं कलसाणं, एवं भिंंगाराणं आयंसाणं थालाणं पाईणं सुपतिट्ठाणं रयणकरडगाणं पुप्फचंगेरीणं जाव लोमहत्थचंगेरीणं पुप्फपडलगाणं जाव लोमहत्थपडलगाणं छत्ताणं चामराणं तेल्लसमुग्गाणं जाव अंजणसमुग्गाणं अट्टसहस्सं धूवकडुच्छुयाणं विउव्वंति ता ते साभाविए य वेउव्विए य कलसे य जाव कडुच्छुएय गिणहंति ता सूरियाभाओ विमाणाओ पडिनिक्खमंति ता ताए उक्किट्ठाए चवलाए जाव तिरियंमसंखेज्जाणं जाव वीतिवयमाणे २ जेणेव खीरोदयसमुद्दे तेणेव उवागच्छति ता खीरोयगं गिणहंति जाइं तत्थ उप्पलाइं ताइं गेणहंति जाव सयसहस्सपत्ताइं गिणहंति ता जेणेव पुक्खरोदए समुद्दे तेणेव उवागच्छंति ता पुक्खरोदयं गेणहंति ता जाइं तत्थ उप्पलाइं जाव सयसहस्सपत्ताइं ताइं गिणहंति ता जेणेव समयखेत्ते जेणेव भरहेरवयाइं वासाइं जेणेव मागहवरदामपभासाइं तित्थाइं तेणेव उवागच्छंति ता तित्थोदगं गेणहंति ता तित्थमट्ठियं गेणहंति ता जेणेव गंगासिंधुरत्तारत्तवईओ महानईओ तेणेव उवागच्छंति ता सलिलोदगं गेणहंति ता उभओ कूलमट्ठियं गेणहंति ता जेणेव चुल्लहिमवंतसिहरिवासहरपव्वया तेणेव उवागच्छंति ता सव्वतुयरे सव्वपुप्फे सव्वगंधे सव्वमल्ले सव्वोसहिसिद्धत्थए गिणहंति ता जेणेव पउमपुंडरीयदहे तेणेव उवागच्छंति ता दहोदगं गेणहंति ता जाइं तत्थ उप्पलाइं जाव सयसहस्सपत्ताइं ताइं गेणहंति ता जेणेव हेमवयएरणवयाइं

वासाइं जेणेव रोहियरोहियंसासुवण्णकूलरूप्पकूलाओ महाणईओ तेणेव उवागच्छंति सलिलोदगं गेण्हंति ता उभओ कूलमट्ठियं गिण्हंति ता जेणेव
 सदावातिवियडावातिपरियागा वट्टवयड्डपव्वया तेणेव उवागच्छन्ति ता सव्वतुयरे तहेव जेणेव महाहिमवंतरूप्पिवासहरपव्वया तेणेव उवागच्छंति तहेव जेणेव
 महापउममहापुंडरीयद्वहा तेणेव उवागच्छंति ता दहादगं गिण्हंति तहेव जेणेव हरिवासरम्मगवासाइं जेणेव हरिहरिकंतनरनारीकंताओ महाणईओ तेणेव उवागच्छंति
 तहेव जेणेव गंधावइमालवंतपरियाया वट्टवेयड्डपव्वया तेणेव तहेव जेणेव गिसडणीलवंतवासधरपव्वया तहेव जेणेव तिगिच्छिकेसरिद्वहा तेणेव उवागच्छंति ता
 तहेव जेणेव महाविदेहे वासे जेणेव सीतासीतोदा महाणदीओ तेणेव तहेव जेणेव सव्वचक्कवट्टिविजया जेणेव सव्वमागहवरदामपभासाइं तित्थाइं तेणेव उवागच्छंति
 ता तित्थोदगं गेण्हंति ता जेणेव सव्वंतरणईओ जेणेव सव्ववक्खारपव्वया तेणेव उवागच्छंति सव्वतुयरे तहेव जेणेव मंदरे पव्वते जेणेव भद्दसालवणे तेणेव
 उवागच्छंति सव्वतुयरे सव्वपुप्फे सव्वमल्ले सव्वोसहिसिद्धत्थए य गिण्हंति ता जेणेव णदणवणे तेणेव उवागच्छंति ता सव्वतुयरे जाव सव्वोसदिसिद्धत्थए य
 सरसगोसीसचंदणं गिण्हंति ता जेणेव सोमणसवणे तेणेव उवागच्छंति सव्वतुयरे जाव सव्वोसहिसिद्धत्थए य सरसगोसीसचंदणं च दिव्वं च सुमणदामं
 दद्धरमलयसुगंधिए य गंधे गिण्हंति ता एगतो मिलायंति ता ताए उक्किट्ठाए जाव जेणेव सोहम्मए कप्पे जेणेव सूरियाभे विमाणे जेणेव अभिसेयसभा जेणेव सूरियाभे देवे
 तेणेव उवागच्छंति ता सूरियाभं देवं करयलपरिग्गहियं० सिरसावत्तं मत्थए अंजलिं कट्ठु जएणं विजएणं वद्धावितिं ता तं महत्थं महग्घं महरिहं विउलं इंदाभिसेयं
 उवट्ठवेति, तए णं तं सूरियाभं देवं चत्तारि सामाणियसाहस्सीओ चत्तारि अग्गमहिस्सीओ सपरिवारातो तिन्नि परिसाओ सत्त अणियाहिवईणो जाव अन्नेवि बहवे
 सूरियाभविमाणवासिणो देवा य देवीओ य तेहिं साभाविहिए य वेउव्विएहिं य वरकमलपड्ढाणेहिं य सुरभिवरवारिपडिपुत्तेहिं चंदणकयचच्चएहिं आविद्धकंठगुणेहिं
 पउमुप्पलपिहाणेहिं सुकुमालकोमलकरयलपरिग्गहिएहिं अट्ठसहस्सेणं सोवन्नियाणं कलसाणं जाव अट्ठसहस्सेणं भोमिज्जाणं कलसाणं सव्वोदएहिं सव्वमट्ठियाहिं
 सव्वतूयरेहिं जाव सव्वोसहिसिद्धत्थएहिं य सव्विड्ढीए जाव वाइएणं महया २ इंदाभिसेएणं अभिसिंचंति, तए णं तस्स सूरियाभस्स देवस्स महया २ इंदाभिसेए
 वट्टमाणे अप्पेगतिया देवा सूरियाभं विमाणं नच्चोयगं नातिमट्ठियं पविरलप्पफुसियरयरेणुविणासणं दिव्वं सुरभिगंधोदगं वासं वासंति अप्पे० हयरयं नट्टरयं भट्टरयं
 उवसंतरयं उवसंतरयं पसंतरयं करंति अप्पे० आसियसंमज्जिबओलित्तं सुइसंमट्टरत्थंतरावणवीहियं करंति अप्पे० मंचाइमंचकलियं करंति अप्पे०
 णाणाविहरागोसियझयपडागाइपडागमंडियं करंति अप्पे० लाउल्लोइयमहियं गोसीससरसरत्तचंदणदद्धरदिण्णपंचंगुलितलं करंति अप्पे० उवचिचंदणकलसं
 चंदणघडसुकयतोरणपडिदुवारदेसभागं करंति अप्पे० आसत्तोसत्तविउलवट्टवगारियमल्लदामकलावं करंति अप्पे० पंचवण्णसुरभिमुक्कपुप्फपुंजोवयारकलियं करंति
 अप्पे० कालागुरुपवरकुदुरुक्कतुरुक्कधूवमघमघंतगंधुद्धूयाभिरामं करंति अप्पे० सुगंधगंधियं गंधवट्टिभूतं करंति अप्पे० हिरण्णवासं वासंति सुवण्णवासं वासंति
 रययवासं वासंति वइरवासं० पुप्फवासं० फलवासं० मल्लवासं० गंधवासं० चुण्णवासं० आभरणवासं वासंति अप्पे० हिरण्णविहिं भाएंति एवं सुवन्नविहिं रयणविहिं
 भाएंति एवं सुवन्नविहिं रयणविएं (प्र० वयरविहिं) पुप्फविहिं फलविहिं मल्लविहिं चुण्णविहिं वत्थविहिं गंधविहिं तत्थ अप्पेगतिया देवा आभरणविहिं भाएंति,
 अप्पेगतिया चउव्विहं वाइतं वाइंति तं० - ततं विततं घणं झुसिरं, अप्पेगइया देवा चउव्विहं गेयं गायंति, तं० - उक्खित्तायं पायत्तायं मंदायं रोइतावसाणं अप्पेगतिया
 देवा दुयं नट्टविहिं उवदंसंति अप्पे० विलंबियणट्टविहिं० अप्पे० दुतविलंबियं णट्टविहिं० एवं अप्पे० अंचियं नट्टविहिं उवदंसेति अप्पे० रिभियं नट्टविहिं अप्पे०
 अंचियरिभियं एवं आरभडं भसोलं आरभडभसोलं उप्पयनिचयपमत्तं संकुचियपसारियं रियारियं भंतसंभतणामं दिव्वं णट्टविहिं उवदंसेति, अप्पे० चउव्विहं अभिणयं
 अभिणयंति, तं० - दिट्ठंतियं पाडंतियं पाडंतियं सामंतोवणिवाइयं लोगअंतोमज्झावसाणियं, अप्पेगतिया देवा बुक्कारेति अप्पे० पीणेति अप्पे० वासंति अप्पे०
 अक्कारेति अप्पे० विणंति अप्पे० तंडवेति अप्पे० वगंति अप्पे० अप्फोडेति अप्पे० अप्फोडेति वगंति अप्पे० तिवइं छिंदंति अप्पे० हयहेसियं करंति अप्पे०
 हत्थिगुलगुलाइयं० अप्पे० रहघणघणाइयं० अप्पे० हयहेसियहहत्थिगुलगुलाइयरहघणघणाइयं० अप्पे० उच्छोलेति अप्पे० पच्छोलेति अप्पे० उक्किट्ठियं करंति

अप्पे० तिन्निवि अप्पे० ओवयंति अप्पे० उप्पयंति अप्पे० परिवयंति अप्पे० तिन्निवि अप्पे० सीहनायंति अप्पे० पाददहरयं अप्पे० भूमिचवेडं दलयंति अप्पे० तिन्निवि अप्पे० गज्जंति अप्पे० गज्जंति अप्पे० विज्जुयायंति अप्पे० वासं वासंति अप्पे० तिन्निवि करेति अप्पे० जलंति अप्पे० तवंति अप्पे० पतवेति अप्पे० तिन्निवि अप्पे० हक्कारेति अप्पे० थुक्कारेति अप्पे० धक्कारेति अप्पे० साइं २ नामाइं साहेति अप्पे० चत्तारिवि अप्पेगइया देवा देवसन्निवायं करेति अप्पे० देवुज्जोयं करेति अप्पे० देवुक्कलियं करेति अप्पे० देवकहकहगं करेति अप्पे० देवदुहदुहगं करेति अप्पे० चेलुक्खेवं करेति अप्पे० उप्पलहत्थगया जाव सयसहस्सपत्तहत्थगया अप्पे० कलसहत्थगया जाव धूवकडुच्छुयहत्थगया हट्टतुट्टजावहियया सव्वतो समंता आहावंति परिधावंति, तए णं सूरियाभं देवं चत्तारि सामाणियसाहस्सीओ जाव सोलस आयरक्खदेवसाहस्सीओ अण्णे य बहवे सूरियाभरायहाणिवत्थव्वा देवा य देवीओ महया २ इंदाभिसेगेणं अभिसिंचंति ता पत्तेयं २ करयलपरिग्गहियं० सिरसावत्तं मत्थए अंजलिं कट्टु एवं व०- जय २ नंदा जय जय भद्दा जय जय नंदा ! भद्दं ते अजियं जिणाहि जियं च पालेहि जियमज्झे वसाहि इंदोइव देवाणं चंदोइव ताराणं चमरोइव असुराणं धरणोइव नागाणं भरहोइव मणुयाणं बहूइं पलिओवमाइं बहूइं सागरोवमाइं चउण्हं सामाणियसाहस्सीणं जाव आयरक्खदेवसाहस्सीणं सूरियाभस्स विमाणस्स अन्नेसिं च बहूणं सूरियाभविमाणवरसीणं देवाण य देवीण य आहेवच्चं जाव महया २ कारेमाणे पालेमाणे विहराहित्तिकडु जय २ सद्दं पउंजंति, तए णं से सूरियाभे देवे महया २ इंदाभिसेगेणं अभिसित्ते समाणे अभिसेयसभाओ पुरच्छिमिल्लेणं दारेणं निग्गच्छति ता जेणेव अलंकारियसभा अणुप्पयाहिणीकरेमाणे अणुप्पयाहिणीकरेमाणे अलंकारियसभं पुरच्छिमिल्लेणं दारेणं अणुपविसति ता जेणेव सीहासणे तेणेव उवागच्छति सीहासणवरगते पुरत्थाभिमुहे सन्निसन्ने, तए णं तस्स सूरियाभस्स देवस्स सामाणियपरिसोवन्नगा देवा अलंकारिभंडं उवडुवेति, तए णं से सूरियाभे देवे तप्पढमयाए पम्हलसूमालाए सुरभीए गंधकासाईए गायाइं लुहेति ता सरसेणं गोसीसचंदणेणं गायाइं अणुलिंपति ता नासानीसासवायवोज्झं चक्खुहरं वन्नफरिसजुत्त हयलालापेलवातिरेणं धवलं कणगखचियन्तकम्मं आगासफालियसमप्पभं दिव्वं देवदूसजुयलं नियंसेति ता हारं पिणद्धेति ता अब्द्धहारं पिणद्धेइ ता एगावलिं पिणद्धेति ता मुत्तावलिं पिणद्धेति ता रयणावलिं पिणद्धेइ ता एवं अंगयाइं केयूराइं कडगाइं तुडियाइं कडिसुत्तगं दसमुद्दाणंतगं विकच्छसुत्तगं मुरविं पालंबं कुंडलाइं चूडामणिं मउडं पिणद्धेइ ता गंधिमवेढिमपूरिमसंघाइमेणं चउव्विहेणं मल्लेणं कप्परुक्खगंपिव अप्पाणं अलंकियविभूसियं करेइ ता दहरमलयसुगंधगंधिण्हिं गायाइं भुखंडेइ दिव्वं च सुमणदाणं पिणद्धेइ । १४२। तए णं से सूरियाभे देवे केसालंकारेणं मल्लालंकारेणं आभरणांलंकारेणं वत्थालंकारेणं चउव्विहेणं अलंकारेणं अलंकियविभूसिए समाणे पडिपुण्णालंकारे सीहासणाओ अब्भुट्ठेति ता अलंकारियसभाओ पुरच्छिमिल्लेणं दारेणं पडिणिक्खमइ ता जेणेव ववसयसभा तेणेव उवागच्छति ववसायसभं अणुपयाणीकरेमाणे पुरच्छिमिल्लेणं दारेणं अणुपविसति जेणेव सीहासणवरए जाव सन्निसन्ने, तए णं तस्स सूरियाभस्स देवस्स सामाणियपरिसोवन्नगा देवा पोत्थरयणं उवणे(प्र० णमं)ति, तते णं से सूरियाभे देवे पोत्थरयणं गिण्हति ता पोत्थरयणं मुयइ ता पोत्थरयणं विहाडेइ ता पोत्थरयणं वाएति ता धम्मियं ववसायं गिण्हति ता पोत्थरयणं पडिनिक्खवइ ता सीहासणातो अब्भुट्ठेति ता ववसायसभातो पुरच्छिमिल्लेणं दारणं पडिनिक्खमइ ता जेणेव नंदा पुक्खरिणी तेणेव उवागच्छति ता णंदापुक्खरिणिं पुरच्छिमिल्लेणं तोरणेणं पुरच्छिमिल्लेणं तिसोवाणपडिरूवएणं पच्चोरुहइ ता हत्थपादं पक्खालेति ता आयंते चोक्खेपरमसुइभूए एणं महं सेयं रययामयं विमलसलिलपुण्णं मत्तगयमुहागितिसमाणं भिंजारं पणेण्हति ता जाइं तत्थ उप्पलाइं जाव सतसहस्सपत्ताइं ताइं गेण्हति ता णंदातो पुक्खरिणीतो पच्चोरुहति ता जेणेव सिद्धायतणे तेणेव पहरेत्थ गमणाए । १४३ । तए णं तं सूरियाभं देवं चत्तारि य सामाणियसाहस्सीओ जाव सोलस आयरक्खदेवसाहस्सीओ अन्ने य बहवे सूरियाभ जाव देवीओ य अप्पेगतिया देवा उप्पलहत्थगया जाव सयसहस्सपत्तहत्थगया सूरियाभं देवं पिट्ठतो २ समणुगच्छंति, तए णं तं सूरियाभं देवं बहवे आभिओगिया देवा य देवीओ य अप्पेगतिया कलसहत्थगया जाव अप्पेगतिया धूवकडुच्छुयहत्थगया हट्टतुट्ट जाव सूरियाभं देवं पिट्ठतो समणुगच्छंति, तए णं से सूरियाभे देवे चउहिं सामाणियसाहस्सीहिं जाव अन्नेहि य बहूहि य सूरियाभ जाव देवेहि य देवीहि य सद्धिं संपरिवुडे सव्विहीए जाव

अणुपयाहिणीकरेमाणे जेणेव उत्तरिल्ला णंदापुक्खरिणी तेणेव उवागच्छति ता तं चेव, जेणेव उत्तरिल्ले माहिंदज्झए तेणेव उवागच्छइ तं चेव जाव जेणेव उत्तरिल्ले चेइयरुक्खे तेणेव उवागच्छति जेणेव उत्तरिल्ले चेइयथूमे तहेव, जेणेव पच्चत्थिमिल्ला पेढिया पच्चत्थिमिल्ला जिणपडिमा तं चेव, उत्तरिल्ले पेच्छाघरमंडवे तेणेव उवागच्छति ता जा चेव दाहिणिल्लवत्तव्वया सा चेव सब्वा पुरच्छिमिल्ले दारे दाहिणिल्ला खंभपंती तं चेव सब्वं, जेणेव उत्तरिल्ले मुहमंडवे जेणेव उत्तरिल्लस्स मुहमंडवस्स बहुमज्झदेसभाए तं चेव सब्वं, पच्चत्थिमिल्ले दारे तेणेव० उत्तरिल्ले दारे दाहिणिल्ला खंभपंती सेसं तं चेव सब्वं, जेणेव सिद्धायतणस्स उत्तरिल्ले दारे तं चेव, जेणेव सिद्धायतणस्स पच्चत्थिमिल्ले दारे तेणेव उवागच्छइ ता तं चेव जेणेव पुरच्छिमिल्ले मुहमंडवे जेणेव पुरच्छिमिल्लस्स मुहमंडवस्स बहुमज्झदेसभाए तेणेव उवागच्छइ ता तं चेव, पुरच्छिमिल्लस्स मुहमंडवस्स दाहिणिल्ले दारे पच्चत्थिमिल्ला खंभपंती उत्तरिल्ले दारे तं चेव, पुरच्छिमिल्ले दारे तं चेव, जेणेव पुरच्छिमिल्ले पेच्छाघरमंडवे एवं थूमे जिणपडिमाओ चेइयरुक्खा माहिंदज्झया णंदा पुक्खरिणी तं चेव जाव धूवं दलयइ ता जेणेव सभा सुहम्मा तेणेव उवागच्छति ता सभं सुहम्मं पुरच्छिमिल्लेणं दारेणं अणुपविसइ ता जेणेव माणवए चेइयखंभे जेणेव वइरामए गोलवट्टसमुग्गे तेणेव उवागच्छइ ता लोमहत्थगं परामुसइ ता वइरामए गोलवट्टसमुग्गए लोमहत्थेणं पमज्जइ ता वइरामए गोलवट्टसमुग्गए विहाडेइ ता जिणसगहाओ लोभहत्थेणं पमज्जइ ता सुरभिणा गंधोदणं पक्खालेइ ता अग्गेहिं वरेहिं गंधेहि य मल्लेहि य अच्चेइ धूवं दलयइ ता जिणसकहाओ वइरामएसु गोलवट्टसमुग्गएसु पडिनिक्खिवइ माणवगं चेइयखंभं लोमहत्थेणं पमज्जइ दिव्वाए दगधाराए सरसेणं गोसीसचंदणेणं चच्चए दलयइ पुप्फारुहणं जाव धूवं दलयइ, जेणेव सीहासणे तं चेव, जेणेव देवसयणिज्जे तं चेव, जेणेव खुड्डागमहिंदज्झए तं चेव, जेणेव पहरणकोसेचोप्पालए तेणेव उवागच्छइ ता लोमहत्थगं परामुसइ ता पहरणकोसं चोप्पालं लोमहत्थेणं पमज्जइ ता दिव्वाए दगधाराए सरसेणं गोसीसचंदणेणं चच्चा दलेइ पुप्फारुहणं० आसत्तोसत्त जाव धूवं दलयइ, जेणेव सभाए सुहम्माए बहुमज्झदेसभाए जेणेव मणिपेढिया जेणेव देवसयणिज्जे तेरेव उवागच्छइ ता लोभहत्थगं परामुसइ देवसयणिज्जं च मणिपेढियं च लोमहत्थेणं पमज्जइ जाव धूवं दलयइ ता जेणेव उववायसभाए दाहिणिल्ले दारे तहेव अभिसेयसभासरिसं जाव पुरच्छिमिल्ला णंदा पुक्खरिणी जेणेव हरए तेणेव उवागच्छइ ता तोरणे य तिसोवाणे य सालिभंजियाओ य वालरूवेए य तहेव, जेणेव, अभिसेयसभा तेणेव उवागच्छइ ता तहेव सीहासणं च मणिपेढियं च सेसं तहेव आययणसरिसं जाव पुरच्छिमिल्ला णंदा पुक्खरिणी जेणेव अलंकारियसभा तेणेव उवागच्छइ ता जहा अभिसेयसभा तहेव सब्वं जेणेव ववसायसभा तेणेव उवा० ता तहेव लोमहत्थयं परामुसति पोत्थयरयणं लोमहत्थेणं पमज्जइ ता दिव्वाए दगधाराए अग्गेहिं वरेहि य गंधेहिं मल्लेहि य अच्चेति ता मणिपेढियं सीहासणं च सेसं तं चेव, पुरच्छिमिल्ला नंदा पुक्खरिणी जेणेव हरए तेणेव उवागच्छइ ता तोरणे य तिसोवाणे य सालिभंजियाओ य वालरूवेए तहेव जेणेव बलिपीढं तेणेव उवागच्छइ ता बलिविसज्जणं करेइ आभिओगिए देवे सद्दावेइ ता एवं व०- खिप्पामेव भो देवाणुप्पिया ! सूरियाभे विमाणे सिंघाडएसु तिएसु चउक्केसु चच्चरेसु चउम्मुहेसु महापहेसु पागारेसु अट्टालएसु चरियासु दारेसु गोपुरेसु तोरणेसु आरामेसु उज्जाणेसु वणेसु वणराईसु काणणेसु वणसंडेसु अच्चणियं करह ता मम एयमाणत्तियं खिप्पामेव पच्चप्पिणह, तए णं ते आभिओगिया देवा सूरियाभेणं देवेणं एवं कुत्ता समाणा जाव पडिसुणित्ता सूरियाभे विमाणे सिंघाडएसु जाव अच्चणियं करेन्ति ता जेणेव सूरियाभे देवे जाव पच्चप्पिणंति, तते णं से सूरियाभे देवे जेणेव नंदा पुक्खरिणी तेणेव उवागच्छइ ता नंदापुक्खरिणिं पुरच्छिमिल्लेणं तिसोवाणपडिरूवणं पच्चोरुहति ता हत्थपाए पक्खालेइ ता णंदाओ पुक्खरिणीओ पच्चुत्तरइ जेणेव सभा सुधम्मा तेणेव पहारित्थ गमणाए, तए णं से सूरियाभे देवे चउहिं सामाणियसाहस्सीहिं जाव सोलसहिं आयरक्खदेवसाहस्सीहिं अन्नेहि य बहूहिं सूरियाभविमाणवासीहिं वेमाणिएहिं देवेहि देवीहिय सद्धिं संपरिवुडे सव्विहीए जाव नाइयरवेणं जेणेव सभा सुहम्मा तेणेव उवागच्छइ ता सभं सुधम्मं पुरच्छिमिल्लेणं दारेणं अणुपविसति ता जेणेव सीहासणे तेणेव उवागच्छइ ता सीहासणवरगए पुरत्थाभिमुहे सण्णिसण्णे । ४४। तए णं तस्स सूरियाभस्स देवस्स अवरुत्तरेणं उत्तरपुरच्छिमेणं दिसिभाएणं चत्तारि य सामाणियसाहस्सीओ चउसु भद्दासणसाहस्सीसु निसीयंति, तए णं तस्स सूरियाभस्स देवस्स पुरच्छिमिल्लेणं

चत्तारि अग्गमहिस्सीओ चउसु भद्दासणेसु निसीयंति, तए णं तस्स सूरियाभस्स देवस्स दाहिणपुरत्थिमेणं अब्भतरियपरिसाए अट्ठ देवसाहस्सीओ अट्ठसु भद्दासणसाहस्सीसु निसीयंति, तए णं तस्स सूरियाभस्स देवस्स दाहिणेणं मज्झिमाए परिसाए दस देवसाहस्सीओ दससु भद्दासणसाहस्सीसु निसीयंति, तए णं तस्स सूरियाभस्स देवस्स दाहिणपच्चत्थिमेणं बाहिरियाए परिसाए बारस देवसाहस्सीतो बारससु भद्दासणसाहस्सीसु निसीयंति, तए णं तस्स सूरियाभस्स देवस्स पच्चत्थिमेणं सत्त अणियाहिवइणो सत्तहिं(सु)भद्दासणेहिं(सु)णिसीयंति, तए णं तस्स सूरियाभस्स देवस्स चउदिसिं सोलस आयरक्खदेवसाहस्सीओ सोलसहिं भद्दासणसाहस्सीहिं णिसीयंति, तं० - पुरच्छिमिल्लेणं चत्तारि साहस्सीओ दाहणेणं चत्तारी साहस्सीओ पच्चत्थिमेणं चत्तारि साहस्सीओ उत्तरेणं चत्तारि साहस्सीओ, ते णं आयरक्खा सन्नद्धबद्धवम्मियकवया उप्पीलियसरासणपट्टिया पिणद्धगेविज्जा बद्धआविद्धविमलवरचिंधपट्टा गहियाउहपहरणा तिणियाणि तिसंधियाइं वयरामयाइं कोडीणि धणूइं पगिज्झ पडियाइयकंडकलावा नीलपाणिणो पीतपाणिणो रत्तपाणिणो चारुपाणिणो चम्मपाणिणो दंडपाणिणो खग्गपाणिणो पासपाणिणो नीलपीयरत्तचावचारुचम्मदंडखग्गपासधरा आयरक्खा रक्खोवगया गुत्ता गुत्तपालिया जुत्ता जुत्तपालिया पत्तेयं २ समयओ विणयओ किंकरभूया चिट्ठंति । ४५ । सूरियाभस्स णं भंते ! देवस्स केवइयं कालं ठिती पं० ?, गोयमा ! चत्तारि पलिओवमाइं ठिती पं०, सूरियाभस्स णं भंते ! देवस्स सामाणियपरिसोववण्णगाणं देवाणं केवइयं कालं ठिती पं०, गोयमा ! चत्तारि पलिओवमाइं ठिती पं०, महिइढीए- महजुत्ती(ती)ए महब्बले महासये महासोक्खे महाणुभागे सूरियाभे देवे, अहो णं भंते ! सूरियाभे देवे महह्ठीए जाव महाणुभागे । ४६ । सूरियाभेणं भंते ! देवेणं सा दिव्वा देविह्ठी सा दिव्वा देवजुई से दिव्वे देवाणुभागे किण्णा लद्धे किण्णा पत्ते किण्णा अभिसमन्नागए पुव्वभवे के आसी पुव्वभवे के आसी किंनामए वा कोवा गुत्तेणं कयरंसि वा गामंसि वा जाव संनिवेसंसि वा किं वा दच्चा किं वा भोच्चा किं वा किच्चा किं वा समायरित्ता कस्स वा तहारूवस्स समणस्स वा माहणस्स वा अंतिए एगमवि आरियं धम्मियं सुवयणं सुच्चा निसम्म जण्णं सूरियाभेणं देवेणं सा दिव्वा देविह्ठी जाव देवाणुभागे लद्धे पत्ते अभिसमन्नागए । ४७ । गोयमाई ! समणे भगवं महावीरे भगवं गोयमं आमंतेत्ता एवं व० - एवं खलु गोयमा ! तेणं कालेणं० इहेव जंबुदीवे भारहे वासे केयइअद्धे नामे जणवए होत्था रिद्धत्थिमियसमिद्धे, तत्थ णं केयइअद्धे जणवए सेयविया णामं नगरी होत्था रिद्धत्थिमियसमिद्धा जाव पडिरूवा, तीसे णं सेयवियाए नगरीए बहिया उत्तरपुरच्छिमे दिसीभागे एत्थ णं मिगवणे णामं उज्जाणे होत्था रम्मे नंदणवणप्पगासे सव्वोउयफलसमिद्धे सुभसुरभिस्सीयलाए छायाए सव्वओ चेव समणुबद्धे पासादीए जाव पडिरूवे, तत्थ णं सेयवियाए णगरीए पएसी णामं राया होत्था महयाहिमवंत जाव विहरइ अधम्मिए अधम्मिद्धे अधम्मक्खाई अधम्माणुए अधम्मपलोई अधम्मपजण(लज्ज)णे अधम्मसीलसमुयायारे अधम्मणे च वित्तिं कप्पेमाणे हणछिंदभिंदापवत्तए चंडे रुद्धे खुद्धे लोहियपाणी साहसिए उक्कं चणवं चणमायानियडिकूड कवडसायिसंपओगबहुले निस्सीले निव्वए निग्गुणे निम्मेरे निप्पच्चक्खाणपोसहोववासे बहूणं दुपयचउप्पयमियपसुक्खीसरिसवाण घायाए वहाए उच्छेणयाए अधम्मकेऊ समुट्टिए गुरूणं णो अब्भुट्ठेति णो विणयं पउजइ समण० (माहणभिक्खुगाणं) सयस्सवि य णं जणवयस्स णो सम्मं करभरवित्तिं पवत्तेइ । ४८ । तस्स णं पएसिस्स रत्तो सूरियकंता नाम देवी होत्था सुकुमालपाणिपाया धारिणीवण्णओ पएसिणा रत्ता सद्धिं अणुरत्ता अविरत्ता इट्ठे सद्धे रूवे जाव विहरइ । ४९ । तस्स णं पएसिस्स रण्णो जेट्ठे पुत्ते सूरियकंताए देवीए अत्तए सूरियकंते नामं कुमारे होत्था सुकुमालपाणिपाए जाव पडिरूवे, से णं सूरियकंते कुमारे जुवराया यावि होत्था, पएसिस्स रत्तो रज्जं च रट्ठं च बलं च वाहणं च कोसं च कोट्ठागारं च पुरं च अंतेउरं च जणवयं च सयमेव पच्चवेक्खमाणे विहरइ । ५० । तस्स णं पएसिस्स रत्तो जेट्ठे भाउयवयंसए चित्ते णामं सारही होत्था अट्ठे जाव बहुजणस्स अपरिभूए सामदंडभेयउवप्पयाणअत्थसत्थईहामइविसारए उप्पत्तियाए वेणइयाए कम्मयाए पारिणामियाए चउव्विहाए बुद्धीए उववेए पएसिस्स रण्णो बहूसु कज्जेसु य कारणेसु य कुडुंवेसु य मंतेसु य गुज्जेसु य रहस्सेसु य ववहारेसु य निच्छएसु य आपुच्छणिज्जे मेढी पमाणं आहारे आलंबणं चक्खू मेढिभूए पमाणभूए आहारभूए आलंबणभूण सव्वट्ठाणसव्वभूमियासु लद्धपच्चएविदिण्णविचारे रज्जधुराचिंतए आवि होत्था । ५१ । तेणं कालेणं० कुणाला नाम जणवए होत्था रिद्धत्थिमियसमिद्धे,

तत्थ णं कुणालाए जणवए सावत्थी नाम नयरी होत्था रिद्धत्थिमियसमिद्धा जाव पडिरूवा, तीसे णं सावत्थीऽणगरीए बहिया उत्तरपुरच्छिमे दिसीभाए कोट्टए नामं चेइए होत्था पोराणे जाव पासादीए, तत्थ णं सावत्थीए नयरीए पएसिस्स रत्तो अंतेवासी जियसत्तू नामं राया होत्था महयाहिभवंत जाव विहरइ, तए णं से पएसि राया अन्नया कयाई महत्थं महत्थं महरिहं विउलं राययारिहं पाहुडं सज्जावेइ ता चित्तं सारहिं सद्दावेइ ता एवं व०- गच्छ णं चित्ता ! तुमं सावत्थिं नगरिं जियसत्तुस्स रण्णो इमं महत्थं जाव पाहुडं उवणेहि जाइं तत्थ रायकज्जाणि रायकिच्चाणि य रायनीतीओ य रायववहारा य ताई जियसत्तुणा सद्धिं सयमेव पच्चुवेक्खमाणे विहरात्तिकट्टु विसज्जिए, तए णं से चित्ते सारही पएसिणा रण्णा एवं वुत्ते समाणे हट्ठ जाव पडिसुणेति तं महत्थं जाव पाहुडं गेण्हइ पएसिस्स रण्णो जाव पडिणिक्खमइ ता सेयवियं नगरिं मज्झंमज्झेणं जेणेव सए गिहे तेणेव उवागच्छति ता तं महत्थं जाव पाहुडं ठवेइ कोडुं बयपुरिसे सद्दावेइ ता एवं व०- खिप्पामेव भो देवाणुप्पिया ! सच्छत्तं जाव चाउग्घटं आसरहं जुत्तामेव उवट्टवेह जाव पच्चप्पिणह, तए णं ते कोडुंबियपुरिसा तहेव पडिसुणित्ता खिप्पामेव सच्छत्तं जाव जुद्धसज्जं चाउग्घटं आसरहं जुत्तामेव उवट्टवेन्ति तमाणत्तियं पच्चप्पिणंति, तए णं से चित्ते सारही कोडुंबियपुरिसाणं अंतिए एयमट्ठं जाव हियए ण्हाए कयबलिकम्मे कयकोउयमंगलपायच्छित्ते सन्नद्धबद्धवम्मियकवए उप्पीलियसरासणपट्टिए पिणिद्धगेविज्जे बद्धआविद्धविमलवरचिंधपट्टे गहियाउहपहरणे तं महत्थं जाव पाहुडं गेण्हइ ता जेणेव चाउग्घटे आसरहे तेणेव उवागच्छइ ता चाउग्घटं आसए दुरूहेति बहूहिं पुरिसेहिं सन्नद्ध जाव गहियाउहपहरणेहिं सद्धिं संपरिवुडे सकोरिंटमल्लदामेणं छत्तेणं धरेज्जमाणेणं महया भडचडगररहपहकरविंदपरिक्खित्ते साओ गिहाओ णिग्गच्छइ सेयवियं नगरिं मज्झंमज्झेणं णिग्गच्छइ ता सुहेहिं वासेहिं पायरासेहिं नाइविकिट्ठेहिं अंतरा वासेहिं वसमाणे केइयअद्धस्स जणवयस्स मज्झंमज्झेणं जेणेव कुणालाजणवए जेणेव सावत्थी नयरी तेणेव उवागच्छति ता सावत्थीए नयरीए मज्झंमज्झेणं अणुपविसइ जेणेव जियसत्तुस्स रण्णो गिहे जेणेव बाहिरिया उवट्टाणसाला तेणेव उवागच्छइ ता तुरए निगिण्हइ ता रहं ठवेति ता रहाओ पच्चोरुहइ तं महत्थं जाव पाहुडं गिण्हइ ता जेणेव अब्भित्तरीया उवट्टाणसाला जेणेव जियसत्तू राया तेणेव उवागच्छइ ता जियसत्तुं रायं करयलपरिग्गहियं जाव कट्टु जएणं विजएणं वद्धावेइ ता तं महत्थं जाव पाहुडं उवणेइ, तए णं से जियसत्तू राया चित्तस्स सारहिस्स तं महत्थं जाव पाहुडं पडिच्छइ ता चित्तं साराहिं सक्कारेइ सम्माणेति ता पडिविसज्जेइ रायमग्गमोगाढं च से आवासं दलयइ, तए णं से चित्ते सारही विसज्जिते समाणे जियसत्तुस्स रत्तो अंतियाओ पडिनिक्खमइ ता जेणेव बाहिरिया उवट्टाणसाला जेणेव चाउग्घटे आसरहे तेणेव उवागच्छइ ता चाउग्घटं आसरहं दुरूहइ सावत्थिं नगरिं मज्झंमज्झेणं जेणेव रायमग्गमोगाढे आवासे तेणेव उवागच्छइ ता तुरए निगिहणइ ता रहं ठवेइ ता रहाओ पच्चोरुहइ, ण्हाए कयबलिकम्मे कयकोउयमंगलपायच्छित्ते सुद्धप्पावेसाइं मंगल्लाइं वत्थाइं पवरपरिहिते अप्पमहग्घाभरणाळंकियसरीरे जिमियभुत्ताराणएऽविय णं समाणे पुव्वावरण्हकालसमयसि गंधव्वेहि य णाडगेहि य उवनच्चिज्जमाणे उवगाइज्जमाणे उवलालिज्जमाणे इट्ठे सद्धफरिसरसरूवगंधे पंचविहे माणुस्सए कामभोए पच्चणुभवमाणे विहरइ । ५२ । तेणं कालेणं० पासावच्चिज्जे केसी नाम कुमारसमणे जातिसंपण्णे कुलसंपण्णे बलसंपण्णे रूवसंपण्णे विणयसंपण्णे दंसणसंपण्णे चरित्तसंपण्णे लज्जासंपण्णे लाघवसंपण्णे ओयंसी तेयंसी वच्चंसी जियकोहे जियमाणे जियमाए जियलोहे जियणिहे जितिदिए जियपरीसहे जीवियासमरणभयविप्पमुक्के वयप्पहाणे गुणप्पहाणे करणप्पहाणे चरणप्पहाणे निग्गहपहाणे अज्जवप्पहाणे भद्दवप्पहाणे लाघवप्पहाणे खंतिप्पहाणे मुत्तिप्पहाणे विज्जप्पहाणे मंतप्पहाणे बंधप्पहाणे नयप्पहाणे नियमप्पहाणे सच्चप्पहाणे सोयप्पहाणे नाणप्पहाणे दंसणप्पहाणे चरित्तप्पहाणे चउदसपुव्वी चउणाणोवगए पंचहिं अणगारसएहिं सद्धिं संपरिवुडे पुव्वाणुपुव्विं चरमाणे गामाणुगामं दूइज्जमाणे सुहंसुहेणं विहरमाणे जेणेव सावत्थी नयरी जेणेव कोट्टए चेइए तेणेव उवागच्छइ ता सावत्थीए नयरीए बहिया कोट्टए चेइए अहापडिरूवं उग्गहं उग्गिण्हइ ता संजमेणं तवसा अप्पाणं भावेमाणे विहरइ । ५३ । तए णं सावत्थीए नयरीए सिंघाडगतियचउक्कचच्चरचउम्मुहमहापहपहेसु महया जणसद्देइ वा जणवूहेइ वा जणकलकलेइ वा जणबोलेइ वा जणउम्मीइ वा जणउक्कलियाइ वा जणसन्निवाएइ वा जाव परिसा पज्जुवासइ, तए णं तस्स चित्तस्स सारहिस्स तं महाजणसदं च जणकलकलं च सुणेत्ता य पासेत्ता य इमेयारूवे अज्झत्थिए जाव

સિદ્ધ સન્ન
www.jainelibrary.org

अणुपालेमाणे समणे णिग्गंथे फासुएसणिज्जेणं असणपाणखाइमसाइमेणं पीढफलगसेज्जासंथारेणं वत्थपडिग्गहकंबलपायपुंछणेणं ओसहभेसज्जेणं य पडिलाभेमाणे २ बहूहिं सीलव्वयगुणवेरमणपच्चक्खाणपोसहोववासेहि य अप्पाणं भावेमाणे जाइं तत्थ रायकज्जाणि य जाव रायववहाराणि य ताइं जियसत्तुणा रण्णा सद्धिं सयमेव पच्चवेक्खमाणे २ विहरइ । ५५। तए णं से जियसत्तू राया अण्णया कयाई महत्थठ जाव पाहुडं सज्जेइ ता चित्तं सारहिं सद्दवेइ ता एवं व०-गच्छाहि णं तुमं चित्ता ! सेयवियं नगरिं पएसिस्स रत्तो इमं महत्थं जाव पाहुडं उवणेहि, मम पाउग्गं च णं जहाभणियं अवितहमसंदिद्धं वयणं विन्नवेहित्तिकट्टु विसज्जिए, तए णं से चित्ते सारही जियसत्तुणा रत्ता विसज्जिए समाणे तं महत्थं जाव णिण्हइ जाव जियसत्तुस्स रण्णो अंतियाओ पडिनिक्खमइ ता सावत्थीनगरीए मज्झंमज्झेणं निग्गच्छइ ता जेणेव रायमग्गमोगाढे आवासे तेणेव उवागच्छति ता तं महत्थं जाव ठवइ ण्हाए जाव सरीरे सकोरंट० पायचारविहारेणं महया पुरिसवग्गुरापरिक्खित्ते रायमग्गमोगाढाओ आवासाओ निग्गच्छइ ता सावत्थीनगरीए मज्झंमज्झेणं निग्गच्छति जेणेव कोट्टए चेइए जेणेव केसीकुमारसमणे तेणेव उवागच्छति ता केसिकुमारसमणस्स अन्तिए धम्मं सोच्चा जाव हट्ठ० उट्ठाए जाव एवं व०-एवं खलु अहं भंते ! जियसत्तुणा रत्ता पएसिस्स रत्तो इमं महत्थं जाव उवणेहित्तिकट्टु विसज्जिए तं गच्छामि णं अहं भंते ! सेयवियं नगरिं, पासादीया णं भंते ! सेयविया णगरी एवं दरिसणिज्जा णं भंते ! सेयविया णगरी अभिरूवा णं भंते ! सेयविया नगरी पडिरूवा णं भंते ! सेतविया नगरी, समोसरह णं भंते ! तुब्भे सेयक्खियं नगरिं, तए णं से केसीकुमारसमणे चित्तेणं सारहिणा एवं वुत्ते समाणे चित्तस्स सारहिस्स एयमट्ठं णो आढाइ णो परिजाणाइ तुसिणीए संचिद्धइ, तए णं से चित्ते सारही केसीकुमारसमणं दोच्चंपि तच्चंपि एवं व०-एवं खलु अहं भंते ! जियसत्तुणा रत्ता पएसिस्स रण्णो इमं महत्थं जाव विसज्जिए तं चेव जाव समोसरह तं णं भंते ! तुब्भे सेयवियं नगरिं, तए णं केसीकुमारसमणे चित्तेण सारहिणा दोच्चंपि तच्चंपि एवं वुत्ते समाणे चित्तं सारहिं एवं व०-चित्ता ! से जहानामए वणसंडे सिया किण्हे किण्होभासे जाव पडिरूवे, से णूणं चित्ता ! से वणसंडे बहूणं दुपयचउप्पयमियपसुपक्खीसरीसिवाणं अभिगमणिज्जे ?, हंता अभिगमणिज्जे, तंसि च णं चित्ता ! वणसंडंसि बहवे भिलुंगा नाम पावसउणा परिवसंति जे णं तेसिं बहूणं दुपयचउप्पयमियपसुपक्खीसरीसिवाणं ठियाणं चेव मंससोणियं आहारेति से णूणं चित्ता ! से वणसंडे तेसिं णं बहूणं दुपयजावसरिसिवाणं अभिगमणिज्जे ?, णो ति०, कम्हा णं ?, भंते ! सोवसग्गे, एवामेव (१४८) चित्ता ! तुब्भंपि सेयवियाए णयरीए पएसीनामं राया परिवसइ अहम्मिए जाव णो सम्मं करभरवित्तिं पवत्तइ तं कहं णं अहं चित्ता ! सेयवियाए नगरीए समोसरिस्सामि ?, तए णं से चित्ते सारही केसिं कुमारसमणं एवं व०-किं णं भंते ! तुब्भं पएसिणा रत्ता कायव्वं ?, अत्थि णं भंते ! सेयवियाए नगरीए अन्ने बहवे ईसरतलवरजावसत्थवाहपभिइयो जे णं देवाणुप्पियं वंदिस्संति जाव पज्जुवासिस्संति विउलं असणं पाणं खाइमं साइमं पडिलाभिस्सति पाडिहारिएणं पीढफलगसेज्जासंथारेणं उवनिमंतिस्संति, तए णं से केसीकुमारसमणे चित्तं सारहिं एवं व०-अवियाइ चित्ता ! (प्र० आविस्संति चित्ता !) जाणि (समोसरि प्र०) स्सामो । ५६। तए णं से चित्ते सारही केसिकुमारसमणं वंदइ नमंसइ ता केसिस्स कुमारसमणस्स अंतियाओ कोट्टयाओ चेइयाओ पडिणिक्खमइ ता जेणेव सावत्थी णगरी जेणेव रायमग्गमोगाढे आवासे तेणेव उवागच्छइ ता कोट्टुबियपुरिसे सद्दवेइ ता एवं व०-खिप्पामेव भो देवाणुप्पिया ! चाउग्घटं आसरहं जुत्तामेव उवट्टवेह जहा सेयवियाए नयरीए निग्गच्छइ तहेव जाव वसमाणे कुणालाजणवयस्स मज्झंमज्झेणं जेणेव केइयअद्धे जणवए जेणेव सेयविया नगरी जेणेव मियवणे उज्जाणे तेणेव उवागच्छइ ता उज्जाणपालए सद्दवेइ ता एवं व०-जया णं देवाणुप्पिया ! पासावच्चिज्जे केसीनामं कुमारसमणे पुव्वाणुपुव्विं चरमाणे गामाणुगामं दूइज्जमाणे इहमागच्छिज्जा तया णं तुज्झे देवाणुप्पिया ! केसिकुमारसमणं वंदिज्जाह नमंसिज्जाह ता अहापडिरूवं उग्गहं अणुजाणेज्जाह पाडिहारिएणं पीढफलग जाव उवनिमंतिज्जाह एयमाणत्तियं खिप्पामेव पच्चप्पिणेज्जाह, तए णं ते उज्जाणपालगा चित्तेणं सारहिणा एवं वुत्ता समाणा हट्टुट्टुजावहियया करयलपरिग्गहियं जाव एवं सामी ! तहत्ति आणाए विणएणं वयणं पडिसुणंति । ५७। तए णं चित्ते सारही जेणेव सेयविया णगरी तेणेव उवागच्छइ ता सेयवियं नगरिं मज्झंमज्झेणं अणुपविसइ ता जेणेव पएसिस्स रण्णो गिहे जेणेव बाहिरिया उवट्टाणसाला तेणेव उवागच्छइ ता तुरए णिगिण्हइ ता रहं ठवेइ ता

रहाओ पच्चोरूहइ ता तं महत्थं जाव गेण्हइ ता जेणेव पएसी राया तेणेवं उवागच्छइ ता पएसिं रायं करयल जाव वद्धावेत्ता तं महत्थं जाव उवणेइ, तए णं से पएसी राया चित्तस्स सारहिस्सं तं महत्थं जाव पडिच्छइ ता चित्तं सारहिं सक्कारेइ सम्माणेइ ता पडिविसज्जेइ, तए णं से चित्ते सारही पएसिणा रण्णा विसज्जिए समाणे हट्टजावहियए पएसिस्स रत्तो अंतियाओ पडिनिक्खमइ ता जेणेव चाउग्घंटे आसरहे तेणेव उवागच्छइ ता चाउग्घंटे आसरहं दुरूहइ ता सेयवियं नगरीं मज्झंमज्झेणं जेणेव सए गिहे तेणेव उवागच्छइ ता तुरए निगण्हइ ता रहं ठवेइ ता रहाओ पच्चोरूहइ ता ण्हाए जाव उप्पिं पासायवरगए फुट्टमाणेहिं मुइंगमत्थएहिं बत्तीसइबद्धएहिं नाडएहिं वरतरूणीसंपउत्तेहिं उवणच्चिज्जमाणे उवगाइज्जमाणे उवलालिज्जमाणे इट्ठे सद्धफरिसजाव विहरइ । ५८ । तए णं केसीकुमारसमणे अण्णया कयाई पाडिहारियं पीढफलगसेज्जासंधारणं पच्चप्पिणइ ता सावत्थीओ नगरीओ कोट्टगाओ चेइयाओ पडिनिक्खमइ ता पंचहिं अणगारसएहिं जाव विहरमाणे जेणेव केयइअद्धे जणवए जेणेव सेयविया नगरी जेणेव मियवणे उज्जाणे तेणेव उवागच्छइ ता अहापडिरूवं उग्गहं उग्गिण्हित्ता संजमेणं तवसा अप्पाणं भावेमाणे विहरति, तए णं सेयवियाए नगरीए सिंघाडग० महया जणसद्धेइ वा० परिसा णिग्गच्छइ, तए णं ते उज्जाणपालगा इमीसे कहाए लद्धा समाणा हट्टतुट्टजावहियया जेणेव केसीकुमारसमणे तेणेव उवागच्छन्ति ता केसिं कुमारसमणं वंदंति नमंसंति ता अहापडिरूवं उग्गहं अणुजाणंति पाडिहारिएणं जाव संधारएणं उवनिमंतंति णामगोयं पुच्छंति ता ओधारेति ता एगंतं अवक्कमंति अन्नमन्नं एवं व०-जस्स णं देवाणुप्पिया ! चित्ते सारही दंसणं कंखइ दंसणं पत्थेइ दंसणं पीहेइ दंसणं अभिलसइ जस्स णं णामगोयस्सवि सवणयाए हट्टतुट्टजावहियए भवति से णं केसीकुमारसमणे पुव्वाणपुव्विं चरमाणे गामाणुगामं दूइज्जमाणे इहमागए इह संपत्ते इह समोसढे इहेव सेयवियाए णगरीए बहिया मियवणे उज्जाणे अहापडिरूवं जाव विहरइ, तं गच्छामो णं देवाणुप्पिया ! चित्तस्स सारहिस्स एयमट्ठं पियं निवेएमो पियं से भवउ, अण्णमण्णस्स अंतिए एयमट्ठं पडिसुणेति ता जेणेव सेयविया णगरी जेणेव चित्तस्स सारहिस्स गिहे जेणेव चित्ते सारही तेणेव उवागच्छंति ता चित्तं सारहिं करयल जाव वद्धावेति ता एवं व०-जस्स णं देवाणुप्पिया दंसणं कंखंति जाव अभिलसंति जस्स णं णामगोयस्सवि सवणयाए हट्टजाव भवह से णं अयं पासावच्चिज्जे केसी नाम कुमारसमणे पुव्वाणपुव्विं चरमाणे० समोसढे जाव विहरइ, तए णं से चित्ते सारही तेसिं उज्जाणपालगाणं अंतिए एयमट्ठं सोच्चा णिसम्म हट्टतुट्ट जाव (५० नरवरे) आसराओ अब्भुट्ठंति पायपीढाओ पच्चोरूहइ ता पाउआओ ओमुयइ ता एगसाडियं उत्तरासंगं करेइ अंजलिमउलियग्गहत्थे केसिकुमारसमणाभिमुहे सत्तट्ठ पयाइ अणुगच्छइ ता करयलपरिग्गहियं० सिरसावत्तं मत्थए अंजलिं कट्ठु एवं व०-नमोऽत्थु णं अरहंताणं जाव संपत्ताणं, नमोऽत्थु णं केसिस्स कुमारसमणस्स मम धम्मयारियस्स धम्मोवदेसगस्स, वंदामि णं भगवंतं तत्थगयं इहगए पासउ मे भगवं तत्थगए इडगयंतिकट्ठु वंदइ नमंसइ ते उज्जाणपालए विउलेणं वत्थगंधमल्लालंकारेणं सक्कारेइ सम्माणेइ विउलं जीवियारिहं पीइदाणं दलयइ ता पडिविसज्जइ ता कोडुंबियपुरिसे सद्धावेइ ता एवं व०-खिप्पामेव भो ! देवाणुप्पिया चाउग्घंटे आसरहं जुत्तामेव उवट्ठवेह जाव पच्चप्पिणह, तए णं ते कोडुंबियपुरिसा जाव खिप्पामेव सच्छत्तं सज्झयं जाव उवट्ठवित्ता तमाणत्तियं पच्चप्पिणंति, तए णं से चित्ते सारही कोडुंबियपुरिसाणं अंतिए एयमट्ठं सोच्चा निसम्म हट्टतुट्टजावहियए ण्हाए कयबलिकम्मे जाव सरीरे जेणेव चाउग्घंटे जाव दुरूहिता सकोरंट० महया भडचडगरेणं तं चेव जाव पज्जुवासइ धम्मकहाइ जाव । ५९ । तए णं चित्ते सारही केसिस्स कुमारसमणस्स अंतिए धम्मं सोच्चा निसम्म हट्टतुट्ठे उट्ठाए तहेव एवं व०- एवं खलु भंते ! अमहं पएसी राया अधम्मिए जाव सयस्सवियं णं जणवयस्स नो सम्मं करभरवित्तिं पवत्तेइ तं जइ णं देवाणुप्पिया ! पएसिस्स रण्णो धम्ममाइक्खेज्जा बहुगुणतरं खलु होज्जा पएसिस्स रण्णो तेसिं च बहूणं दुपयचउप्पयमियपसुपक्खीसरीसवाणं तेसिं च बहूणं समणमाहणभिकखुयाणं तं जइ णं देवाणुप्पिया ! पएसिस्स० बहुगुणतरं होज्जा सयस्सवियं णं जणवयस्स । ६० । तए णं केसीकुमारसमणे चित्तं सारहिं एवं व-एवं खलु चउहिं ठाणेहिं चित्ता ! जीवा केवलिपन्नत्तं धम्मं नो लभेज्जा सवणयाए, तं०-आरामगयं वा उज्जाणगयं वा समणं माहणं वा णो अभिगच्छइ णो वंदइ णो णमंसइ णो सक्कारेइ णो सम्मणेइ णो कल्लाणं मंगलं देवयं चेइयं पज्जुवासेइ नो अट्ठाइं हेऊइं पसिणाइं कारणाइं वागरणाइं पुच्छइ, एएणं ठाणेणं चित्ता ! जीवा केवलिपन्नत्तं धम्मं नो लभंति सवणयाए, उवस्सयगयं

समणं वा तं चेव जाव एतेणवि ठाणेणं चित्ता ! जीवा केवलिपन्नत्तं धम्मं नो लभन्ति सवणयाए, गोयरग्गयं समणं वा माहणं वा जाव नो पज्जुवासइ णो विउलेणं असणपाणखाइमसाइमेणं पडिलाभेइ णो अट्ठाइं जाव पुच्छइ एएणं ठाणेणं चित्ता ! केवलिपन्नत्तं० नो लभइ सवणयाए, जत्थवि णं समणेण वा माहणेण वा सद्धिं अभिसमागच्छइ तत्थवि णं हत्थेणं वा वत्थेण वा छत्तेणं वा अप्पाणं आवरित्ता चिट्ठइ नो अट्ठाइं जाव पुच्छइ एएणवि ठाणेणं चित्ता ! जीवे केवलिपन्नत्तं धम्मं णो लभइ सवणयाए, एएहिं च णं चित्ता ! चउहिं ठाणेहिं जीवे णो लभइ केवलिपन्नत्तं धम्मं सवणयाए, चउहिं ठाणेहिं चित्ता ! जाव केवलिपन्नत्तं धम्मं लभइ सवणयाए, तं०-आरामगयं वा उज्जाणगयं वा समणं वा माहणं वा वंदइ नमंसइ जाव पज्जुवासइ अट्ठाइं जाव पुच्छइ एएणवि जाव लभइ सवणयाए, एवं उवस्सयगयं गोयरग्गयं समणं वा जाव पज्जुवासइ विउलेणं जाव पडिलाभेइ अट्ठाइं जाव पुच्छइ एएणवि०, जत्थवियं समणेण वा माहणेण वा अभिसमागच्छइ तत्थवियं णं णो हत्थेण वा जाव आवरेत्ताणं चिट्ठइ, एएणवि ठाणेणं चित्ता ! जाव केवलिपन्नत्तं धम्मं लभइ सवणयाए, तुज्झं च णं चित्ता ! पएसी राया आरामगयं वा तं चेव सव्वं भाणियव्वं आइल्लएणं गमएणं जाव अप्पाणं आवरेत्ता चिट्ठइ तं कहं णं चित्ता ! पएसिस्स रत्तो धम्ममाइक्खिस्सामो ?, तए णं से चित्ते सारही केसिकुमारसमणं एवं व०-एवं खलु भंते ! अण्णया कयाई कंबोएहिं चत्तारि आसा उवणयं उवणीया ते मए पएसिस्स रण्णो अन्नया चेव उवणीया तं एएणं खलु भंते ! कारणेणं अहं पएसिं रायं देवाणुप्पियाणं अंतिए हव्वमाणेस्सामि तं मा णं देवाणुप्पिया ! तुब्भे पएसिस्स रत्तो धम्ममाइक्खमाणा गिलाएज्जाह अगिलाए णं भंते ! तुब्भे पएसिस्स रण्णो धम्ममाक्खेज्जाह छंदेणं भंते ! तुब्भे पएसिस्स रण्णो धम्ममाइक्खेज्जाह, तए णं से केसीकुमारसमणे चित्तं सारहिं एवं व०-अवियाइं चित्ता जाणिस्सामो, तए णं से चित्ते सारही केसिं कुमारसमणं वंदइ नमंसइ ता जेणेव चाउग्घंटे आसरहे तेणेव उवागच्छइ ता चाउग्घंटे आसरहं दुरूहइ जामेव दिसिं पाउब्भूए तामेव दिसिं पडिगए । ६१। तए णं से चित्ते सारही कल्लं पाउप्पभायाए रयणीए फुल्लुप्पलकमलकोमलुम्मिलियंमि अहापंडुरे पभाए कय नियमावस्सए सहस्सारस्सिमि दिणयरे तेयसा जलंते साओ गिहाओ णिग्गच्छइ ता जेणेव पएसिस्स रत्तो गिहे जेणेव पएसी राया तेणेव उवागच्छइ ता पएसिं रायं करयल जाव तिकट्ठु जएणं विजएणं वद्धावेइ ता एवं व०-एवं खलु देवाणुप्पियाणं कंबोएहिं चत्तारि आसा उवणयं उवणीया ते य मए देवाणुप्पियाणं अण्णया चेव विणइया तं एह णं सामी ! ते आसे चिट्ठं पासह, तए णं से पएसी राया चित्तं सारहिं एवं व०-गच्छाहिं णं तुमं चित्ता ! तेहिं चेव चउहिं आसेहिं चाउग्घंटे आसरहं जुत्तामेव उवट्ठवेहिं ता जाव पच्चप्पिणाहिं, तए णं से चित्ते सारही पएसिणा रत्ता एवं वुत्ते समाणे हट्ठतुट्ठजावहियए उवट्ठवेइ ता एयमाणत्तियं पच्चप्पिणइ, तए णं से पएसी राया चित्तस्स सारहिस्स अंतिए एयमट्ठं सोच्चा णिसम्म हट्ठतुट्ठजावअप्पमहग्घाभरणात्तं कियसरीरे साओ गिहाओ निग्गच्छइ ता जेणामेव चाउग्घंटे आसरहे तेणेव उवागच्छइ चाउग्घंटे आसरहं दुरूहइ ता सेयवियाए नगरीए मज्झंमज्झेणं णिग्गच्छइ, तए णं से चित्ते सारही तं रहं णेगाइं जोयणाइं उब्भामेइ, तए णं से पएसी राया उण्हेण य तण्हाए य रहवाएणं परिकिलंते समाणे चित्तं सारहिं एवं व०-चित्ता ! परिकिलंते मे सरीरे परावत्तेहिं रहं, तए णं से चित्ते सारही रहं परावत्तेइ जेणेव मियवणे उज्जाणे तेणेव उवागच्छइ पएसिं रायं एवं व०-एस णं सामी ! मियवणे उज्जाणे एत्थ णं आसाणं समं किलामं सम्मं पवीणेमो, तए णं से पएसी राया चित्तं सारहिं एवं व०-एवं होउ चित्ता !, तए णं से चित्ते सारही जेणेव मियवणे उज्जाणे जेणेव केसिस्स कुमारसमणस्स अदूरसामंते तेणेव उवागच्छइ ता तुरए णिगिण्हेइ ता रहं ठवेइ ता रहाओ पच्चोरूहइ ता तुरए मोएति ता पएसिं रायं एवं व०-एह णं सामी ! आसाणं समं किलामं पवीणेमो, तए णं से पएसी राया रहाओ पच्चोरूहइ चित्तेणं सारहिणा सद्धि आसाणं समं किलामं सम्मं पवीणेमाणे पासइ तत्थ केसीकुमारसमणं, महइमहालियाए महच्चपरिसाइ मज्झगयं महया २ सद्देणं धम्ममाइक्खमाणं पासइ ता इमेयारूवे अज्झत्थिए जाव समुप्पज्जित्था-जइडा खलु भो ! जइडं पज्जुवासंति मुंडा खलु भो ! मुंडं पज्जुवासंति मूढा खलु भो ! मूढं पज्जुवासंति अपंडिया खलु भो ! अपंडियं पज्जुवासंति निव्विण्णाणा खलु भो ! निव्विण्णाणं पज्जुवासंति से केस णं एस पुरिसे जइडे मुंडे मूढे अपंडिए निव्विण्णाणे सिरीए हिरीए ववगए उत्तप्पसरीरे, एस णं पुरिसे किमाहारमाहारेइ किं परिमाणेइ किं खाइ किं पियइ किं दलइ किं पयच्छइ जणं एमहालियाए मणुस्सपरिसाए मज्झगए महया २ सद्देणं बुयाए ?, एवं संपेहेइ ता

चित्तं सारहिं एवं व०-चित्ता ! जड्डा खलु भो ! जड्डं पज्जुवासंति जाव बुयाइ, साएऽवि य णं उज्जाणभूमीए नो संचाएमि सम्मं पकामं पवियरित्तए ?, तए णं से चित्ते सारही पएसीरायं एवं व०-एस णं सामी ! पासावच्चिज्जे केसीनामं कुमारसमणे जाइसंपण्णे जाव चउनाणोवगए अहोहिए अण्णजीवी, तए णं से पएसी राया चित्तं सारहिं एवं व०-अहोहियं णं वदासि चित्ता ! अण्णजीवियत्तं णं वदासि चित्ता !, हंता सामी ! आहोहिअण्णं वयामि०, अभिगमणिज्जे णं चित्ता ! अहं एस पुरिसे ?, हंता सामी ! अभिगमणिज्जे, अभिगच्छामो णं चित्ता ! अम्हे एयं पुरिसं ?, हंता सामी ! अभिगच्छामो ।६२। तए णं से पएसी राया चित्तेण सारहिणा सद्धि जेणेव केसीकुमारसमणे तेणेव उवागच्छइ ता केसिस्स कुमारसमणस्स अदूरसामंते ठिच्चा एवं व०-तुब्भे णं भंते ! आहोहिया अण्णजीविया ?, तए णं केसीकुमारसमणे पएसिं रायं एवं व०-पएसी ! से जहाणामए अंकवाणियाइ वा संखवाणियाइ वा दंतवाणियाइ वा सुकं भंसि (प्र० जि) उकामा णो सम्मं पंथं पुच्छंति एवामेव पएसी ! तुब्भेवि विणयं भंसेउकामो नो सम्मं पुच्छसि, से णूणं तव पएसी ! ममं पासित्ता अयमेयारूवे अज्झत्थिए जाव समुप्पज्जित्था-जड्डा खलु भो ! जड्डं पज्जुवासंति जाव पवियरित्तए, से णूणं पएसी ! अट्ठे समत्थे ?, हंता अत्थि ।६३। तए णं से पएसी राया केसिं कुमारसमणं एवं व०-से केणट्ठेणं भंते ! तुज्झं नाणे वा दंसणे वा जेणं तुज्झे मम एयारूवं अज्झत्थियं जाव संकप्पं समुप्पण्णं जाणह पासह ?, तए णं से केसीकुमारसमणे पएसिं रायं एवं व०-एवं खलु पएसी अम्हं समणाणं णिग्गंथाणं पंचविहे नाणे पं० तं०-आभिणिबोहियणाणे सुयनाणे ओहिणाणे मणपज्जवणाणे केवलणाणे, से किं तं आभिणिबोहियणाणे ?, २ चउव्विहे पं० तं०-उग्गहो ईहा अवाए धारणा, से किं तं उग्गहे ?, २ दुविहे पं०, जहा नंदीए जाव से तं धारणा, से तं आभिणिबोहियणाणे, से किं तं सुयनाणे ?, २ दुविहे पं० तं०-अंगपविट्ठं च अंगबाहिरं च, सव्वं भाणियव्वं जाव दिट्ठिवाओ, ओहियणाणं भवपच्चइयं च खओवसमियं च जहा णंदीए, मणपज्जवनाणे दुविहे पं० तं०-उज्जुमई य विउलमई य तहेव, केवलनाणं सव्वं भाणियव्वं, तत्थ णं ते से आभिणिबोहियणाणे से णं ममं अत्थि, तत्थ णं जे से सुयणाणे सेऽविय ममं अत्थि, तत्थ णं जे से ओहियणाणे सेऽविय ममं अत्थि, तत्थ णं जे से मणपज्जवनाणे सेऽविय ममं अत्थि, तत्थ णं जे से केवलनाणे से णं ममं नत्थि, से णं अरिहंताणं भगवंताणं, इच्चेएणं पएसी ! अहं तव चउव्विहेणं छउमत्थेणं णाणेणं इमेयारूवं अज्झत्थियं जाव समुप्पण्णं जाणामि पासामि ।६४। तए णं से पएसी राया केसिं कुमारसमणं एवं व०-अहं णं भंते ! इहं उवविसामि ?, पएसी ! एसाए उज्जाणभूमीए तुमंसि चेव जाणए, तए णं से पएसी राया चित्तेण सारहिणा सद्धिं केसिस्स कुमारसमणस्स अदूरसामंते उवविसइ, केसिकुमारसमणं एवं व०-तुब्भं णं भंते ! समणाणं णिग्गंथाणं एसा सण्णा एसा पइण्णा एसा दिट्ठी एसा रूई एस उवएसे एस हेऊ एस संकप्पे एसा तुला एस माणे एस पमाणे एस समोसरणे जहा अण्णो जीवो अण्णं सरीरं णो तंजीवो णो तंसरीरं ?, तए णं केसी कुमारसमणे पएसिं रायं एवं व०-पएसी ! अम्हं समणाणं णिग्गंथाणं एसा सण्णा जाव एस समोसरणे जहा अण्णो जीवो अण्णं सरीरं णो तंजीवो नो तंसरीरं, तए णं से पएसी राया केसिं कुमारसमणं एवं व०-जति णं भंते ! तुब्भं समणाणं णिग्गंथाणं एसा सण्णा जाव समोसरणे जहा अण्णो जीवो अण्णं सरीरं णो तंजीवो णो तंसरीरं, एवं खलु ममं अज्जए होत्था इहेव जंबूदीवे सेयवियाए णगरीए अधम्मिए जाव सगस्सविय णं जणवयस्स नो सम्मं करभरवित्तिं पवत्तेति से णं तुब्भं वत्तव्वयाए सुबहुं पावं कम्मं कलिकलुसं समज्जिणित्ता कालमासे कालं किच्चा अण्णयरेसु नरएसु णेरइयत्ताए उववण्णे तस्स णं अज्जगस्स णं अहं णत्तुए होत्था इट्ठे कंते पिए मणुण्णे थेज्जे वेसासिए संमए बहुमए रयणकरंडसमाणे जीविउस्सविए हिययणंदिजणणे उंबरपुप्फंपिव दुल्लभे सवणयाए, किमंग पुण पासणवयाए ?, तं जति णं से अज्जए ममं आगतुं एवं वएज्जा-एवं खलु नत्तुया ! अहं तव अज्जए होत्था इहेव सेयवियाए नयरीए अधम्मिए जाव नो सम्मं करभरवित्तिं पवत्तेमि तए णं अहं सुबहुं पावं कम्मं कलिकलुसं समज्जिणित्ता नरएसु णेरइयत्ताए उववण्णे तं मा णं नत्तुया ! तुमंपि भवाहि अधम्मिए जाव नो सम्मं करभरवित्तिं पवत्तेहिं मा णं तुमंपि एवं चेव सुबहुं पावकम्मं जाव उववज्जिहिसि, तं जइ णं से अज्जए ममं आगतुं वएज्जा तो णं अहं सइहेज्जा पत्तिएज्जा रोएज्जा जहा अन्नो जीवो अन्नं सरीरं णो तंजीवो णो तंसरीरं, जम्हा णं से अज्जए ममं आगतुं नो एवं वयासी तम्हा सुपइट्ठिया मम पइन्ना० समणाउसो ! जहा तज्जीवो तंसरीरं, तए णं केसी कुमारसमणे पएसिं रायं एवं व०-अत्थि णं पएसी ! तव सूरियकंता णामं देवी ?, हंता अत्थि, जइ णं

तुमं पएसी ! तं सूरियकंतं देविं ण्हायं कयबलिकम्मं कयकोउयमंगलपायच्छित्तं सव्वालंकारविभूसियं केणई पुरिसेणं ण्हाएणं जाव सव्वालंकारविभूसिएणं सद्धिं इट्ठे सद्धफरिसरसरूवगंधे पंचविहे माणुस्सते कामभोगे पच्चणुभवमाणिं पासिज्जसि तस्स णं तुमं पएसी ! पुरिसस्स कं डंडं निव्वत्तेज्जासि ?, अहण्णं भंते ! तं पुरिसं हत्थच्छिण्णगं वा पायच्छिन्नगं वा सूलाइयगं वा सूलभिन्नगं वा एगाहच्चं कूडाहच्चं जीवियाओ ववरोवएज्जा, अह णं पएसी ! से पुरिसे तुमं एवं व०-मा ताव मे सामी ! मुहुत्तगं हत्थच्छिण्णगं वा जाव जीवियाओ ववरोवेहि जावतावाहं मित्तणाइणियगसयणसंबंधिपरिजणं एवं वयामि-एवं खलु देवाणुप्पिया ! पावाइं कम्माइं समायरेत्ता इमेयारूवं आवइं पाविज्जामि तं मा णं देवाणुप्पिया ! तुभेहिं केई पावाइं कम्माइं समायरउ मा णं सेऽवि एवं आवइं पाविज्जिहिइ जहा णं अहं, तस्स णं तुमं पएसी ! पुरिसस्स खणमवि एयमट्ठं पडिसुणेज्जासि ?, णो तिणट्ठे समट्ठे, जम्हा णं भंते ! अवराही णं से पुरिसे, एवामेव पएसी ! तववि अज्जे होत्था इहेव सेयवियाए णयरीए अधम्मिए जाव णो सम्मं करभरवित्तिं पवत्तेइ से णं अम्ह वत्तव्वयाए सुबहुं जाव उववन्नो तस्स णं अज्जगस्स तुमं णत्तुए होत्था इट्ठे कंते जाव पासणयाए, से णं इच्छइ माणुसं लोगं हव्वमागच्छित्तए णो चेव णं संचाएति हव्वमागच्छित्तए, चउहिं ठाणेहिं पएसी ! अहुणोववण्णे नरएसु नेरइए इच्छेज्ज माणुसं लोगं हव्वमागच्छित्तए नो चेव णं संचाएइ, अहुणोववन्ने नरएसु नेरइए से णं तत्थ सुमहब्भूयं वेयणं वेदेमाणे माणुस्सं लोगं हव्व० णो चेव णं संचाएइ, अहुणोववन्नए नरएसु नेरइए नरयपालेहिं भुज्जो समहिट्ठिज्जमाणे इच्छइ माणुसं लोगं हव्वमागच्छित्तए नो चेव णं संचाएइ, अहुणोववन्नए नरएसु नेरइए निरयवेयणिज्जंसि कम्मंसि अक्खीणंसि अवेइयंसि अनिज्जिन्नंसि इच्छइ माणुसं लोगं० नो चेव णं संचाएइ, एवं णेरइए निरयाउयंसि कम्मंसि अक्खीणंसि अवेइयंसि अणिज्जिन्नंसि इच्छइ माणुसं लोगं० नो चेव णं संचाएइ हव्वमागच्छित्तए, इच्चेएहिं चउहिं ठाणेहिं पएसी अहुणोववन्ने नरएसु नेरइए इच्छइ माणुसं लोगं० णो चेव णं संचाएइ०, तं सद्धहाहि णं पएसी ! जहा अन्नो जीवो अन्नं सरीरं नो तंजीवो तंसरीरं १ । ६५। तए णं से पएसी राया केसिं कुमारसमणं एवं व०-अत्थि णं भंते ! एसा पण्णा उवमा० इमेण पुण कारणेण नो उवागच्छइ-एवं खलु भंते ! मम अज्जिया होत्था इहेव सेयवियाए नगरीए धम्मिया जाव वित्तिं कप्पेमाणी समणोवासिया अभिगयजीवाजीवा सव्वो वण्णओ जाव अप्पाणं भावेमाणी विहरइ सा णं तुज्झं वत्तव्वयाए सुबहुं पुन्नोवचयं समज्जिणित्ता कालमासे कालं किच्चा अण्णयरेसु देवलोएसु देवत्ताए उववण्णा तीसे णं अज्जियाए अहं नत्तुए होत्था इट्ठे कंते जाव पासणयाए तं जइ णं सा अज्जिया मम आगंतुं एवं वएज्जा-एवं खलु नत्तुया ! अहं तव अज्जिया होत्था इहेव सेयवियाए नयरीए धम्मिया जाव वित्तिं कप्पेमाणी समणोवासिया जाव विहरामि तए णं अहं सुबहुं पुण्णोवचयं समज्जिणित्ता जाव देवलोएसु उववण्णा तं तुमं पि णत्तुया ! भवाहि धम्मिए जाव विहराहि तए णं तुमं पि एवं चेव सुबहुं पुण्णोवचयं सम जाव उववज्जिहिसि तं जइ णं अज्जिया मम आगंतुं एवं वएज्जा तो णं अहं सद्धहेज्जा पत्तिएज्जा रोइज्जा जहा अण्णो जीवो अण्णं सरीरं णो तंजीवो तंसरीरं, जम्हा सा अज्जिया मम आगंतुं णो एवं वयति तम्हा सुपइट्ठिया मे पइण्णा० जहा तंजीवो तंसरीरं नो अन्नो जीवो अन्नं सरीरं, तए णं केसीकुमारसमणे पएसीरायं एवं व०-जति णं तुमं पएसी ! ण्हायं कयबलिकम्मं कयकोउयमंगलपायच्छित्तं उल्लपडसाडगं भिंजारकडुच्छुयहत्थगयं देवकुलमणुपविसमाणं केई य पुरिसे वच्चघरंसि ठिच्चा एवं वदेज्जा-इ (ए) ह ताव सामी ! इह मुहुत्तगं आसयह वा चिट्ठह वा निसीयह वा तुयट्ठह वा, तस्स णं तुमं पएसी ! पुरिसस्स खणमवि एयमट्ठं पडिसुणिज्जासि ?, णो ति०, कम्हा णं ?, भंते ! असुई वा असुइसामंतो वा, एवामेव पएसी ! तववि अज्जिया होत्था इहेव सेयवियाए णयरीए धम्मिया जाव विहरति सा णं अम्ह वत्तव्वयाए सुबहुं जाव उववन्ना तीसे णं अज्जियाए तुमं णत्तुए होत्था इट्ठे० किमंग पुण पासणयाए ?, सा णं इच्छइ माणुसं लोगं हव्वमागच्छित्तए णो चेव णं संचाएइ हव्वमागच्छित्तए, चउहिं ठाणेहिं पएसी ! अहुणोववन्ने देवे देवलोएसु इच्छेज्जा माणुसं लोगं० णो चेव णं संचाएइ०, अहुणोववण्णे देवे देवलोएसु दिव्वेहिं कामभोगेहिं मुच्छिए गिद्धे गढिए अज्झोववण्णे से णं माणुसे भोगे नो आढाति नो परिजाणाति से णं इच्छिज्ज माणुसं० नो चेव णं संचाएति०, अहुणोववण्णे देवे देवलोएसु दिव्वेहिं कामभोगेहिं मुच्छिए जाव अज्झोववण्णे तस्स णं माणुस्से पेम्मे वोच्छिन्ने भवति दिव्वे पिम्मे संकते भवति से णं इच्छेज्जा माणुसं० णो चेव णं संचाएइ, अहुणोववण्णे देवे दिव्वेहिं कामभोगेहिं मुच्छिए जाव अज्झोववण्णे तस्स णं एवं भवइ-इयाणिं गच्छं मुहुत्तं

धणुणा नवियाए जीवाए नवएणं इसुणा पभू पंचकंडगं निसिरित्तए ?, हंता पभू, सो चेव णं पुरिसे तरूणे जाव निउणसिप्पोवगते कोरिल्लिएणं धणुणा कोरिल्लियाए जीवाए कोरिल्लिएणं उसुणा पभू पंचकंडगं निसिरित्तए ?, णो तिण्हे समट्ठे, कम्हा णं ?, भंते ! तस्स पुरिसस्स अपज्जत्ताइं उवगरणाइं हवंति, एवामेव पएसी ! सो चेव पुरिसे बाले जाव मंदविन्नाणे अपज्जत्तोवगरणे णो पभू पंचकंडयं निसिरित्तए तं सद्वहाहि णं तुमं पएसी ! जहा अन्नो जीवो तं चेव ५ । ६८। तए णं पएसी राया केसीकुमारसमणं एवं व०-अत्थि णं भंते ! एस पण्णा उवमा० इमेणं पुण कारणेणं नो उवागच्छइ अत्थि णं भंते ! से जहानामए केई पुरिसे तरूणे जाव सिप्पोवगते पभू एगं महं अयभारं वा तउयभारं वा सीसगभारं वा परिवहित्तए ?, हंता पभू, सो चेव णं भंते ! पुरिसे जुन्ने जराजज्जरियदेहे सिढिलवलित्तयाविण्णट्ठगत्ते दंडपरिग्गहियंगहत्थे पविरलपरिसडियदंतसेढी आउरे किसिए पिवासिए दुब्बले किलंतं नो पभू एगं महं अयभारं वा जाव परिवहित्तए, जति णं भंते ! सच्चेव पुरिसे जुन्ने जराजज्जरियदेहे जाव परिकिलंतं पभू एगं महं अयभारं वा जाव परिवहित्तए तो णं सद्वहेज्जा० तहेव जम्हा णं भंते ! से चेव पुरिसे जुन्ने जाव किलंतं नो पभू एगं महं अयभारं वा जाव परिवहित्तए तम्हा सुपतिट्ठिता मे पण्णा० तहेव, तए णं केसीकुमारसमणे पएसिं रायं एवं व०-से जहानामए केई पुरिसे तरूणे जाव सिप्पोवगए णवियाए विहंगियाए णवएहिं सिक्रएहिं णवएहिं पच्छियपिडएहिं पहू एगं महं अयभारं जाव परिवहित्तए ?, हंता पभू, पएसी ! से चेव णं पुरिसे तरूणे जाव सिप्पोवगए जुन्नियाए दुब्भलियाए घुणक्खइयाए विहंगियाए जुण्णएहिं दुब्बलएहिं घुणक्खइएहिं सिढिलतयापिण्णएहिं सिक्रएहिं (१४९) जुण्णएहिं दुब्बलएहिं घुणक्खइएहिं पच्छिपिडएहिं पभू एगं महं अयभारं वा जाव परिवहित्तए ?, णो तिण०, कम्हा णं ?. भंते ! तस्स पुरिसस्स जुन्नाइं उवगरणाइं भवंति, पएसी ! से चेव से पुरिसे जुन्ने जाव किलंतं जुन्नोवगरणे नो पभू एगं महं अयभारं वा जाव परिवहित्तए तं सद्वहाहि णं तुमं पएसी ! जहा अन्नो जीवो अन्नं सरीरं ६ । ६९। तए णं से पएसी केसिकुमारसमणं एवं व०-अत्थि णं भंते ! जाव नो उवागच्छइ एवं खलु भंते ! जाव विहरामि तए णं मम णगरगुत्तिया चोरं उवणेति तए णं अहं तं पुस्सिं जीवंतं चेव तुलेमि तुलेत्ता छविच्छेयं अकुब्बमाणे जीवियाओ ववरोवेमि त्ता मयं तुलेमि णो चेव णं तस्स पुरिसस्स जीवंतस्स वा तुलियस्स मुयस्स वा तुलियस्स केई आणत्ते वा नाणत्ते वा ओमत्ते वा तुच्छत्ते वा गरूयत्ते वा लहुयत्ते वा, जति णं भंते ! तस्स पुरिसस्स जीवंतस्स वा तुलियस्स मुयस्स वा तुलियस्स केई अन्नत्ते वा जाव लहुयत्ते वा तो णं अहं सद्वहेज्जा तं चेव, जम्हा णं भंते ! तस्स पुरिसस्स जीवंतस्स वा तुलियस्स मुयस्स वा तुलियस्स नत्थि केई अन्नत्ते वा० लहुयत्ते वा तम्हा सुपतिट्ठिया मे पन्ना जहा तंजीवो तंचेव, तए णं केसीकुमारसमणे पएसिं रायं एवं व०-अत्थि णं पएसी ! तुमे कयाई वत्थी धंतपुब्बे वा धमावियपुब्बे वा ?, हंता अत्थि, अत्थि णं पएसी ! तस्स वत्थिस्स पुण्णस्स वा तुलियस्स अपुण्णस्स वा तुलियस्स केई आणत्ते वा जाव लहुयत्ते वा ?, णो तिण्हे समट्ठे, एवामेव पएसी ! जीवस्स अगुरूलहुयत्तं पडुच्च जीवंतस्स वा तुलियस्स मुयस्स वा तुलियस्स नत्थि केई आणत्ते वा जाव लहुयत्ते वा, तं सद्वहाहि णं तुमं पएसी ! तं चेव ७ । ७०। तए णं पएसी राया केसिं कुमारसमणं एवं व०-अत्थि णं भंते ! एसा जाव नो उवागच्छइ, एवं खलु भंते ! अहं अन्नया जाव चोरं उवणेति तए णं अहं तं पुरिसं सव्वतो समंता समभिलोएमि नो चेव णं तत्थ जीवं पासामि तए णं अहं तं पुरिसं दुहाफालियं करेमि त्ता सव्वतो समंता समभिलोएमि नो चेव णं तत्थ जीवं पासामि एवं तिहा चउहा संखेज्जफालियं करेमि णो चेव णं तत्थ जीवं पासामि, जइ णं भंते ! अहं तं पुरिसं दुहा वा तिहा वा चउहा वा संखेज्जहा वा फालियंमि वा जीवं पासंतो तो णं अहं सद्वहेज्जा नो तं चेव, जम्हा णं भंते ! अहं तंसि दुहा वा तिहा वा चउहा वा संखेज्जहा वा फालियंमि जीवं न पासामि तम्हा सुपतिट्ठिया मे पण्णा जहा तंजीवो तंसरीरं तं चेव, तए णं केसिकुमारसमणे पएसिं रायं एवं व०-मूढतराए णं तुमं पएसी ! ताओ तुच्छतराओ, के णं भंते ! तुच्छतराए ?, पएसी ! से जहानामए केई पुरिसे वणत्थी वणोवजीवी वणगवेसणयाए जोइं च जोइभायणं च गहाय कट्ठाणं अडविं अणुपविट्ठा, तए णं ते पुरिसा तीसे अगामियाए जाव किचिदेसं अणुप्पत्ता समाणा एगं पुरिसं एवं व०-अम्हे णं देवाणुप्पिया ! कट्ठाणं अडविं पविसामो एत्तो णं तुमं जोइभायणाओ जोइं गहाय अम्ह असणं० साहेज्जासि अहं तंमि जोइभायणे जोई विज्झवेज्जा तो णं तुमं कट्ठाओ जोइं गहाय अम्ह असणं० साहेज्जासित्तिकट्ठ कट्ठाणं अडविं अणुपविट्ठ तए णं से पुरिसे तओ मुहुत्तन्तरस्स तेसिं पुरिसाणं असणं० साहेमित्तिकट्ठ

जेणेव जोतिभायणे तेणेव उवागच्छइ जोइभायणे जोइं विज्झायमेव पासति तए णं से पुरिसे जेणेव से कट्ठे तेणेव उवागच्छइ ता तं कट्ठं सव्वओ समंता समभिलोएति नो चेव णं तत्थ जोइं पासति तए णं से पुरिसे परियरं बंधइ फरसुं गिण्हइं तं कट्ठं दुहाफालियं करेइ सव्वतो समंता समभिलोएइ णो चेव णं तत्थ जोइं पासइ एवं जाव संखेज्जफालियं करेइ सव्वतो समंता समभिलोएइ नो चेव णं तत्थ जोइं पासइ तए णं से पुरिसे तंसि कट्ठंसि दुहाफालिए वा जाव संखेज्जफालिए वा जोइं अपासमाणे संते तंते परिसंते निव्विण्णे समाणे परसुं एगंते एडेइ ता परियरं मुयइ ता एवं व०-अहो ! मए तेसिं पुरिसाणं असणे० नो साहिएत्तिकट्ठ ओहयमणसंकप्पे चिंतासोगसागरसंपविट्ठे करयलपल्हत्थमुहे अट्ठज्झाणोवगए भूमिगयदिट्ठिए झियाइ, तए णं ते पुरिसा कट्ठाइं छिंदंति ता जेणेव से पुरिसे तेणेव उवागच्छंति ता तं पुरिसं ओहयमणसंकप्पं जाव झियायमाणं पासंति ता एवं व०-किन्नं तुमं देवाणुप्पिया ! ओहयमणसंकप्पे जाव झियायसि ?, तए णं से पुरिसे एवं व०-तुज्झे णं देवाणुप्पिया ! कट्ठाणं अडविं अणुपविसमाणा ममं एवं व०-अम्हे णं देवाणुप्पिया ! कट्ठाणं अडविं जाव पविट्ठा तए णं अहं तत्तो मुहुत्तंतरस्स तुज्झं असणं० साहेमित्तिकट्ठ जेणेव जोइं जाव झियामि, तए णं तेसिं पुरिसाणं एगे पुरिसे छेए दक्खे पत्तट्ठे जाव उवएसलद्धे ते पुरिसे एवं व०-गच्छह णं तुज्झे देवाणुप्पिया ! ण्हाया कयबलिकम्मा जाव हव्वमागच्छह जा णं अहं असणं० साहेमित्तिकट्ठ परियरं बंधइ ता परसुं गिण्हइ ता सरं करेइ सरेण अरणिं महेइ जोइं पाडेइ ता जोइं संधुक्खेइ तेसिं पुरिसाणं असणं० साहेइ तए णं ते पुरिसा ण्हाया कयबलिकम्मा जाव पायच्छित्ता जेणेव से पुरिसे तेणेव उवागच्छंति तए णं से पुरिसे तेसिं पुरिसाणं सुहासणवरगयाणं तं विउलं असणं पाणं खाइमं साइमं उवणेइ तए णं ते पुरिसा तं विउलं असणं० आस्सएमाणा वीसाएमाणा जाव विहरंति जिमियभुत्ततरागयाविंय णं समाणा आयंता चोक्खा परमसुइभूया तं पुरिसं एवं व०-अहो णं तुमं देवाणुप्पिया ! जड्ठे मूढे अपंडिए णिव्विण्णाणे अणुवएसलद्धे जेणं तुमं इच्छसि कट्ठंसि दुहाफालियंसि वा० जोतिं पासित्तए, से एणट्ठेणं पएसी ! एवं वुच्चइ मूढतराए णं तुमं पएसी ! ताओ तुच्छतराओ ८ । ७१। तए णं पएसी राया केसिकुमारसमणं एवं व०-जुत्तए णं भंते ! तुब्भं इयच्छेयाणं दक्खाणं बुद्धाणं कुसलाणं महामईणं विणीयाणं विण्णाणपत्ताणं उवएसलद्धाणं अहं इमीसाए (ए) महालियाए महच्चपरिसाए मज्झे उच्चावएहिं आउसेहिं आउसित्तए उच्चावयाहिं उद्धंसणाहिं उद्धंसित्तए एवं निब्भंछणाहिं निच्छोडणाहिं० ?, तए णं केसीकुमारसमणे पएसिं रायं एवं व०-जाणासि णं तुमं पएसी ! कति परिसाओ पं० ?, भंते ! जाणामि चत्तारि परिसाओ पं० तं०-खत्तियपरिसा गाहावइपरिसा माहणपरिसा, इसिपरिसा जाणासि णं तुमं पएसी ! एयासिं चउण्हं परिसाणं कस्स का दंडणीई पं० ?, हंता ! जाणामि जे णं खत्तियपरिसाए अवरज्झइ से णं हत्थच्छिण्णए वा पायच्छिण्णए वा सीसच्छिण्णए वा सूलाइए वा एगाहच्चे कूडाहच्चे जीवियाओ ववरोविज्जइ, जे णं गाहावइपरिसाए अवरज्झइ से णं तएण वा वेढेण वा पलालेण वा वेढित्ता अगणिकाएणं झामिज्जइ, जे णं माहणपरिसाए अवरज्झइ से णं अणिट्ठाहिं अकंताहिं जाव अमणामाहिं वग्गूहिं उवालंभित्ता कुंडियालंछणए वा सुणगलंछणए वा कीरइ, निव्विसए वा आणविज्जइ, जे णं इसिपरिसाए अवरज्झइ से णं णाइअणिट्ठाहिं जाव णाइअमणामाहिं वग्गूहिं उवालंभइ, एवं च ताव पएसी ! तुमं जाणासि तहावि णं तुमं ममं वामं वामेणं दंडं दंडेणं पडिकूलं पडिकूलेणं पडिलोमं पडिलोमेणं विवच्चासं विवच्चासेणं वट्ठसि, तए णं पएसी राया केसिं कुमारसमणं एवं व०- एवं खलु अहं देवाणुप्पिएहिं पढमिल्लुएणं चेव वागरणेणं संलत्ते तए णं ममं इमेयारूवे अब्भत्थिए जाव संकप्पे समुप्पज्जित्था-जहा जहा णं एयस्स पुरिसस्स वामं वामेणं जाव विवच्चासं विवच्चासेणं वट्ठिस्सामि तहा तहा णं अहं नाणं च नाणोवलंभं च करणं च करणोवलंभं च दंसणं च दंसणोवलंभं च जीवं च जीवोवलंभं च उवलभिस्सामि, तं एएणं अहं कारणेणं देवाणुप्पियाणं वामं वामेणं जाव विवच्चासं विवच्चासेणं वट्ठिए, तए णं केसीकुमारसमणे पएसीरायं एवं व०-जाणासि णं तुमं पएसी ! कइ ववहारगा पं० ?, हंता जाणामि, चत्तारि ववहारगा पं० तं०-देइ नामेगे णो सण्णवेइ सन्नवेइ नामेगे नो देइ एगे देइवि सन्नवेइवि एगे णो देइ णो सण्णवेइ, जाणासि णं तुमं पएसी ! एसिं चउण्हं पुरिसाणं के ववहारी के अब्बवहारी ?, हंता जाणामि, तत्थ णं जे से पुरिसे देइ णो सण्णवेइ से णं पुरिसे ववहारी तत्थ णं जे से पुरिसे णो देइ सण्णवेइ से णं पुरिसे ववहारी तत्थ णं जे से पुरिसे देइवि सन्नवेइवि से पुरिसे ववहारी तत्थ णं जे से पुरिसे णो देइ णो सन्नवेइ से णं अब्बवहारी, एवामेव तुमंपि ववहारी, णो चेव

णं तुमं पएसी अववहारी । ७२। तए णं पएसी ! राया केसिकुमारसमणं एवं व०-तुज्झे णं भंते ! इयच्छेया दक्खा जाव उवएसलद्धा समत्था णं भंते ! ममं करयलंसि वा आमलयं जीवं सरीराओ अभिनिव्वट्ठित्ताणं उवदंसित्तए ? , तेणं कालेणं० पएसिस्स रण्णो अदूरसामंते वाउयाए संवुत्ते तणवणस्सइकाए एयइ वेयइ चलइ फंदइ घट्टइ उदीरइ तं तं भावं परिणमइ, तए णं केसीकुमारसमणे पएसिरायं एवं व०-पाससि णं तुमं पएसी ! एयं तणवणस्सइकायं एयंतं जाव तं तं भावं परिणमंतं ? , हंता पासामि, जाणासि णं तुमं पएसी ! एयं तणवणस्सइकायं किं देवो चालेइ असुरो० णागो वा० किन्नरो वा चालेइ किंपुरिसो वा चालेइ महोरगो वा चालेइ गंधव्वो वा चालेइ ? , हंता जाणामि, णो देवो चालेइ जाव णो गंधव्वो चालेइ वाउयाए चालेइ, पाससि णं तुमं पएसी ! एतस्स वाउकायस्स सरूविस्स सकामस्स सरागस्स समोहस्स सवेयस्स सलेसस्स ससरीरस्स रूवं ? , णो तिण्ठे०, जइ णं तुमं पएसी राया ! एयस्स वाउकायस्स सरूविस्स जाव ससरीरस्स रूवं न पाससि तं कहं णं पएसी ! तव करयलंसि वा आमलगं जीवं उवदंसिस्सामि ? , एवं खलु पएसी ! दस ठाणाइं छउमत्थे मणुस्से सव्वभावेणं न जाणइ न पासइ, तं०-धम्मत्थिकायं अधम्मत्थिकायं आगासत्थिकायं जीवं असरीरपडिबद्धं परमाणुपोग्गलं सद्धं गंधं वायं अयं जिणे भविस्सइ वा णो भविस्सइ अयं सव्वदुक्खाणं अंतं करेस्सइ वा नो वा, एताणि चेव उप्पन्नानाणंदसणधरे अरहा जिणे केवली सव्वभावेणं जाणइ पासइ, तं०-धम्मत्थिकायं जाव नो वा करिस्सइ, तं सद्धहाहि णं तुमं पएसी ! जहा अन्नो जीवो तं चेव ९ । ७३। तए णं से पएसीराया केसिं कुमारसमणं एवं व०-से नूणं भंते ! हत्थिस्स य कुंथुस्स य समे चेव जीवे ? , हंता पएसी ! हत्थिस्स य कुंथुस्स य समे चेव जीवे, से नूणं भंते ! हत्थीउ कुंथू अप्पकम्मतराए चेव अप्पाकिरियतराए चेव अप्पासवतराए चेव एवं आहारनीहारउस्सासनीसासइड्ढीपहावजुई अप्पतराए चेव, एवं च कुंथूओ हत्थी महाकम्मतराए चेव महाकिरिय जाव ? , हंता पएसी ! हत्थीओ कुंथू अप्पकम्मतराए चेव कुंथूओ वा हत्थी महाकम्मतराए चेव तं चेव, कम्हा णं भंते ! हत्थिस्स य कुंथुस्स य समे चेव जीवे ? , पएसी ! से जहाणामए कूडागारसाला सिया जाव गंभीरा अह णं केई पुरिसे जोइं व दीवं व गहाय तं कूडागारसालं अंतो २ अणुपविसइ तीसे कूडागारसालाए सव्वतो समंता घणनिचियनिरंतराणि णिच्छिड्डाईं दुवारवयणाईं पिहेति ता तीसे कूडागारसालाए बहुमज्झदेसभाए तं पईवं पलीवेज्जा तए णं से पईवे तं कूडागारसालं अंतो ओभासइ उज्जोवेइ तवति पभासेइ, णो चेव णं बाहिं, अह णं से पुरिसे तं पईवं इड्डरणं पिहेज्जा तए णं से पईवे तं इड्डरयं अंतो ओभासेइ णो चेव णं इड्डरगस्स बाहिं णो चेव णं कूडागारसालाए बाहिं, एवं किलिजेणं गंडमाणियाए पच्छिपिडएणं आढतेणं अद्धाढतेणं पत्थएणं अद्धपत्थएणं अट्ठभाइयाए चाउम्भाइयाए सोलसियाए छत्तीसियाए चउसट्ठियाए दीवचंपएणं तए णं से पदीवे दीवचंपगस्स अंतो ओभासति० नो चेव णं दीवचंपगस्स बाहिं नो चेव णं चउसट्ठियाए बाहिं णो चेव णं कूडागारसालं णो चेव णो कूडागारसालाए बाहिं, एवामेव पएसी ! जीवेऽवि जं जारिसयं पुव्वकम्मनिबद्धं बोदि णिव्वत्तेइ तं असंखेज्जेहिं जीवपदेसेहिं सच्चित्तं करेइ खुडिडयं वा महालियं वा तं सद्धहाहि णं तुमं पएसी ! जहा तं चेव १० । ७४। तए णं पएसी राया केसिं कुमारसमणं एवं व०-एवं खलु भंते ! मम अज्जगस्स एस सन्ना जाव समोसरणे जहा तज्जीवो तंसरीरं नो अन्नो जीवो अन्नं सरीरं तयाणंतरं च णं ममं पिउणोऽवि एस सण्णा तयाणंतरं ममवि एसा सण्णा जाव समोसरणं तं नो खलु अहं बहुपुरिसपरंपरागयं कुलनिस्सियं दिट्ठिं छंडेस्सामि, तए णं केसीकुमारसमणे पएसिरायं एवं व०-मा णं तुमं पएसी ! पच्छाणुतावि ए भवेज्जासि जहा व से पुरिसे अयहारए, के णं भंते ! से अयहारए ? , पएसी ! से जहाणामए केई पुरिसा अत्थत्थी अत्थगवेसी अत्थलुद्धगा अत्थकंखिया अत्थपिवासिया अत्थगवेसणयाए विउलं पणियंभंडमायाए सुबहुं भत्तपाणपत्थयणं गहाय एणं महं अकामियं छिन्नावायं दीहमद्धं अडविं अणुपविट्ठा, तए णं ते पुरिसा तीसे अकामियाए अडवीए कंचि देसं अणुप्पत्ता समाणा एणं महं अयागरं पासंति, अएणं सव्वतो समंता आइण्णं विच्छिण्णं संथंडं उवत्थंडं फुडं गाढं अवगाढं पासति ता हट्टतुट्टजावहियया अन्नमन्नं सद्धावेति ता एवं व०-एस णं देवाणुप्पिया ! अयभंडे इट्ठे कंते जाव मणामे, तं सेयं खलु देवाणुप्पिया ! अम्हं अयभारह बंधित्तएत्तिकट्ठु अन्नमन्नस्स एयमट्ठं पडिसुणेति ता अयभारं बंधंति ता अहाणुपुव्वीए संपत्थिया, तए णं ते पुरिसा अकामियाए जाव अडवीए किंचिदेस अणुपत्ता समाणा एणं महं तउआगरं पासंति तउएणं आइण्णं तं चेव जाव सद्धावेत्ता एवं व०-एस णं देवाणुप्पिया ! तउयभंडे जाव मणामे अप्पेणं चेव तउएणं सुबहुं अए लब्भति तं सेयं खलु देवाणुप्पिया ! अयभारए छड्ढेत्ता तउयभारए बंधित्तएत्तिकट्ठु अन्नमन्नस्स अंतिए एयमट्ठं पडिसुणेति ता

अयभारं छड्डेति ता तउयभारं बंधंति, तत्थ णं एगे पुरिसे णो संचाएइ अयभारं छड्डेत्तए तउयभारं बंधित्तए, तए णं ते पुरिसा तं पुरिसं एवं व०-एस णं देवाणुप्पिया ! तउयभंडे जाव सुबहुं अए लब्भति तं छड्डेहिं णं देवाणुप्पिया ! अयभारं तउयभारं बंधाहि, तए णं से पुरिसे एवं व०-दूराहडे मे देवा० ! अए चिराहडे मे देवा० ! अए अइगाढबंधणबद्धे मे देवाणु० ! अए असिलिद्धबंधणबद्धे देवा० ! अए धणियबंधणबद्धे देवा० ! अए णो संचाएमि अयभारं छड्डेत्ता तउयभारं बंधित्तए, तए णं ते पुरिसा तं पुरिसं जाहे णो संचायंति बहूहिं आघवणाहि य पन्नवणाहि य आघवित्तए वा पणवित्तए वा तया अहाणुपुव्वीए संपत्थिया, एवं तंबागरं रूप्पागरं सुवन्नागरं रयणागरं वइरागरं, तए णं ते पुरिसा जेणेव सया जणवया जेणेव साइं नगराईं तेणेव उवागच्छन्ति ता वयरणिक्कणयं करेति ता सुबहुदासीदासगोमहिसगवेलगं गिण्हंति ता अट्टतलमूसियपासायवडंसगे कारावेति ण्हाया कयबलिकम्मा उप्पिं पासायवरगया फुट्टमाणेहिं मुइं गमत्थएहिं बत्तीसइबद्धएहिं नाडएहिं वरतरूणीसंपउत्तेहिं उवणच्चिज्जमाणा उवगिज्जमाणा उवलालिज्जमाणा इट्ठे सद्वफरिस जाव विहरंति, तए णं से पुरिसे अयभारेण जेणेव सए नगरे तेणेव उवागच्छइ अयभारं गहाय अयविक्किणं करेति ता तंसि अप्पमोल्लंसि निट्ठियंसि झीणपरिव्वए ते पुरिसे उप्पिं पासायवरगए जाव विहरमाणे पासति ता एवं व०-अहो णं अहं अधन्नो अपुन्नो अकयत्थो अकलयक्खणो हिरिसिरिवज्जिए हीणपुण्णचाउडसे दुरंतपंतलक्खणे, जति णं अहं मित्ताण वा णाईण वा नियगाण वा सुणंतओ तो णं अहंपि एवं चेव उप्पिं पासायवरगए जाव विहरंतो, से तेणट्ठेणं पएसी ! एवं वुच्चइ-मा णं तुमं पएसी ! पच्छाणुताविए भविज्जासि जहा व से पुरिसे अयभारिए ११ । ७५। एत्थ णं से पएसी राया संबुद्धे केसिकुमारसमणं वंदइ जाव एवं व०-णो खलु भंते ! अहं पच्छाणुताविए भविस्सामि जहा व पुरिसे अयभारिए तं इच्छामि णं देवाणुप्पियाणं अंतिए केवलपन्नत्तं धम्मं निसामित्तए, अहासुहं देवाणुप्पिया ! मा पडिबंध०, धम्मकहा जाव चित्तस्स तहेव गिहिधम्मं पडिवज्जइ ता जेणेव सेयविया नगरी तेणेव पहारेत्थ गमणाए । ७६। तए णं केसी कुमारसमणे पएसिं रायं एवं व०-जाणासि तुमं पएसी ! कई आयारिया पं० ?, हंता जाणामि, तओ आयारिआ पं० तं०-कलायरिए सिप्पायरिए धम्मायरिए, जाणासि णं तुमं पएसी ! तेसिं तिण्हं आयरियाणं कस्स का विणयपडिवत्ती पउंजियव्वा ?, हंता जाणामि, कलायरियस्स सिप्पायरियस्स उवलेवणं संमज्जणं वा करेज्जा पुरओ पुप्फाणि वा आणवेज्जा मज्जावेज्जा मंडावेज्जा भोयाविज्जा वा विउलं जीवितारिहं पीइदाणं दलएज्जा पुत्ताणुपुत्तियं वित्तिं कप्पेज्जा, जत्थेव धम्मायरियं पासिज्जा तत्थेव वंदेज्जा णमंसेज्जा सक्कारेज्जा सम्माणेज्जा कल्लाणं मंगलं देवयं चेइयं पज्जुवासेज्जा फासुएसणिज्जेणं असणपाणखाइमसाइमेणं पडिलाभेज्जा पाडिहारिएणं पीढफलगसिज्जासंथारेणं उवनिमंतेज्जा, एवं च ताव तुमं पएसी ! एवं जाणासि तहावि णं तुमं ममं वामं वामेणं जाव वट्ठित्ता ममं एयमट्ठं अक्खामित्ता जेणेव सेयविया नगरी तेणेव पहारेत्थ गमणाए, तए णं से पएसी राया केसिं कुमारसमणं एवं व०-एवं खलु भंते ! मम एयारूवे अज्झत्थिए जाव समुप्पज्जित्था-एवं खलु अहं देवाणुप्पियाणं वामं वामेणं जाव वट्ठिए तं सेयं खलु मे कल्लं पाउप्पभायाए रयणीए जाव तेयसा जलंते अंतेउरपरियाल सद्धिं संपरिवुडस्स देवाणुप्पिए वंदित्तए नमंसित्तए एतमट्ठं भुज्जो २ सम्मं विणएणं खामित्तएत्तिकट्ठु जामेव दिसिं पाउब्भूते तामेव दिसिं पडिगए, तए णं से पएसी राया कल्लं पाउप्पभायाए रयणीए जाव तेयसा जलंते हट्ठुट्ठुजावहियए जहेव कूणिए तहेव निग्गच्छइ अंतेउरपरियाल सद्धिं संपरिवुडे पंचविहेणं अभिगमेणं वंदइ नमंसइ एयमट्ठं भुज्जो २ सम्मं विणएणं खामेइ । ७७। तए णं केसी कुमारसमणे पएसिस्स रण्णो सूरियकंतप्पमुहाणं देवीणं तीसे य महतिमहालियाए महच्चपरिसाए जाव धम्मं परिकहेइ, तए णं से पएसी राया धम्मं सोच्चा निसम्म उट्ठाए उट्ठेति ता केसिकुमारसमणं वंदइ नमंसइ ता जेणेव सेयविया नगरी तेणेव पहारेत्थ गमणाए, तए णं केसी कुमारसमणे पएसिरायं एवं व०-मा णं तुमं पएसी ! पुव्वि रमणिज्जे भवित्ता पच्छा अरमणिज्जे भविज्जासि जहा से वणसंडेइ वा णट्ठसालाइ वा इक्खुवाडएइ वा खलवाडएइ वा, कहं णं ? भंते !, वणसंडे पत्तिए पुप्फिए फलिए हरियगरेरिज्जमाणे सिरीए अतीव उवसोभेमाणे २ चिट्ठइ तया णं वणसंडे रमणिज्जे भवति, जया णं वणसंडे नो पत्तिए नो पुप्फिए नो फलिए नो हरियगरेरिज्जमाणे णो सिरीए अईव उवसोभेमाणे २ चिट्ठइ तया णं जुन्ने इडे परिसडियपंडुपत्ते सुक्करूक्खे इव मिलायमाणे चिट्ठइ तया णं वणे णो रमणिज्जे भवति, जया णं णट्ठसालावि गिज्जइ वाइज्जइ नच्चिज्जइ हसिज्जइ रमिज्जइ तया णं णट्ठसाला रमणिज्जा भवइ जया णं नट्ठसाला णो गिज्जइ जाव णो रमिज्जइ तया णं णट्ठसाला अरमणिज्जा भवति, जया णं इक्खुवाडे छिज्जइ भिज्जइ सिज्जइ पिज्जइ दिज्जइ तया णं

इक्खुवाडे रमणिज्जे भवइ जया णं इक्खुवाडे णो छिज्जइ जाव तया इक्खुवाडे अरमणिज्जे भवइ, जया णं खलवाडे उच्छुब्भइ उडुइज्जइ मलइज्जइ पुणिज्जइ खज्जइ पिज्जइ दिज्जइ तया णं खलवाडे रमणिज्जे भवति जया णं खलवाडे नो उच्छुब्भइ जाव अरमणिज्जे भवति, से तेणद्वेणं पएसी ! एवं वुच्चइ-मा णं तुमं पएसी ! पुव्विं रमणिज्जे भवित्ता पच्छा अरमणिज्जे भविज्जासि जहा वणसंडेइ वा०, तए णं पएसी केसिं कुमारसमणं एवं व०-णो खलु भंते ! अहं पुव्विं रमणिज्जे भवित्ता पच्छा अरमणिज्जे भविस्सामि जहा वणसंडेइ वा जाव खलवाडेइ वा, अहं णं सेयवियानगरीपमुक्खाइं सत्त गामसहस्साइं चत्तारि भागे करिस्सामि-एगं भागं बलवाहणस्स दलइस्सामि एगं भागं कुट्ठागारे छुभिस्सामि एगं भागं अंतेउरस्स दलइस्सामि एगेणं भागेणं महतिमहालियं कूडागारसालं करिस्सामि, तत्थ णं बहूहिं पुरिसेहिं दिन्नभइभत्तवेयणेहिं विउलं असणं० उवक्खडावेत्ता बहूणं समणमाहणभिक्खुयाणं पंथियपहियाणं परिभाएमाणे २ बहूहिं सीलव्वयगुणव्वयवेरमणपच्चक्खाणपोसहोववासेहिं जाव विहरिस्सामित्तिकट्टु जामेव दिसिं पाउब्भूए तामेव दिसिं पडिगए । ७८। तए णं से पएसी राया कल्लं जाव तेयसा जलंते सेयवियापामोक्खाइं सत्त गामसहस्साइं चत्तारि भाए कीरइ, एगं भागं बलवाहणस्स दलइ जाव कूडागारसालं करेइ, तत्थ णं बहूहिं पुरिसेहिं जाव उवक्खडेत्ता बहूणं समण जाव परिभाएमाणे विहरइ । ७९। तए णं से पएसी राया समणोवासए अभिगयजीवाजीवे० विहरइ, जप्पभिइं च णं पएसी राया समणोवासए जाए तप्पभिइं च णं रज्जं च रट्ठं च बलं च वाहणं च कोसं च कोट्टुमारं च पुरं च अंतेउरं च जणवयं च अणाढायमाणे यावि विहरति, तए णं तीसे सूरियकंताए देवीए इमेयारूवे अज्झत्थिए जाव समुप्पज्जित्था-जप्पभिइं च णं पएसी राया समणोवासए जाए तप्पभिइं च णं रज्जं च रट्ठं जाव अंतेउरं च ममं च जणवयं च अणाढायमाणे विहरइ तं सेयं खलु मे पएसिं रायं केणवि सत्थपओएण वा अग्गिपओगेण वा मंतप्पओगेण वा विसप्पओगेण वा उद्वेत्ता सूरियकंतं कुमारं रज्जे ठवित्ता सयमेव रज्जसिरिं कारेमाणीए पालेमाणीए विहरित्तएत्तिकट्टु एवं संपेहेइ ता सूरियकंतं कुमारं सदावेइ ता एवं व०-जप्पभिइं च णं पएसी राया समणोवासए जाए तप्पभिइं च णं रज्जं च जाव अंतेउरं च ममं च जणवयं च माणुस्सए य कामभोगे अणाढायमाणे विहरइ, तं सेयं खलु तव पुत्ता ! पएसिं रायं केणइ सत्थप्पयोगेण वा जाव उद्वेत्ता सयमेव रज्जसिरिं कारेमाणस्स पालेमाणस्स विहरित्तए, तए णं सूरियकंते कुमारे सूरियकंताए देवीए एवं वुत्ते समाणे सूरियकंताए देवीए एयमद्वं णो आढाइ नो परियाणाइ तुसिणीए संचिद्धइ, तए णं तीसे सूरियकंताए देवीए इमेयारूवे अज्झत्थिए जाव समुप्पज्जित्था मा णं सूरियकंते कुमारे पएसिस्स रज्जे इमं रहस्सभेयं करिस्सइत्तिकट्टु पएसिस्स रण्णो छिद्वाणि य मम्माणि य रहस्साणि य विवराणि य अंतराणि य पडिजागरमाणी २ विहरइ, तए णं सूरियकंता देवी अन्नया कयाई पएसिस्स रण्णो अंतरं जाणइ असणे जाव साइमे सव्ववत्थगंधमल्लालंकारे विसप्पजोगं पउंजइ, पएसिस्स रण्णो ण्हायस्स जाव पायच्छित्तस्स सुहासणवरगयस्स तं विससंजुत्तं असणं वत्थं जाव अलंकारं निसिरेइ. तए णं तस्स पएसिस्स रण्णो तं विससंजुत्तं असणं० आहारेमाणस्स० सरीरगंमि वेयणा पाउब्भूया उज्जला विउला पगाढा कक्कसा कडुया चंडा तिब्बा दुक्खा दुग्गा दुरहियासा पित्तजरपरिगयसरीरे दाहवक्कंतिए यावि विहरइ । ८०। तए णं से पएसी राया सूरियकंताए देवीए अत्ताणं संपलद्धं जाणित्ता सूरियकंताए देवीए मणसावि अप्पदुस्समाणे जेणेव पोसहसाला तेणेव उवागच्छइ ता पोसहसालं पमज्जइ ता उच्चारपासवणभूमिं पडिलेहेइ ता दब्भसंथारगं संथरेइ ता दब्भसंथारगं दुरूहइ ता पुरत्थाभिमुहे संपलियंकिनसन्ने करयलपरिगहियं० सिरसावत्तं मत्थए अंजलिं कट्टु एवं व०-नमोऽत्थु णं अरहंताणं जाव संपत्ताणं नमोऽत्थु णं केसिस्स कुमारसमणस्स मम धम्मोवदेसगस्स धम्मायरियस्स वंदामि णं भगवंतं तत्थगयं इहगए पासउ मे भगवं तत्थगए इहगयंतिकट्टु वंदइ नमंसइ पुव्विपि णं मए केसिस्स कुमारसमणस्स अंतिए थूलगपाणाइवाए पच्चक्खाए जाव परिगगहे तं इयाणिपिय णं तस्सेव भगवतो अंतिए सव्वं पाणाइवायं पच्चक्खामि जाव परिगगहं सव्वं कोहं जाव मिच्छादंसणसल्लं अकरणिज्जं जोयं पच्चक्खामि सव्वं असणं० चउव्विहंपि आहारं जावज्जीवाए पच्चक्खामि जंपिय मे इमं इदं जाव फुसंतुत्तिकट्टु एयंपिय णं चरिमेहिं ऊसासनिस्सासेहिं वोसिरामित्तिकट्टु आलोइयपडिक्कंते समाहिपत्ते कालमासे कालं किच्चा सोहम्मे कप्पे सूरियाभे विमाणे उववायसभाए जाव उववण्णे, तए णं से सूरियाभे देवे अहुणोववन्नए चेव समाणे पंचविहाए पज्जत्तीए पज्जत्तिभावं गच्छति, तं०-आहारपज्जत्तीए सरीर० इंदिय० आणापाण० भासामणपज्जत्तीए, तएवं खलु भो ! सूरियाभेणं देवेणं सा दिब्बा देविइढी दिब्बा देवजुत्ती दिब्बे देवाणुभावे लब्धे पत्ते

अभिसमन्नागए ॥८१॥ सूरियाभस्स णं भंते ! देवस्स केवतियं कालं ठिती पं० ?, गोयमा ! चत्तारि पलिओवमाइं ठिती पं०, से णं सूरियाभे देवे ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता कहिं गच्छिहिति कहिं उववज्जिहिति ?, गोयमा ! महाविदेहे वासे जाणि इमाणि कुलाणि भवंति, तं०- अड्ढाईं दिताईं विउलाईं विच्छिण्णविपुलभवणसयणासणजाणवाहणाइण्णाईं बहुधणबहुजातरूवरययाईं आओगपओगसंपउत्ताईं विच्छड्ढिपउरभत्तपाणाईं बहुदासीदासगोमहिसगवेलगप्पभूयाईं बहुजणस्स अपरिभूताईं तत्थ अन्नयरेसु कुलेसु पुत्तताए पच्चाइस्सइ, तए णं तंसि दारगंसि गब्भगयंसि चेव समाणंसि अम्मापिऊणं धम्मे दढा पइण्णा भविस्सइ तए णं तस्स दारयस्स० नवण्हं मासाणं बहुपडिपुत्ताणं अब्बट्टमाण राइंदियाणं वितिकंताणं सुकुमालपाणिपायं अहीणपडिपुण्णपंचिदियसरीरं लक्खणवज्जणगुणोववेयं माणुम्माणपमाणपडिपुत्तसुजायसव्वंगसुंदरंगं ससिसोमाकारं कंतं पियदंसणं सुरूवं दारयं पयाहिसि, तए णं तस्स दारगस्स अम्मापियरो पढमे दिवसे ठितिवडियं करेहिति ततियदिवसे चंदसूरदंसणिगं करिस्संति छट्ठे दिवसे जागरियं जागरिस्संति एक्कारसमे दिवसे वीइक्कंते संपत्ते बारसाहे दिवसे णिव्वित्ते असुइजायकम्मकरणे चोक्खे संमज्जिओवलित्ते विउलं असणपाणखाइमसाइमं उवक्खडावेस्संति ता मित्तणाइणियगसयणसंबंधिपरिजणं आमंतेत्ता तओ पच्छा ण्हाया कयबलिकम्मा जाव अलंकिया भोयणमंडवंसि सुहासणवरगया ते मित्तणाइजाव परिजणेण सद्धिं विउलं असणं० आसाएमाणा विसाएमाणा परिभुंजेमाणा परिभाएमाणा एवं चेव णं विहरिस्संति जिमियभुत्तुत्तरागयाविय णं समाणा आयंता चोक्खा परमसुइभूया तं मित्तणाइजावपरिजणं विउलेणं वत्थगंधमल्लालंकारेणं सक्कारेस्संति सम्माणिस्संति ता तस्सेव मित्तजावपरिजणस्स पुरतो एवं वइस्संति जम्हा णं देवाणुप्पिया ! इमंसि दारगंसि गब्भगयंसि चेव समाणंसि अम्हं धम्मे दढा पइण्णा जाया तं होउ णं अम्हं एयस्स दारयस्स दढपइण्णे (इ) णामेणं, तए णं तस्स दढपइण्णस्स दारगस्स अम्मापियरो नामधेज्जं करिस्संति दढपइण्णाइ य २, तए णं तस्स अम्मापियरो अणुपुव्वेणं ठितिवडियं च चंदसूरियदरिसणं च धम्मजागरियं च नामधिज्जकरणं च पज्जेमणं च पडिवद्धावणं च पचंकमणं च कन्नवेहणं च संवच्छरपडिलेहणं च चूलोवणं च अन्नाणि य बहूणि गब्भाहाणजम्मणाइयाईं महया इड्ढीसक्कारसमुदएणं करिस्संति ॥८२॥ तए णं दढपतिण्णे दारए पंचधाईपरिक्खित्ते खीरधाईए मज्जणधाईए अंकधाईए मंडणधाईए किलावणधाईए, अन्नाहि य बहूहिं चिलाइयाहिं वामणियाहिं वडभियाहिं बब्बरीहिं बउसियाहिं जोण्हियाहिं पण्णवियाहिं ईसिणियाहिं वारूणियाहिं लासियाहिं लाउसियाहिं दमिलीहिं सिंहलीहिं आरबीहिं पुलिंदीहिं पक्कणीहिं बहलीहिं मुरंडीहिं पारसीहिं णाणादेसीविदेसपरिमंडियाहिं सदेसणेवत्थगहियवेसाहिं इंगियचितियपत्थियवियाणाहिं निउणकुसलाहिं विणीयाहिं चेडियाचक्कवालतरूणिवंदपरियालपरिवुडे वरिसधरकंचुइमहयरवंदपरिक्खित्ते हत्थाओ हत्थं साहरिज्जमाणे उवनच्चिज्जमाणे अंगेण अंगं परिभुज्जमाणे उवगिज्जेमाणे २ उवलालिज्जमाणे २ अवतासि० २ परिचुंबिज्जमाणे रम्मेसु मणिकोट्टिमतलेसु परंगमाणे २ गिरिकंदरमल्लीणेविव चंपगवरपायवे णिव्वाघायंसि सुहंसुहेणं परिवडिढस्सइ, तए णं तं दढपतिण्णं दारगं अम्मापियरो सातिरेगअट्ठवासजायगं जाणित्ता सोभणंसि तिहिकरणणक्खत्तमुहुत्तंसि ण्हायं कयबलिकम्मं कयकोउअमंगलपायच्छित्तं सव्वालंकारविभूसियं करेत्ता महया इड्ढीसक्कारसमुदएणं कलायरियस्स उवणेहिति, तए णं से कलायरिए तह दढपतिण्णं दारगं लेहाइयाओ गणियप्पहाणाओ सउणरूयपज्जवसाणाओ बावत्तरिं कलाओ सुत्तओ अत्थओ गंथओ (करणओ) पसिक्खावेहि य सेहावेहि य, तं०-लेहं गणियं रूयं नट्टं गीयं वाइयं सरगयं पुक्खरगयं समतालं जूयं १० जणवयं पासगं अट्ठावयं पारेकव्वं दगमट्ठियं अन्नविहिं पाणविहिं वत्थविहिं विलेवणविहिं सयणविहिं २० अज्जं पहेलियं मागहियं णिद्वाइयं गाहं गीहयं सिलोगं हिरण्णजुत्तिं सुवण्णजुत्तिं आभरणविहिं ३० तरूणीपडिकम्मं इत्थिलक्खणं पुरिसलक्खणं हयलक्खणं गयलक्खणं गोणलक्खणं कुक्कुडलक्खणं छत्तलक्खणं चक्कलक्खणं दंडलक्खणं ४० असिलक्खणं मणिलक्खणं कागणिलक्खणं वत्थुविज्जं णगरमाणं खंधवारं माणवारं पडिचारं वूहं पडिवूहं ५० चक्कवूहं गरूलवूहं सगडवूहं जुद्धं निजुद्धं जुद्धाइजुद्धं अड्डिजुद्धं मुट्टिजुद्धं बाहुजुद्धं लयाजुद्धं ६० ईसत्थं छरूप्पवायं धणुवेयं हिरण्णपागं सुवण्णपागं - माणपागं धाउपागं, सुत्तखेइडं वट्ठखेइडं णालियखेइडं पत्तच्छेज्जं कडगच्छेज्जं सज्जीवनिज्जीवं सउणरूय ७२ मिति, तए णं से कलायरिए तं दढपइण्णं दरगं लेहाइयाओ गणियप्पहाणाओ सउणरूयपज्जवसाणाओ बावत्तरिं कलाओ सुत्तओ य अत्थओ य गंथओ य करणओ य सिक्खावेत्ता सेहावेत्ता अम्मापिऊणं उवणेहिति,

तए णं तस्स दढपइण्णस्स दारगस्स अम्मापियरो तं कलायरियं विउलेणं असणपाणखाइमसाइमेणं वत्थगंधमल्लालंकारेणं सक्कारिस्संति सम्माणिस्संति ता विउलं जीवियारिहं पीतिदाणं दलइस्संति विउलं जीवियारिहं० दलइत्ता पडिविसज्जेहिति । ८३। तए णं से दढपतिण्णे दारए उम्मुक्कबालभावे विण्णायपरिणयमित्ते जोव्वणगमणुपत्ते बावत्तरि-(१५०) कलापंडिए अट्टारसविहदेसोप्पगारभासाविसारए णवंगसुत्तपडिबोहिए गीयरई गंधव्वणट्टकुसले सिंगारागारचारूवेसे संगयगयहसियभणियचिद्धियविलास-संलावनिउणजुत्तोवयारकुसले हयजोही गयजोही रहजोही बाहुजोही बाहुप्पमही अलंभोगसमत्थे साहसिए वियालचारी यावि भविस्सइ, तए णं तं दढपइण्णं दारगं अम्मापियरो उम्मुक्कबालभावं जाव वियालचारिं च वियाणित्ता विउलेहिं अन्नभोगेहि य पाणभोगेहिं य लेणभोगेहिं य वत्थभोगेहि य सयणभोगेहि य उवनिमंतिहिति, तए णं दढपइण्णे दारए तेहिं विउलेहिं अन्नभोगेहिं जाव सयणभोगेहिं णो सज्जिहिति णो गिज्झिहिति णो मुच्छिहिति णो अज्झोववज्जिहिति से जहाणामए पउमुप्पलेति वा पउमेइ वा जाव सयसहस्सपत्तेति वा पंके जाते जले संवुइढे णोवलिप्पइ पंकरणं नोवलिप्पइ जलरणं एवामेव दढपइप्पणेऽवि दारए कामेहिं जाते भोगेहिं संवड्ढिए णोवलिप्पिहिति० मित्तणाइणियगसयणसंबंधिपरिजणेणं, से णं तथारूवाणं थेराणं अंतिए केवलं बोहि बुज्झिहिति केवलं मुंडे भवित्ता अगाराओ अणगारियं पव्वइस्सति, से णं अणगारे भविस्सइ ईरियासमिए जाव सुहुयहुयासणोइव तेयसा जलंते, तस्स णं भगवतो अणुत्तरेणं णाणेणं एवं दंसणेणं चरित्तेणं आलएणं विहारेणं अज्जवेणं मद्दवेणं लाघवेणं खन्तीए गुत्तीए मुत्तीए अणुत्तरेणं सच्चसंजमतवसुचरियफलणिव्वाणमग्गेण अप्पाणं भावेमाणस्स अणंते अणुत्तरे कसिणे पडिपुण्णे णिरावरणे णिव्वाघाए केवलवरनाणदंसणे समुप्पज्जिहिति, तए णं से भगवं अरहा जिणे केवली भविस्सइ सदेवमणुयासुरस्स लोगस्स परियागं जाणिहिति तं०-आगतिं गतिं ठितिं चवणं उववायं तक्कं कडं मणोमाणसियं खइयं भुत्तं पडिसेवियं आवीकम्मं रहोकम्मं अरहा अरहस्सभागी तं तं कालं मणवयकायजोगे वट्टमाणानं सव्वलोए सव्वजीवाणं सव्वभावे जाणमाणे पासमाणे विहरिस्सइ, तए णं दढपइन्ने केवली एयारूवेणं विहारेणं विहरमाणे बहूइं वासाइं केवलिपरियागं पाउणित्ता अप्पणो आउसेसं आभोएत्ता बहूइं भत्ताइं पच्चक्खाइस्सइ ता बहूइं भत्ताइं अणसणाए छेइस्सइ ता जस्सट्ठाए कीरइ णग्गभावे केसलोचबंभचेरवासे अण्हाणगं अदंतवणं अच्छत्तगं अणुवहाणगं भूमिसेज्जाओ फलहसेज्जाओ परघरपवेसो लब्धावलब्धाइं माणावमाणणाइं परेसिं हीलणाओ खिंसणाओ गरहणाओ तालणाओ उच्चावया विरूवा बावीसं परीसहोवसग्गा गामकंटगा अहियासिज्जंति तमट्ठं आराहेइ ता चरिमेहिं उस्सासनिस्सासेहिं सिज्झिहिति बुज्झिहिति मुच्चिहिति परिनिव्वाहिति सव्वदुक्खाणमंतं करेहिति । ८४। सेवं भंते ! २ ति भगवं गोयमे समणं भगवं महावीरं वंदइ नमंसइ ता संजमेणं तवसा अप्पाणं भावेमाणे विहरति । णमो जिणाणं जियभयाणं, णमो सुयदेवयाए भगवतीए, णमो पण्णत्तीए भगवईए, णमो भगवओ अरहओ पासस्स पस्से सुपस्से पस्सवणा णमो । ८५॥